

萬 有 文 庫

第 二 集 七 百 種

王 雲 五 主 編

後 漢 書 集 解

(二)

王 先 謙 集 解

商 務 印 書 館 發 行



後漢書集解

(二)

王先謙集解

國學基本叢書

顯宗孝明帝紀第二

後漢書二

宋宣城太守范曄撰
唐章懷太子賢注

王先謙集解

顯宗孝明皇帝諱莊

謚法曰照臨四方曰明。伏侯古今注曰莊之字曰嚴。〔集解〕惠棟曰袁山松後漢書曰帝諱陽一名莊。字子麗。東觀記曰建武四年五月甲申皇子陽生。上以赤色名之曰陽。風俗通曰明帝與光武同月生。

光武第四子也。母陰皇后。帝生而豐下。

杜預注左傳云豐下蓋面方也。東觀記云帝豐下兌上項赤色有似於堯。

十歲能通春秋。光武奇之。

〔集解〕惠棟曰東觀

記皇子陽至十三年通春秋。上循其頭曰吳季子陽對曰愚。贛無比。及阿乳母以問師傅曰少推誠對師傅無以易其辭。

建武十五年封東海公。十七年進爵為王。十九年立為

皇太子。

〔集解〕惠棟曰東觀記本紀曰上幼而聰明睿知。容貌壯麗。世祖異焉。數問以政議。應對敏達。謀謨甚深。溫恭好學。敬愛師傅。所以承事兄弟。親密九族。內外周洽。世祖愈珍上德。以為宜承先緒。建武十七年十月詔廢郭皇后立陰貴人以為皇后。

以南海王立為皇太子。治尚書。備師法。兼通九經。略舉大義。博觀羣書。以助衛學。無所不照。汪文臺曰御覽五百九十一引華蟻後漢書曰明帝自制五行章句。先謙曰劉隆傳光武見陳留吏牘上有書視之云潁川宏農可問。河南南陽不可問。帝詰吏由趣。吏不肯服。抵言於長壽街。上得之。帝怒。時顯宗為東海公。年十二。在幄後言曰吏受郡敕。當欲以墾田相方耳。帝曰即如此。何故言河南南陽不可問。對曰河南帝城多近臣。南陽帝鄉多近親。田宅踰制。不可為準。帝令虎賁將詰問。吏乃實首服。如顯宗對。建武十九年妖巫單

臣傳鎮等入原武自稱將軍。賊宮圍之數攻不下。帝問公卿諸侯王方略。顯宗時為東海王。獨對曰：妖巫相劫，執無久立。師事博士。其中必有悔欲亡者，但外圍急不得走耳。宜小挺緩，令得逃亡。則一亭長足以禽矣。帝從之。賊衆分散，遂斬臣鎮等。

桓榮學通尙書。

〔集解〕先謙曰：詳具榮傳。

中元二年二月戊戌，卽皇帝位。年二十。尊皇后曰皇太后。三月丁卯葬光

武皇帝於原陵。

帝王紀曰：原陵方三百二十步，高二丈。在臨平亭東南，去洛陽十五里。

有司奏上尊廟曰世祖。夏四月丙辰，詔曰：予末小子。

〔集解〕

惠棟曰：尙書顧命，王曰眇眇予末小子。

奉承聖業，夙夜震畏，不敢荒寧。先帝受命中興，德侔帝王，協和萬邦，假於上下。

假，至也。音格。

懷柔百神，惠於鰥寡。

懷，安也。柔和也。禮曰：凡山林能興雲致雨者，皆曰神。有天下者，祭百神。懷柔百神也。書曰：惠於鰥寡。〔集解〕惠棟曰：漢書谷永傳引書云：懷保小人，惠于鰥寡。蔡邕石經同。今書作惠鮮。偽孔氏注云：加惠鮮乏。

鰥寡之人，說迂曲，不若從石經，漢書爲正。

朕承大運，繼體守文。

創基之主，則尙武功，以定禍亂。其次繼體而立者，則守文德。穀梁傳曰：承明繼體，則守文之君也。

不知稼穡之艱難，懼有

廢失，聖恩遺戒，顧重天下。呂元元爲首。

〔集解〕惠棟曰：此遺詔中文，更不載也。

公卿百僚，將何呂輔朕不逮，其賜天下男子

爵人二級。

前書音義曰：男子者，謂戶內之長也。商鞅謂秦制爵二十級，一公士，二上造，三簪鬃，四不更，五大夫，六官大夫，七公大夫，八公乘，九五大夫，十左庶長，十一右庶長，十二左更，十三中更，十四右更，十五少上造，十六大上造，十七駟車庶長。

十八大庶長，十九關內侯，二十徹侯。人賜爵者，有罪得贖，貧者得資與人。

三老、孝悌、力田、人三級。

三老、孝悌、力田，三者皆鄉官之名。三老，高帝置。孝悌、力田，高后置。所以勸導鄉里，助成風化也。文帝詔曰：孝悌天下之大經也。

力田爲生之本也。三老衆人之師也。其以戶口率置員。事見前書。

爵過公乘得移與子若同產同產子。

漢制賜爵自公士已上不得過公乘。故過者得移授也。同產同母兄弟也。《集解》惠棟曰劉劭

爵制曰吏民爵不得過公乘得實與子若同產。

及流人無名數欲自占者人一級。

無名數謂無文簿也。占謂自歸首也。《集解》劉劭曰及流人無名數案他處詔書皆有脫無名數則云及流人云云此無故

不當有及字。三年詔亦無可互驗。惠棟曰宣帝紀地節二年詔曰流民自占八萬餘口師古曰占者謂自隱度其戶口而著名籍也。占音之贖反。

鰥寡孤獨篤瘡粟人十斛其施刑及郡國徒。

在中元元年四月己卯赦前所犯而後捕繫者悉免其刑。又邊人遭亂爲內郡人妻在己卯赦前一切

遺還邊恣其所樂中二千石下至黃綬。

漢制二百石以上銅印黃綬也。

貶秩贖論者悉皆復秩還贖方今上無天子下無

方伯。

公羊傳曰上無天子下無方伯。此制引以爲謙也。《集解》惠棟曰集覽正誤云此因光武初崩故云與公羊義不同。棟案此正誤臆說章懷注是也。章帝建初七年詔亦云上無明天子下無賢方伯。豈當時亦因明帝初崩耶。

若涉淵水。

而無舟楫夫萬乘至重而壯者慮輕。

帝謙言年尙少壯思慮輕淺故須賢人輔弼。

實賴有德左右小子。

賴恃也。左右助也。

高密侯禹元

功之首東平王蒼寬博有謀竝可呂受六尺之託臨大節而不撓。

六尺謂年十五已下大節謂大事機風也音女孝反。

其呂禹爲太傅。

蒼爲驃騎將軍太尉熹告謚南郊。

趙熹也。應劭風俗通曰禮臣子無爵謚君父之義也。故羣臣累其功美葬日遣太尉於南郊告天而謚之。

司徒訴奉安梓宮。

李訴也。梓宮以梓木

為棺風俗通曰宮者存時所居緣生事死因以為名

司空魴將校復土

馮魴也將校謂將領五校兵以穿壙也前書音義曰復土主穿壙墳墓事也言下棺訖復以上為墳故言復土

其封憲為節鄉侯

訴為安鄉侯魴為楊邑侯秋九月燒當羌寇隴西敗郡兵於允街

允街縣名也允音鉛街音佳屬金城郡故城在今涼州昌松縣東南城臨麗水一名麗水

城〔集解〕先謙曰在今涼州府平番縣南

赦隴西囚徒減罪一等勿收今年租調又所發天水三千人亦復是歲更賦

更謂戌卒更相代也

賦謂雇更之錢也前書音義曰更有三品有卒更有踐更有過更古正卒無常人皆當迭為之有一月一更是為卒更貧者欲得雇更錢次直者出錢雇之月一千是為踐更古者天下人皆當戍邊三日亦名為更不可人人自行三日戍當行者不可往即還因任一歲

次直者出錢三百雇之謂之過更〔集解〕劉敞曰注有一月二更案文多一有字緣一月字似有故衍因任一歲案任當作住

遣謁者張鴻討叛羌於允吾

允吾縣名屬金城郡故城在今隴州廣武縣西南允音沿吾音

牙〔集解〕先謙曰今蘭州府皋蘭縣地在河北皋蘭縣西北注蘭是蘭之誤

鴻軍大敗戰歿冬十一月遣中郎將竇固監捕虜將軍馬武等二將軍

討燒當羌十二月甲寅詔曰方春戒節人呂耕桑其敕有司務順時氣使無煩擾

禮記孟春之月布德和令行慶施惠仲春無作大事

以妨農事

天下亡命殊死目下聽得贖論死罪入緘二十匹右趾至髡鉗城旦春十匹

前書音義曰右趾謂則其右足次則左足次則次黥

次髡鉗為城旦春城旦者晝日伺寇虜夜暮築長城春者婦人犯罪不任軍役之事但令春以食徒者

完城旦春至司寇作三匹

完者謂不加髡鉗而築城也次鬼薪白粲次隸臣妾次司寇作

其未發

覺詔書到先自告者半入贖今選舉不實邪佞未去權門請託殘吏放手

放手謂貪縱爲非也

百姓愁怨情無告

訴有司明奏罪名並正舉者

舉非其人並正舉主之罪〔集解〕惠棟曰應劭漢官儀曰建武八年世祖詔方今選舉賢佞朱紫錯用自今以後審四科辟召及刺史二千石察舉茂才尤異者孝廉廉吏務盡實覈選擇英

俊賢行廉潔平端於縣邑務受試以職有非其人臨計過署不便習曹事書疏不端正不如詔書有司奏罪名并正舉者

又郡縣每因徵發輕爲姦利詭責羸弱先急下貧其務

在均平無令枉刻

永平元年春正月帝幸公卿已下朝於原陵如元會儀

漢官儀曰古不墓祭秦始皇起寢於墓側漢因而不改諸陵寢皆以晦望二十四氣三伏社臘及四時上飯其親陵所宮

人隨鼓漏理被枕具盥水陳莊具天子以正月上原陵公卿百官及諸侯王郡國計吏皆當軒下占其郡國穀價四方改易欲先帝魂魄聞之也元會儀見下

夏五月太傅鄧禹薨戊寅東海王彊薨遣

司空馮魴持節視喪事賜升龍旄頭鑾輅龍旂

旄頭見光武紀鑾鈴也在鑾交龍爲旂唯天子用之今特賜以葬

六月乙卯葬東海恭王秋

七月捕虜將軍馬武等與燒當羌戰大破之募士卒戍隴右賜錢人三萬八月戊子徙山陽王荆爲廣

陵王遣就國是歲遼東太守祭彤使鮮卑擊赤山烏桓大破之斬其渠帥

赤山在遼東西北數千里

越嶲姑復夷叛姑復

縣名〔集解〕先謙曰前志姑復臨池澤在南陳澧云即今永北廳程海姑復近鴉礪金沙二江合流處

州郡討平之〔集解〕惠棟曰續志益州擊姑復蠻夷大牟替滅斬首傳詣洛陽

二年春正月辛未宗祀光武皇帝於明堂帝及公卿列侯始服冠冕衣裳玉佩絢屨昌行事

漢官儀曰天子冠通天諸

侯王冠遠遊三公諸侯冠進賢三梁卿大夫尙書二千石博士冠兩梁二千石已下至小吏冠一梁天子公卿特進諸侯祀天地明堂皆冠平冕天子十二旒三公九卿諸侯七其纓各如其綬色玄衣纁裳周禮曰王祀昊天上帝則服大裘而冕祀五帝亦如之三禮圖曰冕以三十升布染而爲之廣八寸長尺六寸前闕後方前下後高有倮伏之形故謂之冕欲人之位彌高而志彌下故以名焉董巴輿服志曰顯宗初服冕衣裳以祀天地衣裳以玄上纁下乘輿備文日月星辰十二章三公諸侯用山龍九章卿已下用華蟲七章皆五色采乘輿刺繡公卿已下皆織成陳留襄邑獻之徐廣車服注曰漢明帝案古禮備其服章天子郊廟衣阜上絳下前二幅後四幅衣畫而裳繡禮記曰古之君子必佩玉君子於玉比德焉天子佩白玉諸侯佩山玄玉大夫佩水蒼玉世子佩瑜玉周禮屨人掌王赤舄青絢鄭玄注云赤舄爲上冕服之舄也絢屨鼻頭以青絲飾之絢音勔三禮圖曰屨複下曰舄其禮畢登靈臺使尙書令持色各隨裳色〔集解〕劉敞曰注二千石已下至小吏案上文已云二千石冠兩梁此則多一二字

節詔驃騎將軍三公曰今令月吉日宗祀光武皇帝於明堂昌配五帝

五經通義曰蒼帝靈威仰赤帝赤熛怒黃帝含樞紐白帝白招拒黑帝叶光紀

牲幣及玉各依方色〔集解〕劉敞曰注白招拒案禮作白招拒音矩不便作矩也

禮備法物樂和八音詠祉福舞功德

祉亦福也詠謂詩云降福穰穰之類景帝詔曰歌者所以發德舞者所以明功

其班時令勅羣后

班布也時令謂月令也四時各有令若有乖舛必致妖災故告之〔集解〕劉敞曰正文案此詔方敘行禮事未有敕下語則此字爲衍文下文自有其令天下云云

事畢升靈臺望元

氣吹時律觀物變

元氣天氣也。王者承天心，理禮樂，通上下四時之氣也。故望之焉。時律者，即月令孟春律中太簇，仲春律中夾鍾之類。大戴禮曰：聖人截十二管，察八音之清濁，謂之律呂。律呂不正，則諸氣不和。周禮保章氏以五雲之色。

辨吉凶。水旱豐荒之禮象。鄭司農注云：以二至二分觀雲色。青爲蟲，白爲喪，赤爲兵，荒，黑爲水，黃爲豐。故春秋傳曰：凡分至啓閉，必書雲物爲備。故也。杜預注云：物謂氣色災變也。

羣僚藩輔宗室子孫衆郡奉計百

蠻貢職

奉計謂計吏也。詩曰：因時百蠻。百言衆多也。獨言蠻通四夷也。

烏桓濊貊咸來助祭。單于侍子骨都侯亦皆陪位。斯固聖祖功德之

所致也。朕自闡陋奉承大業親執圭璧恭祀天地

周禮曰：四圭尺有二寸以祀天。又曰：以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。仰

惟先帝受命中興撥亂反正。呂寧天下

撥理也。公羊傳曰：撥亂世反之正。莫近於春秋。

封泰山建明堂立辟雍起靈臺恢弘大道

被之八極

淮南子曰：九州之外有八寅。八寅之外有八紘。八紘之外有八極。

而胤子無成康之質羣臣無呂旦之謀

明帝自謂無成康之時。刑措不用四十餘年。《集解》劉攽

曰：注案文意當更有成康之質四字。然後云成康之時。

盥洗進爵踧踏惟慙

鄭玄注論語云：踧踏敬恭貌。盥音管。

素性頑鄙臨事益懼故君子坦蕩蕩小人

長戚戚

坦蕩明達之貌。戚戚常憂懼也。

其令天下自殊死。呂下謀反大逆皆除之。百僚師尹其勉修厥職。順行時令敬若

昊天。呂綏兆人

若順也。

三月臨辟雍初行大射禮

儀禮曰：大射之禮。王將祭射宮。擇士以助祭也。張侯侯、熊侯、豹侯、其制若今之射的矣。謂之爲侯者。天子射中之可以服諸侯也。天子侯中一

丈八尺。畫以雲氣焉。王以六耦射三侯。樂以騶虞九節。諸侯以四耦射二侯。樂以狸首七節。孤卿大夫以三耦射一侯。樂以采蘋五節。士以二耦射。射侯。樂以采蘋三節。劉攽曰。注儀禮曰。大射之禮。案此非儀禮本文。不合著曰字。

秋九月。沛

王輔。楚王英。濟南王康。淮陽王延。東海王政。來朝。冬十月壬子。幸辟雍。初行養老禮。詔曰。光武皇帝建

三朝之禮。而未及臨饗。

三朝之禮。謂中元元年。初起明堂。辟雍。饗臺也。

眇眇小子。屬當聖業。

尙書康王曰。眇眇子末小子。孔安國注云。眇眇猶微微也。

間暮春吉辰。

初行大射。令月元日。

東觀記曰。十月元日。

復踐辟雍。尊事三老。兄事五更。安車轆輪。供綏執授。侯王設醬。公卿饌

珍。朕親袒割。執爵而酌。

孝經援神契曰。尊事三老。父象也。宋均注曰。老人知天地之事者。安車。坐乘之車。轆輪。以蒲裹輪。轆音而窵反。三老。就車。天子親執綏授之。說文。綏。車中把也。五更。老人知五行更代事者。漢官儀曰。三老。五

更。皆取有首妻。男女全具者。續漢志曰。養三老五更。先吉日。司徒上太傅若講師。故三公人名。用其德行年耆高者。三公一人為三老。次卿一人為五更。皆服絺紵大袍單衣。卓緣領袖中衣冠。進賢扶玉杖。五更亦如之。不杖。皆齊于太學講堂。其日乘輿先到辟雍。禮畢。殿坐于東廡。遣使者安車迎三老五更。天子迎于門屏。交拜。導自階。階三老自賓階升。東面。三公設几杖。九卿正履。天子親袒割俎。執饗而饋。執爵而酌。五更南面。三公進供。禮亦如之。明日皆詣闕謝。以其於己禮大隆也。醬。隨也。珍。謂肴羞之屬。卽周禮八珍之類。鄭玄注儀禮云。酌。澂也。所以潔口。音翻。〔集解〕劉攽曰。注老人知天地之事。案本以知天地人三才。故謂之三老。則此之字。當作人也。惠棟曰。玉杖當作王杖。

祝哽在前。祝噎在後。

老人食多哽咽。故置人於前後祝之。令其不哽噎也。

升歌鹿鳴。下管新宮。

鹿鳴。詩小雅篇名也。新宮。小雅逸篇也。升。登也。登堂而歌。所以重人聲也。燕禮曰。升歌鹿鳴。下管新宮。〔集解〕惠棟曰。案此則後漢時新宮之樂尙存。

八佾具脩。萬舞於庭。

伶列也。謂舞者行列也。左氏傳曰：天子八佾，諸侯六，大夫四，士二。夫舞所以節八音而行八風，故自八以下，萬亦舞也。詩云：公庭萬舞。

朕固薄德，何日克當。易陳負乘，詩刺彼己。

易曰：負且乘，致

寇至，負也者，小人之事也。乘也者，君子之器也。小人而乘君子之器，盜思奪之矣。詩曰：彼己之子，不稱其服也。

永念慙疚，無忘厥心。三老李躬。

（集解）惠棟曰：躬，常山人。見東觀記。胡注：桓榮傳及袁紀，詔獨言桓榮，不

及李躬，棟案不言李躬者，省文也。

年著學明，五更桓榮，授朕尚書。詩曰：無德不報，無言不酬。

詩大雅也。

其賜榮爵關內侯，食邑

五千戶。三老五更，皆百二千石祿，養終厥身。其賜天下三老酒，人一石，肉四十斤。有司其存者，蓋

禮記曰：六

十曰耆，七十曰壽，釋名曰：耆，指也，不從力，役指事使人也。壽，鐵也，皮膚變黑色如鐵也。

恤幼孤，惠鰥寡，稱朕意焉。中山王馮始就國，甲子，西巡狩，幸長安，祠

高廟。

（集解）汪文臺曰：文選張衡東京賦注，引華嶠書云：明帝至長安，迎取飛廉并銅馬，置上西門平樂觀。

遂有事於十一陵，歷覽館邑，會郡縣吏，勞賜作樂。

（集解）惠棟曰：

東觀記：時有縣三老上章云：陛下入東都，臣望顏色，儀類先帝。臣一驩喜，百姓嚴設如舊時。臣二驩喜，見吏賞賜，識先帝時事。臣三驩喜，陛下聽用直諫，嘿然受之。臣四驩喜，陛下至明，懲艾酷吏，視人如赤子。臣五驩喜，進賢用能，各得其所。臣六驩喜，天下太平，德合於堯。臣七驩喜，帝令上殿，欲觀上衣，因舉虎頭衣，以畏三老。十一月甲申，遣使者，百中牢祠蕭何、霍光。帝謁陵園，過式其墓。

東觀漢記曰：蕭何墓在長陵東司馬門道。

北百步。又云：霍光墓在茂陵東司馬門道南四里，式敬也。禮記曰：行過墓必式。

進幸河東，所過賜二千石，令長已下至於掾史，各有差。

續漢志曰：郡國及縣諸曹皆置掾史。

癸卯車駕還宮十二月護羌校尉竇林下獄死。

〔集解〕惠棟曰東觀記林奉使羌顛岸降詣林林欲以為功效奏言大豪後顛岸兄顛吾復詣林林言其第一豪問事狀林對前後兩屈林以

誣罔詣獄上不忍誅免官後涼州刺史秦林贓罪復收繫羽林監遂死獄中棟案林為竇融從兄子也。

是歲始迎氣於五郊。

續漢書曰迎氣五郊之兆四方之兆各依其位中央之兆在未壇皆二尺立春之日迎春於東郊祭青帝

句芒車服皆青歌青陽八佾舞雲翹之舞立夏之日迎夏於南郊祭赤帝祝融車服皆赤歌朱明八佾舞雲翹之舞先立秋十八日迎黃靈於中兆祭黃帝后土車服皆黃歌朱明八佾舞雲翹育命之舞立秋之日迎秋於西郊祭白帝蓐收車服皆白歌白藏八佾舞育命之舞立冬之日迎冬於北郊祭黑帝玄冥車服皆黑歌玄冥八佾舞育命之舞。

少府陰就子豐殺其妻酈邑公主就坐自殺。

酈縣屬南陽郡酈音櫟〔集解〕先謙曰在今南陽府內鄉縣東北。

三年春正月癸巳詔曰朕奉郊祀登靈臺見史官正儀度。

儀謂渾儀以銅為之置於靈臺王者正天文之器也。度謂日月星辰之行度也史官即太史掌天文之官也。

夫春者歲之始也始得其正則三時有成。

正謂日月五星不失其次也。三時謂春夏秋左傳曰務其三時。

比者水旱不節邊人食寡政失於

上人受其咎有司其勉順時氣勸督農桑去其螟蟻且及蝥賊。

爾雅曰食苗心曰螟食節曰蟻食根曰蝥蟻一名短狐今之水螿含沙射人為災言此者欲令臣下

順時行政勿侵擾也〔集解〕錢大昕曰蟻當為螿即贖字爾雅作螿注以為短狐失之。

詳刑慎罰。

〔集解〕惠棟曰古文尙書呂刑曰度作詳刑以詰四方。又曰告爾詳刑鄭元注云詳審察之也慎罰見康誥。

明察單辭。

單辭

猶偏僻也〔集解〕惠棟曰呂刑曰明清于單辭何若瑤曰朱浮傳注言無正據也

夙夜匪懈。呂稱朕意。二月甲寅。太尉趙熹。司徒李訢免。丙辰。左馮翊

郭丹爲司徒。己未。南陽太守虞延爲太尉。甲子。立貴人馬氏爲皇后。皇子烜音丁達反爲皇太子。賜天下男

子爵人二級。三老孝悌力田人三級。流人無名數。欲占者人一級。鰥寡孤獨篤瘡貧不能自存者粟。人

五斛。夏四月辛酉。封皇子建爲千乘王。千乘。國名。今青州縣。故城在今淄州高苑。北〔集解〕先謙曰。今青州府高苑縣地。羨爲廣平王。六月丁卯。有星

孛于天船北。天船。星名。續漢志曰。天船爲水。孛出之爲大水。是歲伊洛水溢。到津城門。伏侯古今注曰。孛長三尺所見三十五日乃去。秋八月戊辰。改大樂爲大予樂。尙書璇璣鈴曰。有帝漢出。

德洽作樂名予。故據璇璣鈴改之。漢官儀曰。大子樂令一人秩六百石。壬申晦。日有蝕之。〔集解〕惠棟曰。續志在氏二度。氏爲宿宮。是時明帝作北宮。袁宏紀是時刑法嚴峻。人懷憂懼。因是變也。詔曰。朕奉承

祖業。無有善政。日月薄蝕。彗孛見天。水旱不節。稼穡不成。人無宿儲。下生愁墊。儲。積也。墊。溺也。音丁念反。雖夙夜勤思。

而智能不逮。昔楚莊無災。日致戒懼。說苑曰。楚莊王見天不見妖。而地不出孽。則禱于山川曰。天其忘余歟。此能求過于天。必不逆諫矣。魯哀禍大。天不降譴。春秋感精

符曰。魯哀公時。政彌亂。絕不日食。政亂之類。當致日食之變。而不應者。譴之何益。告之不悟。故哀公之篇。絕無日食之異。〔集解〕惠棟曰。案春秋哀公十有四年五月庚申朔。日有食之。注謂哀公之篇。絕無日食之異。此緯書之譌。緣春秋古文後出。止據公穀兩傳。故劉

向集亦云。春秋二百四十年。日食三十六。不數哀公也。

今之動變。儻尙可救。有司勉思厥職。呂匡無德。古者卿士獻詩。百工箴諫。

國語曰天

子聽政。公卿至于庶士獻詩。師箴百工諫。庶人傳語。近臣進規。而後王斟酌事焉。

其言事者。靡有所諱。冬十月。蒸祭光武廟。

禮記曰。冬祭曰蒸。蒸。衆也。冬物畢成。可祭者衆。

初奏

文始。五行。武德之舞。

前書曰。文始舞者。本舜韶舞也。高祖六年。更名曰文始。其舞人執羽籥。五行者。本周舞也。秦始皇二十六年。更名曰五行。其舞人冠冕衣服。法五行色。武德者。高祖四年作。言行武以除亂也。其舞人執干戚。光武

草創。禮樂未備。今始奏之。故云初也。

甲子。車駕從皇太后幸章陵。觀舊廬。

〔集解〕惠棟曰。東觀記。上與皇太后幸南陽章陵。周觀舊廬。召見陰鄧故人。上在於道所見吏。勞賜省事畢。步行觀部署。不用輿車。

十二月戊辰。至自章陵。是歲。起北宮及諸官府。京師及郡國七大水。

四年春。

〔集解〕汪文臺曰。御覽二十九引司馬書云。永平四年。詔曰。比來水旱饑饉。加有軍旅。正旦無陳朝賀之儀。

二月辛亥。詔曰。朕親耕藉田。呂祈農事。

禮記曰。天子親耕于東郊。

爲藉田千畝。冕而朱紘。躬秉耒耜。五經要義曰。天子藉田。以供上帝之粢盛。所以先百姓而致孝敬也。藉。蹈也。言親自蹈履于田而耕之。續漢志云。正月始耕。既事告祠。先農。漢舊儀曰。先農。卽神農炎帝也。祠以太牢。百官皆從。皇帝親執耒耜而耕。天子三推。三公五。孤卿十。大夫十二。士庶人終畝。乃致藉田倉。置令丞。以給祭天地宗廟。以爲粢盛。〔集解〕先謙曰。官本注。致作置。

京師冬無宿雪。春不燠沐。

燠。暖也。音於六反。沐。潤澤也。言無暄潤之氣也。

煩勞羣司。積

精禱求。

積精。猶儲積也。說文云。告事求福曰禱。〔集解〕何若璠曰。管子。不精者心不治。注。精。誠至之謂也。積精。猶積誠。注非。

而此再得時雨。宿麥潤澤。其賜公卿半奉。有司

勉遵時政。務平刑罰。秋九月戊寅。千乘王建薨。冬十月乙卯。司徒郭丹。司空馮魴免。丙辰。河南尹范遷爲司徒。太僕伏恭爲司空。十二月。陵鄉侯梁松下獄死。

坐縣飛書誹謗。

五年春二月庚戌。驃騎將軍東平王蒼罷歸藩。琅邪王京就國。冬十月。行幸鄴。與趙王栩會鄴。常山三老言於帝曰。上生於元氏。願蒙優復。詔曰。豐沛濟陽。受命所繇。加恩報德。適其宜也。今永平之政。百姓怨結。而吏人求復。令人愧笑。重逆此縣之拳拳。

重。難也。拳拳。猶勤勤也。禮記曰。得一善。則拳拳服膺而不息。

其復元氏縣田租更賦六歲。

勞賜縣掾史及門閹走卒。

續漢志曰。五伯鈴下侍閹門閹。部署街里走卒。皆有程品。多少隨所典。領。集解。惠棟曰。元和郡縣志引後漢書曰。賜縣掾史及門閹走卒錢。

至自鄴。十一月。北匈奴寇五原。十二月。寇雲中。南單于擊卻之。是歲。發遣邊人在內郡者。賜裝錢人二萬。

六年春正月。沛王輔。楚王英。東平王蒼。淮陽王延。琅邪王京。東海王政。趙王盱。北海王興。齊王石。來朝。

二月。

集解。惠棟曰。宋志作三月。

王雒山出寶鼎。

雒。或作維。集解。惠棟曰。東觀記作雒。

廬江太守獻之。夏四月甲子。詔曰。昔禹收九牧之

金鑄鼎呂象物。

〔集解〕惠棟曰：春秋傳曰：昔夏之方有德也，遠方圖物，貢金九牧，鑄鼎象物，不指何君。墨子天柱篇以爲夏啓之事。墨子在春秋時，當得其實。漢時皆以爲夏禹事，失之。

使人知神姦，不逢惡

氣。

夏禹之時，令遠方圖畫山川奇異之物，使九州之牧貢金，鑄鼎以象之，令人知鬼神百物之形狀而備之，故人入山林川澤，魘魅罔兩，莫能逢之，惡氣謂罔兩之類，事見左傳。

遭德則興，遷于商周，周德既衰，

鼎迺淪亡。

史記曰：周鼎亡入泗水中，秦始皇過彭城，齋戒，欲出周鼎於泗水，使千人沒水，求之不得。

祥瑞之降，呂應有德，方今政化多僻，何呂致茲？易曰：鼎

象三公。

易曰：鼎折足，覆公餗。〔集解〕通鑑胡注：此蓋易緯之辭。惠棟曰：案鼎三足，象三公，故云。前漢彭宣曰：三公鼎足承君，是也。胡云：易緯之辭，何所據耶？

豈公卿奉職，得其理邪？太常其呂訥

祭之日。

禮記曰：夏祭曰禘，音藥，禘薄也。夏物未成，祭尙薄。

陳鼎於廟，呂備器用，賜三公帛五十匹，九卿二千石半之，先帝詔書，禁人

上事言聖，而間者章奏，頗多浮詞，自今若有過稱虛譽，尙書皆宜抑而不省，示不爲諂子蚩也。冬十月，

行幸魯，祠東海恭王陵，會沛王輔、楚王英、濟南王康、東平王蒼、淮南王延、琅邪王京、東海王政。十二月，

還幸陽城，遣使者祠中岳。壬午，車駕還宮。東平王蒼、琅邪王京，從駕來朝皇太后。

七年春正月癸卯，皇太后陰氏崩。二月庚申，葬光烈皇后。

〔集解〕通鑑胡注：西京諸后皆從帝諡，惟衛思后許恭哀后不以壽終，而別追諡之，從帝諡而又加一字，自陰后始。

秋八月戊辰。北海王興薨。是歲。北匈奴遣使乞和親。

八年春正月己卯。司徒范遷薨。

漢官儀曰。遷字子閭。沛人也。〔集解〕惠棟曰。遷事見郭丹傳。

三月辛卯。太尉虞延爲司徒。衛尉趙憙行太

尉事。遣越騎司馬鄭衆報使北匈奴。初置度遼將軍。屯五原曼柏。

武帝拜范明友爲度遼將軍。至此復置焉。以中郎將吳常行度遼將軍。曼柏縣在今勝州銀城

縣。〔集解〕何焯曰。前書昭紀。元鳳三年。以中郎將范明友爲度遼將軍。此與南匈奴傳注。皆誤作武帝。

秋。郡國十四雨水。冬十月。北宮成。丙子。臨辟雍。養三老五更。

禮畢。詔三公募郡國中。都官死罪繫囚。減臯一等。勿笞。詣度遼將軍營。屯朔方五原之邊縣。妻子自隨。

便占著邊縣。

占著。謂附名籍。〔集解〕惠棟曰。史記田叔列傳。因占著名數。索隱言卜占而自占著家口名數。猶今附籍然也。占音之豔反。

父母同產欲相代者。悉聽之。其大逆無

道殊死者。一切募下蠶室。亡命者令贖罪。各有差。凡徙者。賜弓弩衣糧。壬寅晦。日有食之。既。

既。盡也。〔集解〕惠棟曰。

續志。在斗十一度。斗。吳也。廣陵於天文屬吳。後二年。廣陵王荆坐謀反。自殺。

詔曰。朕。呂無德。奉承大業。而下貽人怨。上動三光。日食之變。其災尤大。

春秋圖讖。所爲至譴。

春秋感精符曰。人主含天光。據璣衡。齊七政。操八極。故君明聖。天道得正。則日月光明。五星有度。日明則道正。不明則政亂。故常戒以自敕厲。日食皆象君之進退。爲盈縮。當春秋撥亂。日食三十六。故曰至譴也。

〔集解〕劉敞曰正文春秋圖讖所為至譌案文為當作謂先謙曰官本道正作政理為謂古字通作

永思厥咎在予一人羣司勉修職事極言無諱於是在位者皆

上封事各言得失

宣帝始令羣臣得奏封事以知下情封有正有副領尚書者先發副封所言不善屏而不奏後魏相奏去副封以防擁蔽

帝覽章深自引咎迺召所上班示百

官詔曰羣僚所言皆朕之過人冤不能理吏黠不能禁而輕用人力繕修宮宇

〔集解〕惠棟曰謂起北宮及諸官府也

出入

無節

〔集解〕惠棟曰洪範五行傳曰出入不節尊民農時及有姦謀則木不曲直

喜怒過差昔應門失守闕雎刺世

春秋說題辭曰人主不正應門失守故歌闕雎以感之宋均注曰應門聽政之

處也言不以政事為務則有宣淫之心闕雎樂而不淫思得賢人與之共化修應門之政者也薛君韓詩章句曰詩人言雎鳩貞潔慎匹以聲相求隱蔽于無人之處故人君退朝入于私宮后妃御見有度應門擊柝鼓人上堂退反宴處體安志明今時大人內傾于色賢人見其萌故詠闕雎

飛蓬隨風微子所歎

管子曰無儀法程式飛搖而無所定謂之飛蓬飛蓬之間明王不聽此言微子未詳〔集解〕沈濤曰注正引管子以解飛蓬則微子當作微管六朝人每以管仲為

微管傅亮為宋公修張良廟教云微管之歎撫事彌深任昉為范始興作求立太宰碑表云道被如仁功參微管百辟勸進今上牋云經綸草昧歎深微管謝朓和王著作八公山詩云微管寄明牧宋書武帝紀永初元年詔曰至於德參微管勸濟倉生謝靈運傳謝玄勳參微管宜宥及後嗣皆是後人校范書者以微管為不詞改為微子洩妄甚矣野客叢書數微管事甚悉然亦有誤舉者如潘岳詩豈敢陋微管今文選本作豈敢陋微言非微管也又劉義傳臣以頑味獨獻微管謂管窺之微見不可概論

永覽前

戒竦然兢懼徒恐薄德久而致怠耳北匈奴寇西河諸郡

九年春三月辛丑。詔郡國死罪囚減罪。與妻子詣五原朔方。占著所在死者。皆賜妻父若男同產一人。

復終身。其妻無父兄。獨有母者。賜其母錢六萬。又復其口算。口算已見光武紀。夏四月甲辰。詔郡國呂公田賜

貧人各有差。令司隸校尉。部刺史。歲上墨綬長吏視事三歲已上。理狀尤異者。各一人。與計偕上。偕俱也。所

徵之人。令與計吏俱上。及尤不政理者。亦曰聞。是歲大有年。穀梁傳曰。五穀皆熟。書大有年。為四姓小侯。開立學校。置五經師。袁宏漢紀曰。永平中。

崇尚儒學。自皇太子。諸王侯。及功臣子弟。莫不受經。又為外戚樊氏。郭氏。陰氏。馬氏。諸子弟立學。號四姓小侯。置五經師。以非列侯。故曰小侯。禮記曰。庶方小侯。亦其義也。集解。惠棟曰。案漢有學師宋恩等題名。其稱師者二十人。易掾二人。易師三人。尚書掾。尚書師。

各三人。詩掾四人。春秋掾。文學。孝經掾。各一人。文學師四人。蓋當時郡國皆置五經師。而五經又各有師。故魏德公曰。經師易獲。人師難遭也。

十年春二月。廣陵王荆有罪。自殺。國除。夏四月戊子。詔曰。昔歲五穀登衍。鄭玄注。周禮云。五穀。黍。稷。麥。麻。未也。登。成也。衍。饒也。音以戰反。今

茲蠶麥善收。其大赦天下。方盛夏長養之時。蕩滌宿惡。呂報農功。百姓勉務桑稼。呂備災害。吏敬厥職。

無令愆愆。閏月甲午。南巡狩。幸南陽。祠章陵。日北至。又祠舊宅。北至夏至也。禮畢。召校官弟子作雅樂。奏鹿

鳴校學也鹿鳴詩小雅篇名宴羣臣嘉賓之詩

帝自御墳簾和之呂娛嘉賓

鄭玄注周禮云墳燒土爲之大如鴈子鄭衆曰有六孔世本曰暴辛公作甕以竹爲之長尺四寸有八孔〔集解〕惠棟曰轟崇義云

舊圖雅篋長尺四寸頌篋尺二寸前書志孔光奏主調篋員二人注篋七空廣雅曰八孔

還幸南頓勞饗三老官屬冬十一月徵淮陽王延會平輿

縣名屬汝南郡故城在今

豫州汝陽縣東北與音預〔集解〕先謙曰在今汝寧府汝陽縣東北六十里

徵沛王輔會睢陽十二月甲午車駕還宮

十一年春正月沛王輔楚王英濟南王康東平王蒼淮陽王延中山王馮琅邪王京東海王政來朝秋

七月司隸校尉郭霸下獄死是歲灑湖出黃金廬江太守呂獻

灑湖湖名音子小反在今廬州合肥縣東南〔集解〕惠棟曰論衡云廬江皖侯國民際有湖皖民

小男曰陳爵陳挺年皆十歲以上相與釣於湖涯挺先釣爵去挺四十步所見湖涯有酒罇色正黃沒水中爵以爲銅也涉水取滑重不能舉挺望見往助之涉水未持罇頓衝更爲盟幣動行入深淵中不見挺爵留顧見如錢等正黃數百千枝即共攫攜各得滿手走歸示其家爵父國故免吏字君賢驚曰安所得此爵言其狀君賢曰此黃金也即馳與爵俱往到金處水中尙多賢自涉水掇取挺鄰伍並聞俱競探之合得十餘斤賢自言於相相言太守太守遣吏收取遣門下掾程躬奏獻具言得金狀書曰如章則可不如章有正法躬奉詔書歸示太守即復因卻上得黃金實狀如前章事寢十二年賢等上書曰賢等得金湖水中郡牧獻訖今不得直詔書曰視時金價昇賢等金直先謙曰灑一作藪地理通釋湖爲藪縣地後陷爲湖合肥廬江三縣分湖爲界

時麒麟白

雉醴泉嘉禾所在出焉

〔集解〕惠棟曰論衡云孝明時致麒麟甘露醴泉神雀白雉紫芝嘉禾金出鼎見離木復合

十二年春正月益州徼外夷哀牢王相率內屬於是置永昌郡罷益州西部都尉

西南夷傳曰罷益州西部所領六縣合為永昌郡置

哀牢博南二縣去洛陽七千里在今匡州匡川縣西〔集解〕先謙曰即今永昌府保山永平等縣

夏四月遣將作謁者王吳修汴渠自滎陽至于千乘海口

汴渠即荊

溝渠也汴自滎陽首受河所謂石門在滎陽山北一里過汴以東積石為隄亦號金隄成帝陽嘉中所作也

五月丙辰賜天下男子爵人二級三老孝悌力田人三級流

民無名數欲占者人一級鰥寡孤獨篤癯貧無家屬不能自存者粟人三斛詔曰昔曾閔奉親竭歡致

養曾參字子輿閔損字子雍並孔子弟子皆有孝行也

仲尼葬子有棺無槨

論語曰鯉也死有棺而無槨

喪貴致哀禮存寧儉今百姓送終之制競為

奢靡生者無擔石之儲而財力盡於墳土

前書音義曰擔音丁濫反言一石之儲方言作甌云甌也齊東北海岱之間謂之甌郭璞注曰所謂家無甌石之儲者也埤蒼曰大器也字或作甌音丁甘反

伏臘無糟糠而牲牢兼於一奠

史記曰秦德公始為伏祠歷忌曰伏者何也金氣伏藏之日也四氣代謝皆以相生至於立秋以金代火金畏於火故庚日必伏月令孟冬之月臘先祖說文云臘冬至後祭百神始皇

更臘曰嘉平奠喪祭也〔集解〕惠棟曰經籍志雜忌歷二卷高堂隆撰

糜破積世之業巨供終朝之費子孫飢寒絕命於此豈祖考之意哉又車

服制度恣極耳目田荒不耕游食者衆

游食謂浮食者

有司其申明科禁宜於今者宣下郡國秋七月乙亥司

空伏恭罷乙未大司農牟融爲司空冬十月司隸校尉王康下獄死是歲天下安平人無徭役歲比登稔百姓殷富粟斛三十牛羊被野

十三年春二月常耕於藉田禮畢賜觀者食〔集解〕惠棟曰東觀記有一諸生前舉手曰善哉文王之遇太公也上書板曰生非太公予亦非文王也三月河南尹薛

昭下獄死夏四月汴渠成辛巳行幸滎陽巡行河渠乙酉詔曰自汴渠決敗六十餘歲王景傳曰平帝時汴河決壞加

頃年目來雨水不時汴流東侵日月益甚水門故處皆在河中澇濇廣溢莫測圻岸圻壩也蕩蕩極望不

知綱紀今竟豫之人多被水患迺曰縣官不先人急好興它役〔集解〕先謙曰官本曰作云又或曰爲河流入汴幽冀

蒙利故曰左隄彊則右隄傷左右俱彊則下方傷宜任水執所之使人隨高而處公家息壅塞之費百

姓無陷溺之患議者不同南北異論朕不知所從久而不決今旣築隄理渠絕水立門河汴分流復其

舊迹陶丘之北漸就壤墳爾雅曰丘再成曰陶丘孫炎曰形如累兩孟也郭璞曰今濟陰定陶城中故薦嘉玉絜牲曰

有陶丘也尙書曰厥土惟黑壤下土墳壘孔安國曰無塊曰壤墳起也

禮河神。

禮記曰凡祭玉曰嘉玉儀禮曰絜牲剛鬣。

東過洛汭歎禹之績。

水北曰汭洛汭洛水入河處也績功也河洛皆禹所加功故歎之。

今五土之宜反其正色。

周禮

曰山林川澤丘陵墳衍原隰謂之五土也色謂其黃白青黑之類孔安國曰水所去土復其性也。

濱渠下田賦與貧人無令豪右得固其利。

濱近也豪右大家也〔集解〕惠棟曰固規固也。

庶繼世宗瓠子之作。

瓠子隄名也武帝元封二年發卒數萬人塞瓠子決河沈白馬玉璧令羣臣皆負薪填河在今濮州濮陽縣西也。

因遂度河登太行進幸上黨壬寅車

駕還宮冬十月壬辰晦日有食之。

〔集解〕惠棟曰續志在尾十七度。

三公免冠自劾制曰冠履勿劾災異屢見咎在朕躬。

憂懼遑遑未知其方將有司陳事多所隱諱使君上壅蔽下有不暢乎昔衛有忠臣靈公得守其位。

論語

孔子曰衛靈公無道季康子曰夫如是奚其不喪孔子曰仲叔圍治賓客祝鮀主宗廟王孫賈主軍旅夫如是奚其喪〔集解〕錢大昕曰兩治字作主蓋章懷所改此治賓客之治又後人回解。

今何日和穆陰陽消伏災

譴刺史太守詳刑理冤存恤鰥孤勉思職焉十一月楚王英謀反廢國除遷於涇縣。

涇縣屬丹陽郡今宣州縣故城在縣東有涇水。

出蕪湖因水立名〔集解〕先謙曰在今寧國府涇縣西。

所連及死徙者數千人是歲齊王石薨。

十四年春三月甲戌司徒虞延免自殺夏四月丁巳鉅鹿太守南陽邢穆爲司徒。

穆字綏公宛人。

前楚王英白

殺夏五月封故廣陵王荆子元壽為廣陵侯初作壽陵

〔集解〕蘇輿曰建武二十六年初作壽陵此明帝預自制陵書法宜有別後又云帝初作壽陵裁令流水面已即用光武

制以交核之並

不當云初作

十五年春二月庚子東巡狩辛丑幸偃師詔亡命自殊死呂下贖死罪縑四十四匹右趾至髡鉗城旦春

十匹完城旦至司寇五匹犯罪未發覺詔書到日自告者半入贖徵沛王輔會睢陽進幸彭城癸亥帝

耕于下邳三月徵琅邪王京會良成

〔良成縣名屬東海故城在今泗州下邳縣北〕〔集解〕先謙曰在今徐州府邳州北

徵東平王蒼會陽都

〔陽都縣名屬琅邪郡故城

在今沂州沂水縣南〕

又徵廣陵侯及其三弟會魯祠東海恭王陵還幸孔子宅祠仲尼及七十二弟子親御

講堂

孔子宅在今兗州曲阜縣故魯城中歸德門內闕里之中背洙面泗雙相闕之東北也七十二子顏闕之徒漢春秋曰帝時升廟立羣臣中庭北面皆再拜帝進爵而後坐

命皇太子講王說經又幸東

平

東平國名故城在今鄆州東〔集解〕惠棟曰東觀記幸東平王宮先謙曰今泰安府東平州東二十里無鹽故城

辛卯進幸大梁

大梁城魏惠王所築故城在今汴州〔集解〕先謙曰在今開封府祥符縣西北

至定

陶祠定陶恭王陵

恭王元帝子康

夏四月庚子車駕還宮改信都為樂成國臨淮為下邳國封皇子恭為鉅鹿

王黨爲樂成王，衍爲下邳王，暢爲汝南王，暉爲常山王，長爲濟陰王。

濟陰郡今曹州。〔集解〕先謙曰：在今曹州府定陶縣東南四十里。

賜天

下男子爵人三級，郎從官二十歲已上，百匹，十歲已上，二十四，十歲已下，十四，官府吏五匹，書佐小

史三匹，令天下大酺五日。

前書音義曰：漢律，三人已上，無故羣飲，罰金四兩。今恩詔橫賜，得令聚會飲食五日，酺，布也。言天子布恩於天下。史記：趙惠文王三年，大赦置酒，大酺五日。〔集解〕劉放曰：正文從官二十歲已上，又云

十歲已下，案郎從官不可年十歲已下者，以十七年事校之。脫視事二字。惠棟曰：案周禮族師職：春秋祭酺，酺元曰：酺者，爲人物裁害之神也。又毛詩箋曰：周時百室有祭，酺合醴之歡。孔穎達曰：後世聽民聚飲，皆謂之酺。漢時每有嘉慶，令民大酺五日，是其事也。服虔

曰：校獵，謂以木相貫穿爲欄。

音蒲。乙巳，大赦天下，其謀反大逆及諸不應宥者，皆赦除之。冬，車騎校獵上林苑。

校以違禽獸。

十二月，遣奉車都尉竇固、駙馬都尉耿秉屯涼州。

前書曰：奉車都尉掌乘輿，駙馬都尉掌天子之副馬，駙副也。並武帝置，秩二千石。

十六年春二月，遣大僕祭彤出高闕。

高闕，山名，因以名塞，在朔方北。〔集解〕惠棟曰：袁紀出朔方高闕塞，水經注云：史記趙武靈王既襲胡服，自代並陰山下至高闕爲塞，山下有長城，其中斷望若闕焉。

故有高闕之名，闕口有城，跨山結局，謂之高闕戍。上古迄今，常置重捍，以坊塞道。先謙曰：據水經河水注，河水自朔方郡慮渾縣來，爲北河，東逕高闕南，衛青敗右賢王於高闕，卽此。又東逕臨河縣故城北。又東逕陽山南。吳卓信云：臨河縣在北河之南，今榆林邊外河套內。奉車都尉竇固出酒泉。

〔集解〕先謙曰：今肅州。

駙馬都尉耿秉出居延。

本匈奴地名也。武帝因以名縣，屬張掖郡。在今甘肅張掖縣東北。〔集解〕先謙曰：水經注：居延澤在居延

縣故城東北。尚書所謂流沙者也。一
統志流沙在今安西府沙州衛西。

騎都尉來苗出平城伐北匈奴。竇固破呼衍王於天山。

呼衍，匈奴王號。天山即祁連山，一名雪山，今名

折羅漢山。在伊州北。祁音時。〔集解〕先
謙曰：在今甘州府張掖縣西南二百里。

留兵屯伊吾盧城。

本匈奴中地名。既破呼衍，即其地。置宜禾都尉，以為屯田。今伊州細職縣伊吾故城是也。〔集解〕先謙曰：今鎮西府宜禾縣也。

耿

秉來苗祭彤竝無功而還。夏五月，淮陽王延謀反，發覺，癸丑，司徒邢穆、駙馬都尉韓光坐事下獄死。所

連及誅死者甚衆。

集與延同謀。

戊午晦，日有食之。六月丙寅，大司農西河王敏為司徒。

漢官儀曰：敏字叔公，并州隰城人也。

秋七

月，淮陽王延徙封阜陵王。

阜陵，縣名，屬九江郡。故城在今滁州全椒縣南。

九月丁卯，詔令郡國中，都官死罪繫囚，減死罪一等，勿

笞。詣軍營屯朔方，敦煌妻子自隨，父母同產欲求從者，恣聽之。女子嫁為人妻，勿與俱。謀反大逆無道，

不用此書。是歲，北匈奴寇雲中，雲中太守廉范擊破之。

十七年春正月，甘露降於甘陵。

〔集解〕錢大昕曰：按清河之甘陵，本厓縣，安帝始改名，不應此時先有之。恐有譌。惠棟曰：通鑑考異，皇后紀原陵甘露降於樹，然則實降原陵也。此誤以原為甘。

北海王

陸薨。二月乙巳，司徒王敏薨。二月癸丑，汝南太守鮑昱為司徒。是歲，甘露仍降，樹枝內附。

仍，類也。內附，謂木連理也。前書

終軍曰：棠枝內附是無外也。

芝草生殿前，神雀五色，翔集京師。西南夷哀牢、僂耳。

〔集解〕惠棟曰：師古注。僂音丁甘反，字本作曠。

僂僂、檠木、白狼。

動黏諸種，前後慕義貢獻。

山海經曰：周僂國在三首國東，為人短小冠帶，一名僂僂。國語曰：僂僂氏三尺，短之至也。楊孚異物志曰：僂耳，南方夷生，則鑱其頰皮連耳匡，分為數支，狀如雞腸，繫下垂至肩。〔集解〕惠棟曰：楊孚

浮當作孚。漢議郎楊孚，字孝先，撰異物志一卷，見廣志及經籍志。

西域諸國遣子入侍。夏五月戊子，公卿百官，曰：帝威德懷遠，神物顯應，迺竝

集朝堂。

〔集解〕通鑑胡注：班固西都賦云：左右延中朝堂百僚之位。蕭曹魏丙謀謨乎其上，蓋在殿廷左右也。

奉觴上壽。

壽者人之所欲，故卑下奉觴進酒皆言上壽。

制曰：天生神物，曰應

王者，遠人慕化，實繇有德。朕曰虛薄，何曰享斯。唯高祖、光武、聖德所被，不敢有辭。其敬舉觴，太常擇吉

日，策告宗廟。其賜天下男子爵人二級，三老孝悌力田人三級，流人無名數，欲占者人一級，鰥寡孤獨

篤瘡貧不能自存者粟人三斛。郎從官視事十歲，曰上者帛十匹，中二千石，下至黃綬。

〔集解〕劉放曰：案文

既云中二千石下至黃綬，不須更比二千石，明多此三字。

貶秩奉贖在去年，曰來皆還贖。秋八月丙寅，令武威、張掖、酒泉、敦煌。

張掖郡，故匈奴昆邪地。

也。漢官儀曰：張國臂掖，故曰張掖。故城在今甘肅張掖縣西北。

及張掖屬國繫囚右趾已下任兵者。

任，堪也。

皆一切勿治其罪，詣軍營。冬十一

月遣奉車都尉竇固、駙馬都尉耿秉、騎都尉劉張出敦煌、昆侖塞。

昆侖山名。因以為塞。在今肅州酒泉縣西南。山有昆侖之體。故名之。周穆王見西王母于此山。

有石室王母臺。〔集解〕先謙曰。今肅州西南。

擊破白山虜於蒲類海上。遂入車師。

西河舊事曰。白山冬夏有雪。故曰白山。匈奴謂之天山。過之。皆下馬拜焉。去蒲類海百里之內。〔集解〕惠棟曰。應劭曰。蒲

類。匈奴中海名也。在燉煌北。晉灼曰。匈奴傳有蒲類海。

初置西域都護。戊己校尉。

宣帝初置。鄭吉為都護。護三十六國。秩比二千石。元帝置戊己校尉。有丞司馬各一人。秩比六百石。戊己中央也。鎮覆四方。見漢官儀。亦

處西域。鎮撫諸國。

是歲改天水為漢陽郡。

十八年春三月丁亥。詔曰。其令天下亡命。自殊死已下。贖死罪。縑三十匹。

〔集解〕惠棟曰。應劭云。今贖罪入三十匹。縑是也。棟案。應氏謂今者。中興

以後也。惠帝時入錢六萬。得免死罪也。

右趾至髡。鉗城旦舂。十匹。完城旦。至司寇。五匹。吏人犯罪未發覺。詔書到。自告者。半

入贖。夏四月己未。詔曰。自春已來。時雨不降。宿麥傷旱。

〔集解〕惠棟曰。案宿麥。秋種夏收。春時不雨。故傷旱也。

秋種未下。政失厥中。憂

懼而已。其賜天下男子爵人二級。及流民無名數。

〔集解〕劉放曰。及流民無名數。多一及字。

欲占者。人一級。鰥寡孤獨。篤瘡貧

不能自存者粟。人三斛。理冤獄。錄輕繫。二千石分禱五嶽。四瀆。郡界有。名山大川。能興雲雨者。

周禮。職方氏掌天下

之地揚州其山曰會稽其川曰三江荊州其山曰衡山其川曰江漢豫州其山曰華山其川曰滎洛青州其山曰沂山其川曰淮泗兗州其山曰岱山其川曰河滂雍州其山曰嶽其川曰涇汭幽州其山曰醫無閭其川曰河滂冀州其山曰霍其川曰漳并州其山曰恆其川曰漳沱此謂九州名山大川也。
〔集解〕先謙曰官本兩上有致字是。

長吏各挈齋禱請冀蒙嘉澍。

說文曰時雨所以澍生萬物淮南子曰春雨之灌萬物無地不澍無物不生澍音之戊反。

六月己

未。有星孛於太微焉者龜茲攻西域都護陳睦悉沒其衆。

〔集解〕惠棟曰袁紀作陳穆。

北匈奴及車師後王圍戊己校

尉耿恭。

〔集解〕劉攽曰檢詳耿恭傳恭作戊校此不合有己字也吳仁傑曰顏注百官表有戊校尉己校尉其究不然屯田始置校尉領護田卒但以屯田校尉爲稱後乃爲戊己校尉表初不言有戊校己校兩官備考前書紀傳亦無有爲戊校尉己校尉

者如徐普刁護郭欽皆兼戊己爲官稱獨烏孫傳云徒己校屯烏墨顏注有戊己兩校兵此直徒己校以理揆之是特兵有戊校己校之分尉則兼戊己爲官稱也顏亦知己校爲兵而云兩尉者殆見後書西域傳序言元帝置戊己二校尉遂爲此說而范亦以後漢有戊校尉因謂元帝所置爲二尉耳其實兩都設官之制不同先漢有戊校己校兵而尉之官稱則兼戊己後漢有戊己校尉戊校尉而各以校兵爲名其可以此而律彼哉又東都凡兩置戊己校尉永平十七年恭寵皆爲戊己校尉者以此兩人各將戊校己校兵故也永元三年復置戊己校尉將兩校兵如故又置戊校尉則以所將止戊校兵耳戊己校尉自恭寵之後有任尙索額戊己司馬有曹寬凡紀傳言戊己校尉無慮十數並同一辭惟車師後王傳載戊部候嚴皓戊校尉闕詳後書言戊校者獨此一事其屬又有後部司馬章懷注司馬卽屬戊校尉所統和帝時置戊校尉鎮車師後部是也且戊校尉永元所置刊誤謂但和帝以後事云戊己校尉者皆多己字猶之可也若恭寵爲校尉自在孝明世乃曰恭作戊校此不合有己字豈別有據耶又馬融傳校隊按部前後有屯甲乙相伍戊己爲堅注謂戊己居中堅也詩曰中田有廬蘇黃門謂田中爲廬以便田事二校之設自兵屯言之則以其中堅而命名可也然二校之外乃無所謂甲乙詎屯則其命名之意殆如詩所云取其居屯田之中以便田事而已。

秋八月壬子帝

崩於東宮前殿。年四十八。遺詔無起寢廟。藏主於光烈皇后更衣別室。

禮藏主於廟。既不起寢廟。故藏於后之更衣別室。更易也。

帝初作

壽陵。制令流水而已。石槨廣一丈二尺。長二丈五尺。無得起墳。

東觀記曰。陵東北作廡。長三丈五步。外爲小廚。財足祠祀。〔集解〕劉攽曰。注案三丈五步。不成文理。

當作五尺。

萬年之後。埽地而祭。杆水脯糒而已。

說文曰。杆。飲器。音于。方言曰。罍謂之孟。說文曰。糒。乾飯也。

過百日。唯四時設奠。置吏卒數人。供

給灑埽。勿開修道。敢有所興作者。呂擅議宗廟法從事。

前書曰。擅議宗廟者棄市。〔集解〕惠棟曰。章玄成傳。初高后時。患臣下妄非議先帝廟寢園官。故定著令。敢有擅議者棄

市。至元帝改制。蠲除此令。成帝又復之。

帝遵奉建武制度。無敢違者。後宮之家。不得封侯與政。

東觀記曰。光武閔傷前代權臣太盛。外戚與政。上濁明主。下危臣子。后族陰。郭

之家。不過九卿。親屬榮位。不能及許、史、王氏之半耳。〔集解〕劉攽曰。注上濁明主。案文當作上濁主明。惠棟曰。東觀記。自上卽位。遵奉建武之政。有加而無損。初。世祖閔傷前代權臣太盛。外戚豫政。漢家中興。唯宣帝取法。至於建武。朝無權臣。外族陰。郭之家。不過九卿。親屬勢位。不能及許、史、王氏之半。至永平。后妃外家貴者。裁家一人。備列將校尉。在兵馬官。充奉宿衛。闔門而已。無封侯豫政者。自皇子之封。皆減舊制。諸王皆當略與楚。淮陽相比。什減三四。我子。不當與先帝子等。又國遠而小。易於爲善。節儉謙約如此。

陶公主

光武女。

爲子求郎。不許。而賜錢千萬。謂羣臣曰。郎官上應列宿。出宰百里。

史記曰。太微宮後二十五星。郎位也。

苟非其

人。則民受其殃。是呂難之。故吏稱其官。民安其業。遠近肅服。戶口滋殖焉。

論曰。明帝善刑理。法令分明。日晏坐朝。幽枉必達。內外無倖曲之私。在上無矜大之色。斷獄得情。號居

前代十二。

十斷其二。言少刑也。〔集解〕吳仁傑曰。前書刑法志。自建武。永平。朝無威福之臣。邑無豪傑之使。以口率計斷獄。少於成哀之間。什八。可謂清矣。范氏所謂前代。即成哀之間。注不指此而汎言之。未之盡也。

故後之言事

者。莫不先建武。永平之政。而鍾離意。宋均之徒。常曰。察慧爲言。

並見本傳。

夫豈弘人之度未優乎。

〔集解〕汪文臺曰。御覽九

十一。類聚十二。引華嶠書云。世祖既以吏事自嬰。帝尤任文法。總攬威柄。權不借下。值天下初定。四民樂業。戶口衣食滋殖。斷獄得情。號居前世十二。中興以來。追蹤宣帝。夫以鍾離意之廉法。〔一作滄。〕諫諍懇懇。以寬和爲首。以此推之。斯亦難以德言者也。〔一作難得而言也。〕又薛瑩書云。明帝自在儲宮。而聽允之德著矣。及臨萬幾。約〔一作以。〕身率禮。恭奉遺業。一以貫之。雖夏啓。周成。繼體持統。無以加焉。是以海內又安。四夷賓服。斷獄希少。有治平之風。號曰顯宗。不亦宜乎。

贊曰。顯宗不承。業業兢兢。危心恭德。政察姦勝。備章朝物。省薄墳陵。

危心。言常危懼。姦勝。猶勝奸佞。

朝物。謂朝儀文物也。

永懷廢典。

下身遵道。

廢典。謂明堂辟雍之禮。歷於漢不行。下身。謂進爵授綬之類。

登臺觀雲。臨雍拜老。懋惟帝績。增光文考。

懋。勉也。書曰。惟我文考。光于四海。

後漢書集解卷二按補

明帝紀帝生而豐下注帝豐下兌上

兌官本作鏡與聚珍本東觀記合案前書天文志隨北端鏡史記天官書鏡作兌明古字通用

其賜天下男子爵人二級注商鞅謂秦制爵二十級

至十五少上造官本謂作爲少作小

爵過公乘注漢制賜爵

官本制作置

臨大節而不撓注撓屈也

官本文注撓均作撓

司空魴將校復土注以穿壙也

官本穿土有主字

亦復是歲更賦注有一月一更

至月一千一更一千官本一皆作二劉氏刊誤亦作二更據前書昭紀如濬注作一更二千知兩本各有一誤字

越嵩姑復夷叛州郡討平之集解續志益州擊姑復蠻夷大牟替滅

續志天文中原作益州發兵擊姑復蠻夷大牟替滅陵案西南夷傳王莽政亂益州郡夷

棟蠶若豆等起兵殺郡守越嵩姑復夷人大牟亦皆叛是大牟乃夷人名又云永平元年姑復夷復叛益州刺史發兵討破之斬其渠帥傳首京師是主兵者爲刺史

其令天下自殊死。呂下謀反大逆，皆除之。官本除上有數字。

令月元日。官本令作今。

是歲始迎氣於五郊。注：壇皆二尺。二尺官本作三尺是。

去其螟蟻、呂及蝥賊。注：食節曰賊。官本無此四字。

有星孛於天船北。注：彗長三尺所見三十五日乃去。官本所作許。

屯五原曼柏。注：曼柏縣在今勝州銀城縣。官本句末有也字。曼柏今榆林府府谷縣北。鄂爾多斯黃河西岸。

武帝。侯康曰：通鑑胡三省注引章懷此文實作昭帝。疑今作武帝為傳寫之誤。胡所見猶是善本也。

春秋圖讖所謂至謹。注：故君明聖，天道得正。至日明則道正。官本天道作人道道正作政理。

飛蓬隨風，微子所歎。注：明王不聽。明王官本作明主。與今管子原文合。

爲四姓小侯。開立學校。注。又爲外戚樊氏、郭氏、陰氏、馬氏諸子弟立學。號四姓小侯。周壽昌曰。馬援子防傳。防子鉅爲常從小侯。六

年正月。以鉅當冠。特拜爲黃門侍郎。知小侯爲侯家子未冠之稱。案鄧禹傳。禹少子鴻好籌策。永平中。以爲小侯。引入與議邊事。曰。爲曰以爲。必實有此爵名。不得謂是侯家子之通稱。顏氏家訓。謂以年小獲封。故曰小侯。最爲得之。通鑑胡注。據東平王蒼傳。遂列

侯印十九枚。諸王子五歲以上。能趨拜者。皆令帶之。意四姓小侯亦猶是與。顏說正合。又通典職官引漢官儀。其功臣四姓爲朝侯。侍祠侯。皆在嚮校下。鄧禹傳注引漢官儀。以肺臍親公。主子孫。奉墳墓于京師。亦隨時朝見。是爲限諸侯。則小侯所帶印。亦必有朝

侯。侍祠侯。限諸侯之別。故曰列侯印也。桓紀。建和二年。賜四姓及梁鄧小侯帛。則小侯已不止四姓。秦彭傳。永平七年。彭以貴人兄。隨四姓小侯。擢爲開陽城門侯。則雖非后族。不爲小侯。亦得援四姓之例。隨同擢官。

昔歲五穀登衍。注。五穀。黍、稷、麥、麻、禾也。禾。官本作豆。與周禮原注合。

漢湖出黃金。廬江太守呂獻集解書曰。如章則可。據論衡原文。書上脫一詔字。

河汴分流。復其舊迹。通鑑胡注。河汴之隄決壞。則汴水東侵。而與河合。今隄成。則河東北入海。而汴西南入泗。是分流復其舊迹也。

陶丘之北。漸就壤墳。注。郭璞曰。今濟陰定陶城中。有陶丘也。今曹州府定陶縣西南有定陶故城。漢濟陰郡治也。陶丘亦在西南。去縣七里。有亭曰陶丘亭。

庶繼世宗瓠子之作。注。在今濮州濮陽縣西也。前書武紀。元封二年。至瓠子。臨決河。注。服虔曰。瓠子。隄名。在東郡白馬。蘇林曰。在鄆城。自南濮陽。自北。廣百步。深五丈。案白馬廢縣。在今衛輝。

府沿縣東二十里。濮陽縣，卽今大名府開州南境。有瓠子口，卽漢瓠子故蹟也。水經：河水又東北過濮陽縣北，瓠子河出焉。是蘇氏謂在濮陽。曰北者，爲可據。章懷以謂在濮陽縣西者，蓋唐置濮州於鄆城之右，濮陽之左，則濮陽當州之西，而瓠子當縣之西北，亦可言西也。又濮陽之西，卽今滑縣境，亦卽後漢白馬縣故地。

初作壽陵集解。蘇輿曰：至並不當云初作。

前書武紀：建元二年，初置茂陵邑。成紀：建始二年，以渭城延陵亭部爲初陵。晉書索綝傳：漢天子卽位一年而爲陵，天下貢賦三分之一充山陵。武帝饗年久

長比崩而茂陵不復容物。又前書陳湯傳：成帝起初陵，數年後樂霸陵，曲亭南更營之。有司議故陵因天性，據真土，處執高敞，旁近祖考，前又已有十年功緒，宜還復故陵。是初作云者，著經始之年，對繼作爲辭。陵各有初前世或卽名初陵，不害其辭之相襲也。且其制昉自文帝，若謂此紀不當言初將何解於武成二紀之言初乎。

賜天下男子爵人三級。

官本三作二。

徙封阜陵王。注：阜陵縣名，屬九江郡。故城在今滁州全椒縣南。

在今滁州全椒縣東南。

二月癸丑，汝南太守鮑昱爲司徒。

二月，官本作三月。錢大昭曰：南雍本闕本，俱作三月。案通鑑亦作三月，此作二月，與上文複明爲誤字。

神物顯應。

官本神作祥。

令武威、張掖、酒泉、敦煌、注、張掖郡至故城在今甘肅張掖縣西北今爲甘肅州府張掖縣治

初置西域都護戊己校尉注、宣帝初至鎮撫諸國錢大昭曰西域都護是年初置不知罷於何時和帝紀永元三年復置安帝紀永初元年復罷志亦不載戊己校尉是年初置章帝紀建

初元年罷西域傳建初三年復置嗣後復罷和帝紀永元三年復置志皆不載

圍戊己校尉耿恭集解劉攽曰至始如詩所云取其居屯田之中以便用事而已案袁紀耿恭爲戊己校尉關龍爲戊己校尉恭屯金

蒲城龍屯折中城相去千餘里夫相去至踰千里自當各爲一部是後漢明有二戊己校尉或元帝設置時制本如此後漢沿之至和帝時苦其堅掇乃析言之而於命官之義已乖必謂和帝又別置戊校尉亦必無之事也帝所增置止戊部候仍兵候耳通鑑兼

采袁紀而改書恭爲戊校尉龍爲己校尉於史究無確證

法令分明侯康曰潛夫論述教篇昔孝明帝時制舉茂才（汪繼培據御覽當作荊州舉茂才）過闕謝恩賜食事訖問何異聞對曰原有制賊九人刺史數以竊（汪繼培曰竊當作察）郡訖不能得帝曰汝非部南郡從事邪對曰是帝乃振怒曰賊

發部中而不能擒才何以爲茂擗數百便免官而切讓州郡十日之間賊即伏誅又御覽卷二百六十七引漢官儀明帝臨觀見洛陽令車騎意河南尹及至而非尤其太盛敕去軒綏時假師長治有能名以事詣臺因取賜之皆其法令分明之事也

肅宗孝章帝紀第三

後漢書三

宋宣城太守范曄撰
唐章懷太子賢注

王先謙集解

肅宗孝章皇帝諱烜顯宗第五子也

謚法曰溫克令儀曰章伏侯古
今注曰烜之字曰著音丁達反

母賈貴人

〔集解〕惠棟曰帝王世紀孝章皇帝
以中元三年生於京師其母姓祕不

出號其墓曰長信冢

永平三年立為皇太子少寬容好儒術顯宗器重之

〔集解〕惠棟曰東觀記永平三年二月以皇子立為
太子年四歲幼而聰達才敏多識世事動容進止聖

表有異壯而仁明謙恕溫慈惠和寬裕廣博親愛九族矜嚴方厲威而不猛既
志于學始治尚書遂兼五經周覽古今無所不觀由是上敬重之每事諮焉

十八年八月壬子即皇帝位年十九尊皇

后曰皇太后壬戌葬孝明皇帝于顯節陵

帝王紀曰顯節陵方三百步高八丈其地故宮壽亭也西北去洛陽三
十七里〔集解〕先謙曰續漢書載鮑昱諫帝欲下羨道見禮儀志注

冬十

月丁未大赦天下賜民爵人二級為父後及孝悌力田人三級脫無名數及流人欲占者人一級爵過

公乘得移與子若同產子鰥寡孤獨篤癯貧不能自存者粟人三斛詔曰朕目眇身託于王侯之上統

理萬機懼失厥中兢兢業業未知所濟深惟守文之主必建師傅之官詩不云乎不衍不忘率由舊章

詩大雅也鄭玄云愆過也率循也由用也言成王之令德不遺誤不違失皆循用舊典文章謂周公之禮法

行太尉事節鄉侯熹三世在位為國元老

趙熹光武時為太尉明帝時行太尉事故

曰三代在位元長也詩曰方叔元老

司空融融車

典職六年勤勞不怠其旨熹為太傅融為太尉竝錄尚書事

武帝初以張子孺領尚書事錄

尚書事由此始〔集解〕惠棟曰陶濛職官要錄云尚書有錄名自此始因是以來每帝初即位輒置太傅錄尚書事羅泌云書內于大麗自孔安國以為大錄萬機之政而桓譚新論以為麗者領錄天下之事若今之尚書然蓋自漢以來有是說矣是以章帝置太傅錄尚書事羅萃云錄尚書事自牟融始宋百官志成帝初王鳳錄尚書事章懷注以為始於張子孺皆誤西京無錄尚書止有領尚書平尚書事鳳止領尚書事爾先謙曰由此始即謂由融始注不誤

三事大夫莫肯夙夜小雅

之所傷也

詩雨無正之文也三事三公也鄭玄注云幽王在外三公及諸侯隨而行者皆無復君臣之禮不肯晨夜省王

予違汝弼汝無面從

尚書益稷之文也孔安國注云我違道汝當以義輔正我無面從我

股肱之正義也羣后百僚勉思厥職各貢忠誠呂補不逮申救四方稱朕意焉十一月戊戌蜀郡太守

第五倫為司空詔征西將軍耿秉屯酒泉

酒泉今肅州縣也前書音義曰城下有泉其味若酒因名酒泉也

遣酒泉太守段彭

〔集解〕惠棟曰袁宏紀作段彭

救戊己校尉耿恭甲辰晦日有食之

〔集解〕惠棟曰續志在斗二十一度是時明帝既崩馬太后制爵祿故陽不勝

於是避正殿寢兵不聽事五日詔

有司各上封事。十二月癸巳。有司奏言。孝明皇帝聖德鴻茂。劬勞日晏。身御浣衣。

言晏日昧。尚書曰。文王自朝至于日中。晏不遑暇食。

食無兼珍。澤臻四表。

尚書曰。光被四表。

遠人慕化。僬僥儋耳。款塞自至。

款。扣。僬僥。儋耳。解見明紀。

克伐鬼方。開道西域。

鬼方。遠方。易曰。高宗

伐鬼方。三年克之。

威靈廣被。無思不服。呂烝庶爲憂。不曰天下爲樂。備三雍之教。躬養老之禮。作登歌。正雅樂。

博貫六藝。

周禮保氏教之六藝。一曰禮。二曰樂。三曰射。四曰馭。五曰書。六曰數。前書藝文志曰。以禮樂春秋。易詩書爲六藝。博貫。謂究極深幽耳。〔集解〕劉放曰。注前書藝文志曰。以禮樂春秋。案文多一曰字。先謙曰。官本考證云。雅宋本作子。王應麟困學紀聞云。東都賦。本作正子樂。五臣改作雅樂。

麟困學紀聞云。東都賦。本作正子樂。五臣改作雅樂。

不舍晝夜。

〔集解〕惠棟曰。東觀記。孝明紀。上夜讀。衆書乙更盡。乃寐。先五更起。率常如此。

聰明淵塞。著在圖讖。

河圖曰。圖出代九天。開明受用。嗣興十代。

以光又括地象曰。十代禮樂。文雅並出。謂明帝也。

至德所感。通於神明。功烈光於四海。仁風行於千載。而深執謙謙。自稱不德。無起

寢廟。埽地而祭。除日記之法。

春秋外傳曰。日祭。月祀。時享。祖禰則日祭。高曾則月祀。三禋則時享。今此除日記之法。從時月之祭。〔集解〕劉放曰。注三禋則時享。案自古但有二禋。無三禋。明三字誤。惠棟曰。許慎五經異

義云。古春秋左氏說。古者先王日祭於廟。月薦於高曾。諸案叔孫通宗廟有日祭之禮。知古而然也。棟案叔孫通漢禮。日祭於寢。月祭於廟。時祭於便殿。明帝遺詔。無起寢廟。故除日記之法也。章昭國語注曰。日祭。祭於祖考。謂上食也。

省送終之

禮。遂藏主於光烈皇后更衣別室。天下聞之。莫不悽愴。陛下至孝烝烝。奉順聖德。臣愚目爲更衣在中

門之外處所殊別宜尊廟曰顯宗其四時禘祫於光武之堂間祀悉還更衣

續漢書曰五年再殷祭三年一禘五年一禘父為昭南向子為穆北

向禘以夏四月禘以冬十月禘之為言諦諦審昭穆尊卑之義禘者合也冬十月五穀成故骨肉合飲食於祖廟謂之殷祭四時之祭外有五月嘗麥三伏立秋嘗棗盛酎十月嘗稻等謂之間祀即各於更衣之殿更衣者非正處也園中有寢有便殿寢者陵上正殿便殿寢側之別殿即更衣也〔集解〕劉放曰注立秋嘗棗盛酎案漢制立秋嘗棗棗稷也八月飲酎此文誤出一盛字少八月飲三字先謙曰注四時之祭官本之作正

共進武德之舞如孝文皇帝祫祭高

廟故事

前書高廟奏武德文始五行之舞

制曰可是歲牛疫京師及三州大旱詔勿收兗豫徐州田租芻藁其目見穀賑

給貧人

〔集解〕劉放曰案詔無它語不當有其字

建初元年春正月詔三州郡國方春東作恐人稍受廩往來煩劇或妨耕農

廩給也稍為少給之不頓與〔集解〕劉放曰注案文為當作

謂先謙曰其客實覈尤貧者計所貸并與之

其客實覈尤貧者計所貸并與之

并音必政反

流人欲歸本者郡縣其實稟令足還到聽過止官亭

無雇舍宿長吏親躬無使貧弱遺脫小吏豪右得容姦妄

前書曰百石已下有斗食佐吏之秩言小吏也

詔書既下勿得稽留刺

史明加督察尤無狀者

無狀謂其罪惡尤大其狀無可寄言故云無狀它皆類此

丙寅詔曰比年牛多疾疫墾田減少穀價頗貴人目流

亡。方春東作，宜及時務。二千石勉勸農桑，弘致勞來。羣公庶尹，各推精誠。專急人事，罪非殊死，須立秋案驗。有司明慎選舉，進柔良，退貪猾，順時令，理冤獄，五教在寬，帝典所美。

五教，謂父義、母慈、兄友、弟恭、子孝也。尚書舜典曰：汝作司徒，敬敷五教在

寬。

愷悌君子，大雅所歎。

愷，樂、悌也。詩大雅泂酌篇曰：愷悌君子，民之父母。

布告天下，使明知朕意。酒泉太守段彭討擊車師，大破之。

罷戊己校尉官。二月，武陵澧中蠻叛。

武陵郡，今澧州。水經曰：澧水出武陵充縣西，歷山之北也。

三月甲寅，山陽東平地震。己巳，詔曰：

〔集解〕

惠棟曰：杜佑云：建武中，詔三公郡國守相，歲舉茂才廉吏，所徵舉率皆特拜，不復簡試。士或矯飾，謗議漸生。章帝建初元年，始復用前漢丞相故事，以四科辟士。凡所舉士，先試之以職，乃得充選。其德行尤異，不宜試職者，疏於他狀，舉非其人，兼正舉者罪。

朕

呂無德，奉承大業，夙夜慄慄，不敢荒甯。

孔安國注尚書曰：不敢荒怠，自安甯。

而災異仍見，與政相應。朕既不明，涉道日寡。又

選舉乖實，俗吏傷人，官職耗亂，刑罰不中，可不憂與！昔仲弓，季氏之家臣，子游，武城之小宰，孔子猶誨

呂賢才，問呂得人。

論語：仲弓爲季氏宰，問政。子曰：敎小過，舉賢才。子游爲武城宰，孔子謂之曰：汝得人焉爾乎。

明政無大小，呂得人爲本。夫鄉舉里選，必累

功勞，今刺史守相，不明真僞，茂才孝廉，歲呂百數，旣非能顯，而當授之政事，甚無謂也。每尋前世舉人

賁士。或起剛敵。不繫閹閱。

說文曰。剛。田中之溝。音工。夫反。史記曰。明其等曰。閹。積其功曰閱。言前代舉人。務取賢才。不拘門地。

敷奏。呂言。則文章可採。明試。呂功。則

政有異迹。

敷。陳奏進也。令各陳進其言。則知其能否也。尙書曰。敷奏以言。明試以功。則政之類。

文質彬彬。朕甚嘉之。

彬彬。雜半之貌。

其令太傅三公中二千石二

千石。郡國守相。舉賢良方正。能直言極諫之士各一人。夏五月辛酉。初舉孝廉郎中寬博有謀。

〔集解〕惠棟曰。

潛夫論云。明經寬博。武猛治劇。此皆名自命而號自定也。

任典城者。呂補長相。

任。堪使也。典。上也。長。謂縣長。相。謂侯相。

秋七月辛亥。詔呂上林池鑿山賦與貧

人。籛。禁死也。音語。前書音義曰。折竹以繩懸連之。使人不得往來。謂之籛。

八月庚寅。有星孛于天市。

史記曰。房爲天駟。東北曲十二星曰旗。旗中四星曰天市。

九月。永昌哀牢夷

叛。〔集解〕惠棟曰。續書天文志。是時蠻夷陳縱等及哀牢王類反。

冬十月。武陵郡兵討叛蠻。破降之。十一月。阜陵王延謀反。貶爲阜陵侯。

二年春三月辛丑。詔曰。比年陰陽不調。饑饉屢臻。

〔集解〕惠棟曰。論衡云。建初孟年。中州頗歉。潁川汝南。民流四散。聖主憂懷。詔書數至。充奏記郡守。宜禁奢侈。以備用乏。言不納。用退。題

記章名曰備乏。

深惟先帝愛人之本。

本謂稼穡。

詔書曰。不傷財。不害人。誠欲元元去末歸本。而今貴戚近親。奢縱無

度。嫁娶送終。尤爲僭侈。有司廢典。莫肯舉察。春秋之義。呂貴理賤。

〔集解〕惠棟曰。殺梁傳之文也。

今自三公。竝宜明糾。非

法宣振威風。朕在弱冠。未知稼穡之艱難。區區管窺。豈能照一隅哉。

史記。扁鵲曰。以管窺天。以隙視文。

其科條制度。所宜

施行在事者。備爲之禁。先京師而後諸夏。

公羊傳曰。春秋內中國而外諸夏。內諸侯而外夷狄。王者欲一乎天下。曷以內外之辭。言自近者始也。〔集解〕劉放曰。注案公羊本文。曷爲以內外之辭言之。

言自近者始也。少之言二字。

甲辰。罷伊吾廬屯兵。

永平十六年置。

永昌。越巂。益州三郡民夷討哀牢。破平之。夏四月戊子。詔還

坐楚淮陽事徙者四百餘家。令歸本郡。癸巳。詔齊相省冰紈。方空縠。吹綸絮。

紈。素也。冰。言色鮮潔如冰。釋名曰。縠。紗也。方空者。紗薄如空也。或曰。

空。孔也。即今之方目紗也。綸。似絮而細。吹者。言吹噓可成。亦紗也。前書齊有三服官。故詔齊相罷之。

六月。燒當羌叛。金城太守郝崇討之。敗績。羌遂寇漢陽。秋八月。

遣行車騎將軍馬防討平之。十二月戊寅。有星孛于紫宮。

三年春正月己酉。宗祀明堂。禮畢。登靈臺。望雲物。大赦天下。三月癸巳。立貴人竇氏爲皇后。賜爵人二

級。三老孝悌力田人三級。民無名數及流民欲占者人一級。鰥寡孤獨篤癯貧不能自存者粟人五斛。

夏四月己巳。罷常山呼沱。石白河漕。

石白。河名也。在今定州唐縣東北。時鄧訓上言。此漕難成。遂罷之。漕。水運也。音才到反。

行車騎將軍馬防破燒當羌

於臨洮。

臨洮縣名屬隴西郡即今岷山之州〔集解〕惠棟曰防傳破羌在三年春先謙曰臨洮今鞏昌府岷州唐為岷州和政郡注山之二字蓋衍

閏月西域假司馬班超擊姑墨大破之。

姑墨西域國名去長安八千一百五十里

冬十二月丁酉呂馬防為車騎將軍武陵漢中蠻叛。

漢水名音婁源出今澧州崇義縣西北山

是歲零陵獻芝

草。

〔集解〕惠棟曰論衡云零陵泉陵女子傳甯宅土中忽生芝草五本太守沈鄴遣門下掾衍盛獻之詔會公卿郡國上計吏民皆在以芝草告示天下續漢書曰芝長者尺四寸短者七八寸太守使功曹齎之以獻

四年春二月庚寅太尉牟融薨夏四月戊子立皇子慶為皇太子賜爵人二級三老孝悌力田人三級

民無名數及流人欲自占者人一級鰥寡孤獨篤瘡貧不能自存者粟人五斛己丑徙鉅鹿王恭為江

陵王汝南王暢為梁王常山王昞為淮陽王辛卯封皇子伉音抗為千乘王全為平春王。

〔集解〕先謙曰今平春縣屬江夏郡

汝甯府信陽州西北

五月丙辰車騎將軍馬防罷甲戌司徒鮑昱為太尉南陽太守桓虞為司徒。

虞字仲春馮翊人〔集解〕惠棟曰東觀記虞

字伯春遷尚書僕射據法斷事周密平正以為能擢為南陽太守袁紀云虞馮翊萬年人初為魯令以父母老去官二親既終訖乃仕稍遷南陽太守表賢黜惡校練名實豪吏無所容其奸百姓悅之建武以來太守名稱無及虞者及為三公無他異政

六月

癸丑皇太后馬氏崩秋七月壬戌葬明德皇太后。

〔集解〕劉敞曰按陰后不稱太則此太衍字也錢大昕曰按光烈章德和熹安思順烈桓思靈思諸后之葬皆書皇后此獨書太后太字

疑冬牛大疫。〔集解〕惠棟曰。續志是時寶皇后以宋貴人子爲太子。寵幸令人求伺貴人過隙。以譏毀之。章帝不知寶后不善。厥告霧也。

十一月壬戌。詔曰。蓋三代導人。教學爲

本。前書曰。三代之道。鄉里有教。夏曰教。殷曰序。周曰庠。〔集解〕劉歆曰。夏曰教。教當作校。

漢承暴秦。褒顯儒術。建立五經。爲置博士。其後學者精進。雖曰

承師。亦別名家。

言雖承一師之業。其後觸類而長。更爲章句。則別爲一家之學。

孝宣皇帝。旨爲去聖久遠。學不厭博。故遂立大小夏侯尙書。

後又立京氏易。

大小夏侯。謂夏侯勝。勝從兄子建也。京氏。京房也。

至建武中。復置顏氏。嚴氏春秋。大小戴禮博士。

嚴氏。謂嚴彭祖。顏氏。謂顏安樂。大小戴。

德。戴聖也。

此皆所目扶進微學。尊廣道藝也。中元元年。詔書。五經章句煩多。議欲減省。至永平元年。長水校

尉儵樊儵

奏言。先帝大業。當目時施行。欲使諸儒共正經義。頗令學者得目自助。孔子曰。學之不講。是吾

憂也。又曰。博學而篤志。切問而近思。仁在其中矣。

論語文也。講。猶習也。篤。厚也。志。記也。言人能博涉學而後識之。切問。於己所未悟之事。近思。己所能及之事。好學亦仁之一分。故仁在其

中矣。〔集解〕錢大昕曰。按博學以下。乃子夏之言。非孔子語。蔡邕傳。小能小善。雖有可觀。孔子以爲致遠恐泥。亦子夏語也。漢書藝文志引。雖小道。必有可觀者焉。王充論衡引。死生有命。紂之不善。不如是之甚。皆以爲孔子語。說者以爲古人引書多誤。其實非也。考藝文志云。論語者。孔子應答弟子時人。及弟子相與言。而接聞于夫子之語也。云接聞于夫子。則其言皆孔子所取矣。故漢人引論語。雖弟子之言。皆歸之孔子。非由記憶之誤。

於戲。其勉之哉。於是下太常將大

夫博士議郎郎官博士屬太常故云下

及諸生諸儒會白虎觀講議五經同異使五官中郎將魏應承制問

續漢志曰

五官中郎將比二千石

侍中淳于恭奏帝親稱制臨決如孝宣甘露石渠故事

前書甘露二年詔諸儒講五經異同蕭望之等平奏其議上親制臨決焉又曰施讎甘露中論

五經於石渠閣三輔故事曰石渠閣在未央殿北藏祕書之所

作白虎議奏今白虎通

是歲甘露降泉陵洮陽二縣

二縣屬零陵郡泉陵城在今永州零陵縣北洮陽故城在今湘源縣西北

〔集解〕惠棟曰論衡云甘露下泉陵零陵洮陽始安治道五縣榆柏梅李葉皆洽薄威委流澆民噉吮之甘如飴蜜先謙曰泉陵在今永州零陵縣舊唐志州北二里洮陽在今桂林府全州北州志三十五里故州灘

五年春二月庚辰朔日有食之

〔集解〕惠棟曰續志在東壁八度東壁為文章是時羣臣爭經多相非毀者

詔曰朕新離供養

去年馬太后崩

愆咎衆著上

天降異大變隨之詩不云乎亦孔之醜

詩小雅曰朔日辛卯日有食之亦孔之醜孔甚也醜惡也

又久旱傷麥憂心慘切公卿已下其舉

直言極諫能指朕過失者各一人遣詣公車將親覽問焉其呂巖穴為先勿取浮華

前書鄒陽曰巖巖穴之士

甲申詔

曰春秋書無麥苗重之也

春秋莊公七年秋大水無麥苗公羊傳曰一災不書待無麥然後書無苗何休注曰不穀至麥苗獨書人食最重也

去秋雨澤不適今時復旱

如炎如焚

炎焚言熱氣甚韓詩旱魃為虐如炎如焚

凶年無時而為備未至朕之不德上累二光震慄切切痛心疾首

切音刀詩曰憂心切

切又曰疾如疾首。

前代聖君博思咨諏。

咨諏謀也。音子余反。

雖降災咎輒有開闢反風之應。

武王有疾周公作請命之書藏於金匱後管蔡流言成王疑周公天乃大風禾

木盡偃成王啓金匱得書乃郊天謝過天乃反風起禾事見尙書。

今予小子徒慘慘而已其令二千石理冤獄錄輕繫禱五嶽四瀆及名山能

與雲致雨者冀蒙不崇朝徧雨天下之報。

尙書大傳曰五嶽皆觸石出雲膚寸而合不崇朝而雨天下。

務加肅敬焉三月甲寅詔曰孔子

曰刑罰不中則人無所措手足今吏多不良擅行喜怒或案不目罪迫脅無辜致令自殺者一歲且多

於斷獄甚非爲人父母之意也。

書曰元后作人父母。

有司其議糾舉之荆豫諸郡兵討破武陵漢中叛蠻夏五月

辛亥詔曰朕思遲直士側席異聞。

遲猶希望也音持二反側席謂不正坐所以待賢良也〔集解〕惠棟曰曲禮有憂者側席而坐鄭元注側猶特也不布他面席案側席與儀禮側殺側受禮之側同憂在進賢

故側席注非何若瑤曰史衛將軍傳索隱遲者待也思遲直士思待直士也注說不詞。

其先至者各目發憤吐瀝略聞子大夫之志矣。

〔集解〕惠棟曰賈逵國語注曰親而近之故曰

子大夫。

皆欲置於左右願問省納建武詔書又曰堯試臣目職不直目言語筆札。

書舜典曰朕其試哉又曰歷試諸艱札簡也。

今

外官多曠竝可目補任戊辰太傅趙熹薨冬始行月令迎氣樂。

東觀記曰馬防上言聖人作樂所以宣氣致和順陰陽也臣愚以爲可因歲首發太簇之律奏推頌

之音以迎和氣時以作樂器費多遂獨行十月迎氣樂也

是歲零陵獻芝草

〔集解〕惠棟曰論衡云生泉陵男子周服宅上六本色狀如三年芝并前凡十

載司馬書記五年零陵女子傳甯宅内生紫芝五株長者尺四寸短者七八寸太守沈豐使功曹齋芝以聞帝告示天下又一事

有八黃龍見於泉陵

伏侯古今注曰見零陵泉陵湘水中相與戲其二大如馬有角六枚大如駒無

角〔集解〕惠棟曰論衡云湘水去泉陵城七里水上聚石曰燕室邱臨水有俠山其下巖壑水深不測二黃龍見長出十六丈身大於馬舉頭顧望狀如圖中畫龍燕石邱民皆觀見之去龍可數十步又見狀如駒馬小大凡六出水遊戲陸上蓋二龍之子也并二龍爲八出入移時乃入西域假司馬班超擊疏勒破之

六年春二月辛卯琅邪王京薨夏五月辛酉趙王盱薨

〔集解〕錢大昕曰趙王良傳子節王栩嗣立四十年薨而本紀中元元年永平六年並書趙王盱惟永平五年書趙王栩

必有一誤栩與盱音相近而譌也

六月丙辰太尉鮑昱薨辛未晦日有食之秋七月癸巳巨大司農鄧彪爲太尉

七年春正月沛王輔濟南王康東平王蒼中山王焉東海王政琅邪王宇來朝夏六月甲寅廢皇太子

慶爲清河王立皇子肇爲皇太子己未徙廣平王羨爲西平王秋八月飲酎高廟禘祭光武皇帝孝明

皇帝

前書高廟飲酎奏武德五行之舞音義云正月且作酒八月成名曰酎者言醇也武帝時因八月嘗酎令諸侯出金助祭所謂酎金也丁孚漢儀式曰九真突陟日南者用犀角二長九寸若瑋瑁甲一鬱林用象牙一長三尺已上若翠羽各二十準以當

金〔集解〕劉放曰。甲辰詔書云。〔集解〕劉放曰。案文少一曰字。宜本考證曰。此者字似當作皆。注應在書云二字之上。謂詔字下脫去曰字也。祖考來假。明哲之祀。假音格。格至也。尚書變曰。於子擊石。

拊石搏拊琴瑟以詠。祖考來格。言明哲祭祀。則能致祖考之神來至。予末小子。質又菲薄。仰惟先帝烝烝之情。前修禘祭。曷盡孝敬。朕得識昭穆

之序。寄遠祖之思。今年大禮復舉。加曷先帝之坐。言顯宗神坐。今新加之。悲傷感懷。樂曷迎來。哀曷送往。雖祭亡

如在。而空虛不知所裁。庶或饗之。豈亡克慎肅雍之臣。辟公之相。肅。敬雍。和相。助也。詩大雅曰。有來雍雍。至止肅肅。相維辟公。天子穆穆。言百辟諸侯來助祭。皆

有肅雍之德。無懈慢也。〔集解〕惠棟曰。逸齋詩補傳云。賢之此注。豈韓齊魯三家以頌為雅耶。雅頌音營亂矣。賴孔子刪詩。然後雅頌各得其所。賢欲復亂之耶。皆助朕之依依。依依。思慕之意。今賜公錢四十

萬。卿半之。及百官執事各有差。九月甲戌。幸偃師。東涉卷津。卷。縣名。屬河南郡也。卷音丘。權反。〔集解〕先謙曰。今懷慶府原武縣。至河內。下詔

曰。車駕行秋稼。觀收穫。因涉郡界。皆精騎輕行。無它輜重。不得輒修橋道。遠離城郭。遣吏逢迎。刺探起

居。刺探。謂候伺也。探音湯。勸反。出入前後。曷為煩擾。動務省約。但患不能脫粟瓢飲耳。晏子相齊。食脫粟之飯。孔子曰。顏回一瓢飲。所過欲令

貧弱有利。無違詔書。遂覽淇園。前書音義曰。淇園。衛之苑也。己酉。進幸鄴。勞饗魏郡守令已下。至于三老門闌。走卒賜

錢各有差。勞賜常山趙國吏人。復元氏租賦三歲。辛卯。車駕還宮。詔天下繫囚減死一等。勿笞詣邊戍。

妻子自隨。占著所在。父母同產欲相從者。恣聽之。有不到者。皆曰。乏軍興論。軍興而致闕乏。當死刑也。〔集解〕

曰。典。今之軍興是也。尙書費誓。峙乃糗糧。無敢不逮。汝則有大刑。孔安國云。汝則有乏軍興之死刑。孔穎達云。典軍征伐。而有乏少。謂之乏軍興。今律。乏軍興者斬。及犯殊死。一切募下蠶室。其女子宮。繫

囚。鬼薪。白粲已上。前書曰。鬼薪。白粲已上。皆三歲刑也。男子爲鬼薪。取薪以給宗廟。女子爲白粲。使擇米白粲粲然。皆減本罪各一等。輸司寇作。亡命贖死罪。入

繯二十四。右趾至髡。鉗城旦。舂十匹。完城旦。至司寇三匹。吏人有罪未發覺。詔書到。自告者。半入贖。冬

十月癸丑。西巡狩。幸長安。丙辰。祠高廟。遂有事十一陵。遣使者祠太上皇於萬年。太上皇。高祖父也。名熹。音

圖曰。高祖初都洛陽。太上皇崩。葬櫟陽北原。陵號萬年。仍令置萬年縣。在今櫟陽東北。故祭祀焉。〔集解〕先謙曰。萬年。今西安府咸寧縣治。呂中牢祠蕭何。霍光進幸槐里。〔集解〕先謙曰。槐里。今西安府興平縣東。

南。岐山得銅器。形似酒罇。獻之。〔集解〕惠棟曰。東觀記。采色青黃。有古文符瑞志。詔在道晨夕以爲百官熱酒。又獲白鹿。〔集解〕惠棟曰。符瑞志得白鹿於臨平觀。帝曰。上無

明天子。下無賢方伯。已見明帝紀。人之無良。相怨一方。詩小雅也。良。善也。言王者所爲。無有善者。各相與於一方面而怨之。義見韓詩。斯器亦曷爲來哉。公羊

傳曰孔子抱麟而泣曰。又幸長平御池陽宮。前書音義曰長平坂在池陽南有長平觀去長安五十餘里〔集解〕先謙曰前書孰爲來哉孰爲來哉

在涇陽縣造至也謂次比舟令相至爲橋而度也爾雅曰天子造舟諸侯造舟大夫方舟士特舟〔集解〕先謙曰高陵今西安府高陵縣西北八里。東至高陵造舟於涇而還。每所到幸輒會郡

縣吏人勞賜作樂十一月詔勞賜河東守令掾目下十二月丁亥車駕還宮是歲京師及郡國螟。

八年春正月壬辰東平王蒼薨三月辛卯葬東平憲王賜鑾輅龍旂夏六月北匈奴大人率衆款塞降。

冬十二月甲午東巡狩幸陳留梁國淮陽潁陽戊申車駕還宮詔曰五經剖判去聖彌遠章句遺辭乖。

疑難正恐先師微言將遂廢絕非所目重稽古求道真也其令羣儒選高才生受學左氏穀梁春秋古。

文尙書毛詩呂扶微學廣異義焉是歲京師及郡國螟。

元和元年春正月中山王焉來朝日南徼外蠻夷獻生犀。〔集解〕惠棟曰白雉劉欣明交州記曰犀其毛如象

角短額上頭上角長異物志曰角中特有閏月辛丑濟陰王長薨二月甲戌詔曰王者八政目食爲本。〔尙書〕洪範八政一曰

光耀白理如線自本達末則爲通天犀

東觀記作白犀白雉。踈有三甲頭如馬有三角鼻上

食是為政本。〔集解〕惠棟曰：書大傳：八政何以先食。傳曰：食者萬物之始，人事之所本也。故八政先食。

故古者急耕稼之業，致耒耜之勤。

耒耜，農器也。耒，其柄耜，其刃。

節用儲蓄，

備凶災。是曰歲雖不登，而人無饑色。自牛疫已來，穀食連少。良繇吏教未至，刺史二千石不目為負。

〔負，猶。〕

也。其令郡國募人無田欲徙它界就肥饒者，悉聽之。到在所，賜給公田，為雇耕傭賃種餽。餽，糶也。古餽字音式上反。賈

與田器，勿收租五歲。除算三年，其後欲還本鄉者勿禁。夏四月己卯，分東平國封憲王蒼子尚為任城

王。六月辛酉，沛王輔薨。秋七月丁未，詔曰：律云掠者，唯得榜笞立。

〔蒼，顏籀曰：掠，問也。廣雅曰：榜，擊也。音彭。說文曰：笞，擊也。立，謂立而考訊之。〕〔集解〕惠棟曰：劉伯

莊云：掠音亮，考掠也。

又令丙，篲長短有數。

〔令丙，為篲之次也。前書音義曰：令有先後，有令甲、令乙、令丙。又景帝京師定篲，令篲長五尺，本大一寸，其竹也。未薄半寸，其平去節，故曰長短有數也。〕〔集解〕劉敞曰：注景帝京師定篲，令案

景帝定令行於天下，不止京師。京師，衍字也。蓋景似京師，似帝，因爾誤出。

自往者大獄已來，掠考多酷，鈇鑽之屬。

〔大獄，謂楚王英等事也。鈇音其廉反。說文曰：鈇，鑊也。國語曰：申刑用鑽鑿，皆謂慘酷。〕

其肌膚也。〔集解〕惠棟曰：鈇，曹憲音巨炎反。王幼學云：鈇，通作鈇，倉頡篇：鈇，鈇也。鈇，從蓋反。說文在頭曰鈇，在足曰鈇，鑽去其膝蓋骨，音作喚反。注鈇，鈇也。鈇，曹憲音竹涉反。

慘苦無極，念其痛毒，悚然動心。書

曰：鞭作官刑，豈云若此。

〔孔安國注尚書曰：以鞭為理官事之刑。〕

宜及秋冬理獄，明為其禁。八月甲子，太尉鄧彪罷，大司農鄭

弘爲太尉。癸酉，詔曰：朕道化不德，吏政失和，元元未諭，抵罪於下，寇賊爭心不息，邊野邑屋不修。修或作充。

永惟庶事，思稽厥衷，與凡百君子共弘斯道，中心悠悠，將何目寄，其改建初九年爲元和元年，郡國中

都官繫囚減死一等，勿笞，詣邊縣，妻子自隨，占著在所，其犯殊死，一切募下蠶室，其女子宮，繫囚鬼薪

白粲，目上皆減本罪一等，輸司寇，作亡命者，贖各有差，丁酉，南巡狩，詔所經道上郡縣，無得設儲跽，儲積

也，跽，具也，言不豫有蓄備。命司空自將徒支柱橋梁，柱音竹，主反。有遣使奉迎，探知起居，二千石當坐，其賜鰥寡孤獨不能

自存者粟人五斛，九月乙未，東平王忠薨，〔集解〕惠棟曰：續志是年八月乙未晦，九月不應復有乙未紀誤。辛丑，幸章陵，祠舊宅園廟，見宗

室故人，賞賜各有差，冬十月己未，進幸江陵，詔廬江太守祠南嶽，又詔長沙零陵太守祠長沙定王，春

陵節侯鬱林府君，還幸宛，十一月己丑，車駕還宮，賜從者各有差，十二月壬子，詔曰：書云：父不慈，子不

祇，兄不友，弟不恭，不相及也。祇，敬也，左傳胥臣云：康誥曰：父不慈，子不祇，兄不友，弟不恭，不相及也。今康誥之言事同而文異。往者妖言大獄，所及廣遠，一人犯

臯禁至三屬。即三族也。謂父族、母族及妻族。莫得垂纓仕宦王朝。如有賢才而沒齒無用。朕甚憐之。非所謂與之更始也。

諸目前妖惡禁錮者。一皆蠲除之。左傳曰。以重幣錮之。杜預注曰。禁錮勿令仕也。目明棄咎之路。但不得在宿衛而已。

二年春正月乙酉。詔曰。令云。人有產子者。復勿算三歲。〔集解〕惠棟曰。高祖七年令也。杜佑理道要訣云。漢高帝每歲人常賦百二十錢。至孝文時。省儉至四十。武帝事邊費廣。

人產子三歲。則出口錢。孝宣減人算三十。孝成減四十。光武有產子。復以三年之算。今諸懷姙者。說文曰。姙。孕也。賜胎養穀人三斛。復其夫勿算一歲。著目爲令。

又詔三公曰。方春生養。萬物孳甲。前書音義曰。孳。葉裏白皮也。易曰。百果甲坼也。〔集解〕惠棟曰。周易解象傳。雷雨作。而百果草木皆甲宅。鄭氏曰。皮曰甲。根曰宅。宜助萌陽。目育

時物。其令有司。罪非殊死。且勿案驗。及吏人條書相告。不得聽受。條。事也。冀息事甯人。敬奉天氣。立秋如

故。夫俗吏矯飾外貌。似是而非。揆之人事。則悅耳。論之陰陽。則傷化。朕甚鑿之。甚苦之。安靜之吏。惛悞

無華。說文云。惛。悞。至誠也。惛。音苦本反。悞。音孚。逼反。日計不足。月計有餘。莊子曰。有庚桑子者。偏得老聃之道。以居嶧壘之山。嶧壘之人相與云。庚桑子之始來。吾洒然異之。今吾日計之不足。歲計之有餘。庶幾其聖人乎。

如襄城令劉方。方字伯況。平原人。吏人同聲。謂之不煩。雖未有它異。斯亦殆近之矣。間敕二千石。各尙寬明。而

今富姦行賂於下，貪吏枉法於上。〔集解〕惠棟曰：漢律有受贓枉法之科，今復申之，故下云勉思舊令也。使有罪不論，而無過被刑，甚大逆也。夫

呂苛爲察，呂刻爲明，呂輕爲德，呂重爲威，四者或興，則下有怨心。吾詔書數下，冠蓋接道。〔集解〕惠棟曰：胡注謂奉詔出

使者相接於道也，數所角反。而吏不加理，人或失職，其咎安在？勉思舊令，稱朕意焉。二月甲寅，始用四分曆。續漢書曰：時待詔張

盛、京房、鮑業等，以四分曆請與待詔楊岑等共課。歲餘，盛等所中多四分之曆，始頒施行。〔集解〕錢大昕曰：京房當作景防。詔曰：今山川鬼神應典禮者，尙未咸秩。

未次序而祭之，書曰咸秩無文。其議增修羣祀，呂祈豐年。丙辰，東巡狩。己未，鳳皇集肥城。肥城，縣名，屬太山郡，故城在今濟州平陰縣東南。〔集解〕錢大昕曰：郡國志無

此縣，惠棟曰：水經注曰：集肥城句，應享復其祖先，謙曰：肥城，今泰安府肥城縣前，漢屬泰山郡，後漢屬濟北國，後省。乙丑，帝耕於定陶。詔曰：三老，尊年也。孝悌，淑行也。力田，勤

勞也。國家甚休之，其賜帛人一匹，勉率農功。使使者祠唐堯於成陽靈臺。成陽縣屬濟陰郡，郭緣生述征記曰：成陽縣東南有堯母慶都墓，上有祠

廟，堯母陵，俗亦名靈臺大母。〔集解〕先謙曰：成陽在今曹州府濮州東南，接曹州界。辛未，幸太山，柴告岱宗，有黃鵠三十從西南來，經祠壇上，東北過于

宮屋，翺翔升降，進幸奉高。壬申，宗祀五帝于汶上明堂。前書曰：濟南人公玉帶，上黃帝時明堂圖，中有一殿，四面無壁，以茅蓋，通水，水圍宮垣爲複道，上有樓，從西南人名曰臯

齋以拜祀上帝。於是上作明堂於汶上。如帶圖焉。汶水出太山朱虛縣萊蕪山。〔集解〕惠棟曰：水經注帝東巡太山立行宮於汶陽。執金吾耿恭屯城門於汶上。基澗存焉。案恭傳未嘗為執金吾。或別有據也。

二祖謂高祖世祖。四宗謂文帝為太宗。武帝為世宗。宣帝為中宗。明帝為顯宗。

大會外內羣臣。丙子詔曰：朕巡狩岱宗。柴望山川。告祠明堂。昌章先勳。

其二王之後。

禮記曰：存二王之後。尊賢不過二代。公羊傳曰：存二王之後。所以通三正也。漢之二王。殷周之後也。

先聖之胤。

東觀記曰：孔子後褒成侯等咸來助祭。

東后蕃衛。

東后謂東方國君也。諸侯

為天子蕃屏。

故曰蕃衛。

伯父伯兄。仲叔季弟。幼子童孫。

尚書呂刑文。皆天子同姓諸侯。有父叔兄弟子孫列者。故總而同一〔集解〕先謙曰：官本注同作言是。

百僚從臣。宗室衆

子。要荒四裔。

要荒二服名。要服去王城二千里。荒服去王城二千五百里。要者言可要束以文教。荒者言其荒忽無常也。裔遠也。謂荒服之外也。

沙漠之北。蔥嶺之西。

西河舊事曰：蔥嶺山名。在敦煌西。其山高

大多蔥。故以為名也。〔集解〕先謙曰：官本注未也。作焉。

冒彰之類。

字書曰：彰多須貌。音而音須鬢多。蒙冒其面。或曰：西域人多著冒而長。故舉以為言也。〔集解〕劉攽曰：注西域人多著冒而長。案文當有一須字。緣紀文言冒彰。

跋涉

懸度。

草行曰：跋水行曰涉。左傳：子太叔曰：跋涉山川。西域傳曰：懸度者石山也。谿谷不通。以繩索相引而度。去陽關五千八百五十里。

陵踐阻絕。駿奔郊時。

駿疾也。音俊。尚書：駿奔走在廟郊時。祭天處也。前書音義曰：時

神靈之居止者。〔集解〕惠棟曰：案梅氏武成。衍在廟二字。周頌有之。涉此而訛耳。

咸來助祭。祖宗功德。延及朕躬。子一人空虛多疚。纂承尊明。

疚病也。纂繼也。盟

洗享薦。慙愧祗懷。詩不云乎：君子如祉。亂庶遘已。

詩小雅。遘速也。已止也。祉福也。鄭玄注云：福者。福賢者。謂爵祿之也。如此則亂亦庶幾可疾止也。

麻數既從。靈

耀著明。麻數既從謂行四分麻也。靈權著明謂日月貞明。亦欲與士大夫同心自新。其大赦天下。諸犯罪不當得赦者。皆除之。復博

奉高嬴。無出今年田租芻橐。戊寅。進幸濟南。濟南縣名。故城在今淄州長山縣西北。〔集解〕先謙曰。此在漢為濟南都尉治也。三月己丑。進幸魯。祠東

海恭王陵。庚寅。祠孔子於闕里及七十二弟子。賜褒成侯及諸孔男女帛。壬辰。進幸東平。祠憲王陵。陵在

今鄆州須昌縣東。〔集解〕先謙曰。憲王蒼也。陵在今泰安府東平州東北五里。甲午。遣使者祠定陶太后恭王陵。太后即元帝傅昭儀也。定陶恭王康。其陵在今曹州府曹州濟陰縣北。〔集解〕先謙曰。陵在今曹州府

曹縣西北五十里。乙未。幸東阿。北登太行山。至天井關。在今澤州晉城縣南。今太行山上。關南有天井泉三所也。〔集解〕惠棟曰。李吉甫云天井故關一名太行關。在晉城縣四十五里。太行山上。先謙曰。

在今澤州府鳳臺縣南。夏四月乙巳。客星入紫宮。〔集解〕錢大昕曰。天文志作元年四月丁巳。乙卯。車駕還宮。庚申。假于祖禰。假。至也。音格。禰。父廟。易曰。王假有廟。

告祠高廟。五月戊申。詔曰。乃者鳳皇、黃龍、鸞鳥、比集七郡。孫柔之瑞圖曰。鸞鳥者。赤神之精。鳳皇之佐。雞身赤尾。色亦被五彩。鳴中五音。人君進退有度。親疏有序。則至也。比。

類也。或一郡再見。及白鳥、神雀、甘露、屢臻。祖宗舊事。或班恩施。武帝時。芝草生于甘泉宮。宣帝時。嘉穀玄稷降于郡國。神雀仍集。皆大赦天下。其賜天下

吏爵人三級。高年鰥寡孤獨帛人一匹。經曰。無侮鰥寡。惠此棨獵。加賜河南女子百戶牛酒。前書音義。蘇林曰。男賜爵。

女子賜牛酒。姚察云：女子謂賜爵者之妻。史記封禪書：百戶牛一頭，酒十石。臣賢案：此女子百戶，若是戶頭之妻，不得更稱為戶。此謂女戶頭，即今之女戶也。天下稱慶，恩當普洽，所以男戶賜爵，女子賜牛酒。〔集解〕惠棟曰：經籍志：漢書訓纂三十卷，陳吏部尚書姚察撰。

令天下大酺五日，賜公卿已下錢帛各有差，及洛陽人當酺者布戶一匹，城外三戶共一匹，賜博士

員弟子見在太學者布人三匹，令郡國上明經者，口十萬，自上五人，不滿十萬三人，改廬江為六安國。

江陵復為南郡。

建初四年，改為江陵國，今又復之。

徙江陵王恭為六安王。

〔集解〕官本考證曰：此句之下，何焯校本增廣平王羨為西平王八字，今諸本俱無，存以備考。

秋七月庚

子詔曰：春秋於春，每月書王者，重三正，慎三微也。

三正，謂天地人之正，所以有三者，由有三微之月，王者所常奉而成之。禮記曰：正朔三而改，文質再而復。三微者，三正之始，萬物皆微，物

色不同，故王者取法焉。十一月，時陽氣始施於黃泉之下，色皆赤，赤者陽氣，故周為天正，色尚赤。十二月，萬物始牙，而色白，白者陰氣，故殷為地正，色尚白。十三月，萬物季甲而出，其色皆黑，人得加功展業，故夏為人正，色尚黑，尚書大傳曰：夏十三月為正，平旦為朔，股以十二月為正，雞鳴為朔，周以十一月為正，夜半為朔，必以三微之月為正者，當爾之時，物皆尚微，王者受命，當扶微理弱，奉成之義也。〔集解〕錢大昕曰：此禮三正記之文，注脫三正二字。惠棟曰：禮記曰：正朔三而改，此禮緯文，非禮記也。注訛三微者，三正之始，萬物皆微，此說未盡。案易緯乾鑿度曰：天氣三微而成一著，三著而成一體。鄭元注：五日為一微，十五日為一著，冬至陽始生，積十五日，至小寒為一著，至大寒為二著，至立春為三著，故曰三著而成體。冬至周正，小寒商正，立春夏正，故曰重三正，慎三微。

律十

二月立春，不呂報囚。

報猶論也。立春陽氣至，可以施生，故不論囚。〔集解〕惠棟曰：說文：報，當罪人也。从卒，从反，反，服罪也。竊窮理罪人也。

月令冬至之後，有順陽助生之文。

月令仲冬是月也。日短至。陰陽爭。諸生蕩。君子身欲寧。事欲靜。以待陰陽之所定也。〔集解〕惠棟曰。鴻範五行傳。自冬至至數四十六日。迎春於東堂。號曰助天生朔令。云云。此夏月令也。祭祀志注。皇覽曰。迎禮春夏秋冬之樂。又順天道是故距冬至日四十六日。天子迎春於東堂。號曰助天生。上云順天道。天陽也。是順陽助生。乃明堂月令之明文也。注止採今文。月令短日至諸文。非書義也。

者生殺。宜順時氣。其定律無。呂十一月十二月報囚。九月壬辰。詔鳳皇黃龍所見亭部。無出二年租賦。

東觀記曰。鳳皇見肥城句。廡亭槐樹上。古今注云。黃龍見洛陽元延亭部。廡音庚。

加賜男子爵人二級。先見者帛二十四匹。近者三匹。太守三十四匹。令長

十五匹。丞尉半之。詩云。雖無德與汝。式歌且舞。

詩小雅也。取雖無大德。要有喜悅之心。欲歌舞也。式用也。

它如賜爵故事。丙申。徵濟南

王康。中山王焉會烝祭。冬十一月壬辰。日南至。初閉關梁。

易曰。先王以至日閉關。商旅不行。王弼注曰。冬至陰之復。夏至陽之復。故為復。即至於寂然大靜。先王則天地而行

也。者

三年春正月乙酉。詔曰。蓋君人者。視民如父母。

〔集解〕先謙曰。官本君人作人君。

有憺怛之憂。有中和之教。匍匐之救。

禮。周

鄉司徒以鄉三物教萬民。一曰六德。謂智、仁、聖、義、中、和。詩邶風曰。凡民有喪。匍匐救之。〔集解〕先謙曰。官本鄉司徒。鄉作大是。

其嬰兒無父母親屬及有子不能養食者。稟給如律。

丙申北巡狩濟南王康中山王馮西平王羨六安王恭樂成王黨淮陽王昞任城王尚沛王定皆從辛

丑帝耕于懷二月壬寅告常山魏郡清河鉅鹿平原東平郡太守相曰朕惟巡狩之制臣宜聲教考同

遐邇解釋怨結也〔集解〕先謙曰官本經結作結究今四國無政不用其良詩小雅曰日月告凶不用其行四國無政不用其良言四方之國無政者由天子不用善人也駕言出

游欲親知其劇易〔集解〕惠棟曰案病有劇易謂增劇及變易也帝欲親知民之疾苦故言劇易也太公六韜曰知人饑渴習人劇易蓋古有是語易音以鼓反前祠園陵遂望祀華霍華霍山名

也今在廬江灄縣西南亦名天柱山爾雅曰華山為西嶽霍山為南嶽東柴岱宗為人祈福今將禮常山遂徂北上歷魏郡經平原升踐隄防詢

訪耆老咸曰往者汴門未作深者成淵淺則泥塗追惟先帝勤人之德謂永平十二年修汴渠底績遠圖復禹弘

業尚書曰覃懷底績孔安國注云底置績功也遠圖猶長算也言能復禹為理水之大功聖跡滂流至于海表不克堂構朕甚慙焉尚書曰若考作室既底法厥子乃不肯堂矧肯構

月令孟春善相丘陵土地所宜月令孟春之月善相丘陵阪險原隰土地所宜五穀所殖以教導人必躬親之田事既飭今肥田尚多未有墾闢其悉臣賦

貧民給與糧種務盡地力勿令游手所過縣邑聽半入今年田租臣勸農夫之勞乙丑敕侍御史司空

曰方春所過無得有所伐殺車可引避引避之

〔集解〕惠棟曰東觀記救御史司空道橋所過歷樹木方春日無得有所伐輅車可引避也

駢馬可輟解

輟解之

夾轅者爲服馬服馬外爲駢馬

詩云敦彼行葦牛羊勿踐履

詩大雅云鄭玄注曰敦敦然道旁之葦牧羊羊者無使踐履折傷之況於人乎〔集解〕先謙曰官本注云作也

禮人君

伐一草木不時謂之不孝

禮記孔子曰伐一樹殺一獸不以其時非孝也

俗知順人莫知順天其明稱朕意戊辰進幸中山遣使

者祠北嶽

〔集解〕惠棟曰符瑞志以太牢具祠北嶽山見黃白氣有神魚躍出十數

出長城

史記蒙恬爲秦築長城西自臨洮東至海

癸酉還幸元氏祠光武顯宗於縣舍

正堂明日又祠顯宗于始生堂皆奏樂

明帝生于常山元氏傳舍也

三月丙子詔高邑令祠光武於卽位壇

〔集解〕惠棟曰裴松

之案漢記詔高邑縣祠卽位壇五城陌李吉甫云世祖廟一名壇亭柏鄉縣北十四里鄆縣故城南七里卽世祖卽位之千秋亭也後於此立廟

復元氏七年徭役己卯進幸趙庚辰祠房山

於靈壽

靈壽縣名屬常山郡今恆州縣也房山在今恆州房山縣縣西北俗名王母山上有王母祠〔集解〕劉放曰下縣字疑衍先謙曰靈壽在今正定府靈壽縣西北縣志十里靈壽村房山王母祠元和志云漢武帝所立今王母觀是也

辛卯

車駕還宮賜從行者各有差夏四月丙寅太尉鄭弘免大司農宋繇爲太尉

繇字叔路長安人〔集解〕惠棟曰袁紀作宗由

五月

丙子司空第五倫罷太僕袁安爲司空秋八月乙丑幸安邑觀鹽池

許慎云河東鹽池袤五十一里廣七里周百一十六里今蒲州虞鄉縣西〔集解〕先

謙曰在今解州東二里安邑縣南十里

九月至自安邑冬十月北海王基薨燒當羌叛寇隴西是歲西域長史班超擊斬疏

勒王

章和元年春三月護羌校尉傅育追擊叛羌戰歿夏四月丙子令郡國中都官繫囚減死一等詣金城

戊六月戊辰司徒桓虞免癸卯司空袁安為司徒光祿勳任隗為司空

桓虞字仲春馮翊萬年人隗字仲和南陽宛人〔集解〕惠棟曰與建初三年注

重出秋七月癸卯齊王晃有罪貶為蕪湖侯

蕪湖縣名屬丹陽故城在今宣州當塗縣東南〔集解〕先謙曰在今太平府蕪湖縣東府志三十里湖城周十九里遺址略存

壬子淮陽

王暉薨鮮卑擊破北單于斬之燒當羌寇金城護羌校尉劉盱討之

〔集解〕錢大昕曰以西羌傳校之其時校尉乃張紆非劉盱也

斬其渠

帥壬戌詔曰朕聞明君之德啓迪鴻化緝熙康乂光照六幽

緝熙光明也六幽謂六合幽隱之處也

訖惟人面靡不率俾仁

風翔于海表威靈行乎鬼區

鬼區即鬼方

然後敬恭明祀膺五福之慶獲來儀之貺

尚書五福一曰壽二曰富三曰康四曰攸好德五曰考終命來儀謂風也

書曰鳳皇來儀

朕曰不德受祖宗弘烈乃者鳳皇仍集麒麟竝臻甘露宵降嘉穀滋生芝草之類歲月

不絕。朕夙夜祇畏上天。無日彰于先功。今改元和四年爲章和元年。秋令是月養衰老。授几杖。行糜粥。

飲食。

月令仲秋之令。

其賜高年二人共布帛各一匹。呂爲醴酪。死罪囚犯法。在丙子赦前而後捕繫者。皆減死。

勿笞。詣金城戍。八月癸酉。南巡狩。壬午。遣使者祠昭靈后於小黃園。

小黃縣屬陳留郡。故城在今汴州陳留縣東北。漢舊儀曰。昭靈后高祖母起兵時死。

小黃北。後爲作園。廟于小黃欄。陳留風俗傳曰。沛公起兵野戰。喪皇妣于黃鄉。天下平定。仍使使者以梓宮招魂幽野。於是丹蛇在水。自洒灑之。入于梓宮。其浴處有遺髮。故謚曰昭靈夫人。〔集解〕劉敞曰。注天下平定。仍使使者案仍當作乃。仍者重覆之辭。無用于此。

先謙曰。小黃在今開封府陳留縣東北。括地志三十三里。

甲申。徵任城王尙會睢陽。戊子。幸梁。己丑。遣使祠沛高原廟。豐粉榆社。

前書音義曰。粉。白榆。

高祖里社。在豐縣東北十五里。原廟解見光武紀。

乙未。幸沛。祠獻王陵。徵會東海王政。乙未晦。日有食之。

〔集解〕錢大昕曰。五行志。在元和元年。此文已書乙未幸沛。

又重書乙未。盧文弨曰。五行志作元和。誤也。考是年七月。九月。俱丙申朔。與八月乙未正合。若元和元年八月是甲寅朔。九月是甲申朔。安得八月乙未晦乎。

九月庚子。幸彭城。東海王政。沛王定。任城

王尙皆從。辛亥。幸壽春。壬子。詔郡國中都官繫囚減死罪一等。詣金城戍。犯殊死者。一切募下蠶室。其

女子宮。繫囚鬼薪白粲已上。減罪一等。輸司寇。作亡命者。贖死罪。繯二十四。右趾至髡。鉗城旦。舂七匹。

完城且至司寇三匹吏民犯罪未發覺詔書到自告者半入贖復封阜陵侯延為阜陵王己未幸汝陰

縣名屬汝南郡今潁川縣〔集解〕

先謙曰今潁州府阜陽縣治

冬十月丙子車駕還宮北匈奴屋蘭儲等率衆降是歲西域長史班超擊莎

車大破之月氏國遣使獻扶拔師子

扶拔似麟無角拔音步末反〔集解〕惠棟曰郭義恭廣志曰符拔如麟黑皮有鱗甲甲可以辟惡也汪文臺曰初學記八十九引續漢書作符拔

二年春正月濟南王康阜陵王延中山王焉來朝壬辰

〔集解〕惠棟曰袁宏紀二月壬辰

帝崩於章德前殿

〔集解〕惠棟曰章德殿在北宮

見東觀記清

年三十三

〔集解〕惠棟曰蔣杲云案卽位十九在位十三年年三十二紀稱三十三者傳寫誤也

遺詔無起復廟一如先帝法制

論曰魏文帝稱明帝察察章帝長者

以上華嶠之辭

章帝素知人厭明帝苛切事從寬厚感陳寵之義除慘獄

之科

寵時為尚書以吏政嚴切乃上書除慘酷之科五十餘條具本傳也

深元元之愛著胎養之令

元和二年令諸懷姙者賜穀人三斛

奉承明德太后盡心孝道

割裂名都呂崇建周親

周至也

平徭簡賦而人賴其慶又體之呂忠恕文之呂禮樂故迺蕃輔克諧羣后

德讓謂之長者不亦宜乎在位十三年郡所上符瑞合於圖書者數百千所

〔集解〕先謙曰官本郡下有國字

嗚呼懋哉

懋美也。〔集解〕惠棟曰：東觀記序云：書云：孝于惟孝，友于兄弟，聖之至要也。乾乾夕惕，寅畏皇天，帝王之上行也。明德慎罰，湯文所務也。密靜天下，容於小大，高宗之極致也。肅宗兼茲四德，以繼祖考，羣下百餘，力誦聖德，紀述明詔，不能辯章，豈敢空言增廣，以累日月之光。棟案：孝于惟孝，古文論語文也。俗作孝乎，屬上讀。古文易曰：君子終日乾乾，夕惕若夤，厲无咎。許慎曰：夤，敬也。故云乾乾夕惕。寅畏皇天，今俗本亦脫夤字。今文尙書無逸，述高宗曰：密靜股邦，至于大小，無時或怨。汪文臺曰：御覽九十一引袁山松書云：孝章皇帝，宏裕有餘，明斷不足，閹房譏惑，外戚擅寵，惜乎若明章二主，損有餘而補不足，則古之賢君矣。又薛瑩書云：章帝以繼世承平，天下無事，敬奉神明，友于兄弟，息省徭賦，綏靜兆民，除苛法，蠲禁錮，抑有仁賢之風矣。是以陰陽協和，而百姓安樂，衆瑞並集，不可勝載。考之圖籍，有徽云爾。

贊曰：肅宗濟濟，天性愷悌，於穆后德，諒惟淵體。

於穆，歎美也。尙書曰：齊聖廣淵也。

左右藝文，斟酌律禮。

藝文，謂諸儒講五經同異，帝親稱制論決也。律

謂詔云：立春不以報囚也。禮，謂修禘禘，登靈臺之屬。

思服帝道，弘此長懋，儒館獻歌，戎亭虛候。

獻歌，謂嶺巖游大學時上四巡等頌。

氣調時豫，憲平人富。

後漢書集解卷三按補

章帝紀詩不云乎不愆不忘率由舊章注鄭玄云

官本鄭玄下有注字

詔征西將軍耿秉屯酒泉注因名酒泉也

官本也作焉酒泉今肅州治

劬勞日景

景官本作吳說文廂日在西方時側也从日仄聲易曰日廂之離臣鉉等曰今俗別作吳非是案今易廂作昃海篇昃亦作吳而發無可考蓋又吳之譌變皆廂俗體

閒祀悉還更衣注園中有寢有便殿寢者陵上正殿便殿寢側之別殿即更衣也

錢大昭曰惠士奇云東京廟制異室同堂合祭於堂

是為正殿閒祀於室是為便殿便殿為更衣則閒祀非正祭矣西京舊制日祭於寢月祭於廟時祭於便殿寢日四上食廟歲二十五祠便殿歲四祠則便殿乃時祭也與東京不同而閒祀皆於寢寢諸儒以為非禮而罷之

詔三州郡國

錢大昭曰三州兗豫徐也

小吏豪右得容姦妄注有斗食佐吏之秩

吏官本作史是

武陵澧中蠻叛注水經曰澧水出武陵充縣西歷山之北也

案水經澧水原作出武陵充縣西歷山東過其縣南又東過零陽縣之北章懷引作歷山之北誤也武陵郡今

常德府武陵縣西充縣今澧州安福縣

夏五月辛酉初舉孝廉郎中官本辛酉作辛卯

罷常山呼沱石臼河漕注石臼河名也在今定州唐縣東北唐縣今保定府唐縣南八里

西域假司馬班超擊姑墨侯康曰據本傳當作軍司馬此與下五年均誤

春秋書無麥苗重之也注不書穀案公羊注原作不書穀名此脫名字便失文義

飲酎高廟禘祭光武皇帝孝明皇帝注名曰酎者言醇也官本作名曰酎酎者言醇也

岐山得銅器形似酒罇獻之集解惠棟曰至以為百官熱酒案聚珍本東觀記原作美陽得銅酒罇采色青黃有古文此作岐山得者前書地里志右扶風美陽禹貢

岐山在西北續志美陽有岐山蓋記著其縣此詳其地也

三月辛卯葬東平憲王錢大昭曰辛卯傳作己卯

宗祀五帝于汶上明堂。集解。惠棟曰。水經注。至或別有據也。

案於汶上三字在城門二字上各本皆誤倒聚珍本據永樂大典正侯康曰詳是時耿秉為執金吾耿恭

乃耿秉之誤

其二王之後注。公羊傳曰。存二王之後。所以通三正也。

侯康曰公羊傳無此文乃
隱二年注文正原作統

進幸濟南。集解。此在漢為濟南都尉治也。

故城今濟南府歷
城縣東七十五里

徙江陵王恭為六安王。集解。官本考證曰。

至

存以備考。

周壽昌曰徙廣平王羨為西平王已見上建初七年六月與羨本傳合不應此又書徙何校誤增不足存

律。十二月立春。不日報囚。集解。竊理罪人也。

案六字緣說文竊與報連文誤衍

日為王者生殺。宜順時氣。其定律無日。十一月。十二月報囚。

錢大昭曰漢舊事斷獄報重常盡三冬之月帝始改用冬初十月見陳寵傳

詔鳳皇黃龍所見亭部。無出二年租賦。注。東觀記。鳳皇見肥城句廡亭槐樹上。

鳳皇官本作黃龍與聚珍本東觀記原文合惟句廡亭記

作廡亭無句字

有中和之教。注。鄉司徒。官本注作大司徒是。

遂望祀華霍。注。華霍山名也。至霍山為南嶽。案注文首末均華霍並舉而中間十二字單說霍山今上當有脫誤。濠縣在今六安州霍山縣東北三十里。

底績遠圖。官本文注。底均作底。

遣使者祠北嶽。出長城。注。史記。蒙恬為秦築長城。西自臨洮。東至海。通鑑胡注。此非秦長城。乃趙所築長城也。

幸安邑。觀鹽池。注。許慎云。至今蒲州虞鄉縣西。案續志劉注引楊佺期洛陽記。作長七十里。廣七里。水經注。即山海經所謂鹽販之澤也。

鮮卑擊破北單于。名優留單于。見南匈奴傳。

月氏國遣使獻扶拔。師子集解。惠棟曰。至作符拔。錢大昭曰。月氏疑當作安息。西域傳。安息國。章和元年遣使獻師子符拔。大月氏國不載其事。

郡所上符瑞。合於圖書者。數百千所。侯康曰。東觀記。章帝時。鳳皇見百三十九。麒麟五十二。白虎二十九。黃龍三十四。青龍。黃鵠。鸞鳥。神馬。神雀。九尾狐。三足鳥。赤鳥。白兔。白鹿。白燕。白鶴。甘露。嘉瓜。秬。秠。明。

珠。芝英。華萃。朱草。連理。寶日。月不絕。載于史官。不可勝紀。

孝和孝殤帝紀第四

後漢書四

宋宣城太守范曄撰

唐章懷太子賢注

王先謙集解

孝和皇帝諱肇。謚法曰不剛不柔曰和。伏侯古今注曰肇之字曰始。肇音兆。臣賢案許慎說文肇音大可反。上諱也。但伏侯許慎

切乃後人所增益。章懷以為說文有音者非也。今本說文用孫愐唐韻切音。讀肇為直小切與兆音同。不知何以有大可切之音疑即直小兩字之譌。

肅宗第四子也。母梁貴人。為竇皇后所譖。

憂卒。竇后養帝。曰為己子。建初七年立為皇太子。〔集解〕惠棟曰東觀記上幼岐嶷。至總角孝順聰明。寬和篤仁。孝章由是深珍之。以為宜承天位。年四歲以皇子立為太子。初治尚書。遂

兼覽書傳。好古樂道。無所不照。

章和二年二月壬辰。即皇帝位。年十歲。尊皇后曰皇太后。太后臨朝。三月丁酉。改淮陽為

陳國。今陳州〔集解〕先謙曰今陳州府。

楚郡為彭城國。今徐州〔集解〕先謙曰今徐州府。

西平并汝南郡。西平縣故柏子國也。在今豫州吳房縣西北〔集解〕先謙曰今汝甯府西平縣西。

六安復為廬江郡。即今廬州廬江縣。西故舒城是〔集解〕先謙曰六安今六安州廬江郡。今廬州府。

遺詔徙西平王羨為陳王。六安王恭為彭城王。癸

卯葬孝章皇帝于敬陵。

在洛陽城東南三十九里。古今注曰：陵周三百步，高六丈二尺。

庚戌，皇太后詔曰：先帝眚明聖，奉承祖宗，至德要道。

天下清靜，庶事咸寧。今皇帝眚幼年，禁禁在疚。

疚，病也。熒熒然在憂病之中也。或作嫺。詩周頌云：嫺嫺在疚。

朕且佐助聽政，外有大國賢

王，竝為藩屏。內有公卿大夫，統理本朝。恭己受成，夫何憂哉。

孔子曰：舜何為哉？恭己正南面而已。尚書曰：予小子垂拱仰成。

然守文之際，必

有內輔。眚參聽斷侍中憲，朕之元兄，行能兼備，忠孝尤篤。先帝所器，親受遺詔，當眚舊典，輔斯職焉。憲

固執謙讓，節不可奪。今供養兩宮。

兩宮謂帝宮、太后宮。

宿衛左右，厥事已重，亦不可復勞。眚政事故，太尉鄧彪、元

功之族，三讓彌高。

元功謂高密侯禹也。彪父都中興初有功，封鄆侯。父卒，彪讓國異母弟鳳。論語孔子曰：泰伯三以天下讓，民無得而稱焉。鄭玄注云：泰伯，周太王之長子，欲讓其弟季歷。太王有疾，太伯因適吳，越採藥，太王薨而不返。

季歷為喪主，一讓也。季歷赴之，不來奔喪，二讓也。終喪之後，遂斷髮文身，三讓也。彪讓封弟，故以比之。鄙音莫杏反。

海內歸仁，為羣賢首。先帝褒表，欲眚崇化。今彪聰明康強，

可謂老成黃耆矣。

老成，言老而有成德也。詩大雅曰：雖無老成人，黃髮落更生。黃耆者，耆亦老也。詩序曰：外尊事黃耆。

其眚彪為大傅，賜爵關內侯，錄尚書事。百官

總已呂聽。

古者君在諒闇，百官總已之職事。以聽子家事，錄尚書事，則家事之任也。

朕庶幾得專心內位，於戲羣公，其勉率百僚，各修厥職，愛養

元元綏呂中和稱朕意焉辛酉有司上奏孝章皇帝

〔集解〕惠棟曰：崔駰諡議云：臣聞號者功之表，謚者行之跡。據德祿功，各當其實。孝經曰：天地明察，神明章矣。唐書數堯之德。

曰：平章百姓，言天之常德也。詩曰：雖琢其章，金玉其相。襄豐文王綱紀四方。又曰：倬彼雲漢，爲章于天。喻文王聖德有金玉之質，猶雲漢之天也。舉表析義，四方附矣。易曰：先天而天不違，後天而奉天時。臣愚以爲宜上尊號曰章。

崇弘鴻業，德

化普治，垂意黎民，留念稼穡，文加殊俗，武暢方表，界惟人面。

〔集解〕先謙曰：官本界作戒。

無思不服，巍巍蕩蕩，莫與比

隆。巍巍乎其有成功，蕩蕩乎人無能名焉。孔子美帝堯之詞，見論語。

周頌曰：於穆清廟，肅雝顯相。

清廟，文王廟也。於穆，歎美之詞。言助祭者禮儀敬且和也。

請上尊廟曰肅宗。

共進武德之舞，制曰可。癸亥，陳王羨，彭城王恭，樂成王黨，下邳王衍，梁王暢，始就國。

建初三年，章帝不忍與諸王乖離，皆留京師。今

遣之

夏四月丙子，謁高廟。丁丑，謁世祖廟。戊寅，詔曰：昔孝武皇帝致誅吳越。

〔集解〕先謙曰：官本吳作胡是。

故權收鹽鐵

之利。武帝使孔僅、東郭咸陽乘傳舉行天下鹽鐵，作官府收利，私家更不得鑄鐵煮鹽。

呂奉師旅之費，自中興呂來，匈奴未賓，永平末年復修征伐，先

帝卽位，務休力役，然猶深思遠慮，安不忘危，探觀舊典，復收鹽鐵，欲呂防備不虞，寧安邊境，而吏多不

良，動失其便，呂違上意，先帝恨之，故遺戒郡國罷鹽鐵之禁，縱民煮鑄，入稅縣官，如故事。

前書音義曰：縣官，謂天子。

申敕刺史二千石奉順聖旨勉弘德化布告天下使明知朕意五月京師旱詔長樂少府桓郁侍講禁

中長樂宮之少府也桓郁榮子也

冬十月乙亥呂侍中竇憲為車騎將軍伐北匈奴安息國遣使獻師子扶拔

扶拔解見章紀

永元元年春三月甲辰初令郎官詔除者得占丞尉呂比秩為真

漢官儀曰羽林郎出補三百石丞尉自占丞尉小縣丞尉三百石其次四百石比秩為真皆所

以優之〔集解〕劉攽曰案文云丞尉小縣三百石其次四百石已足不當更有丞尉字

夏六月車騎將軍竇憲出雞鹿塞

今在朔方靈渾縣北關闕十三州志云靈渾縣有大道西北出雞鹿塞靈音羊主反

〔集解〕先謙曰前書朔方郡靈渾縣有道西北出雞鹿塞雞鹿塞亦見匈奴傳紀要在故夏州西北

度遼將軍鄧鴻出桐陽塞

桐陽縣屬九原郡故城在今勝州銀城縣界桐音固〔集解〕先謙曰前志作桐即魏固陽也魏

世家惠王築長城塞固陽正義築長城自鄭濱洛北達銀州至勝州固陽縣為塞

南單于出滿夷谷

滿夷谷關〔集解〕惠棟曰滿一作滿胡注在美稷縣西北

與北匈奴戰于稽落山

〔集解〕

惠棟曰胡注唐太宗以斛薩部地置稽落州蓋因山以名之

大破之追至和渠北鞬海

〔集解〕何焯曰竇憲傳及通鑑皆作私渠比鞬海惠棟曰當從憲傳

竇憲遂登燕然山

〔集解〕

惠棟曰前書匈奴傳貳師引兵還至速邪烏燕然山師古曰速邪烏地名也燕然山在其中燕音千一反

刻石勒功而還北單于遣弟右溫禺鞬王

鞬音丁兮反

奉奏貢獻

秋七月乙未會稽山崩

〔集解〕惠棟曰續志會稽南方大名山也是時竇太后攝政兄憲專權

閏月丙子詔曰匈奴背叛為害久遠賴祖宗之靈

師克有捷，醜虜破碎，遂掃厥庭。

詩曰：仍執醜虜庭。謂單于所常居也。

役不再籍。

猶言不籍再舉。〔集解〕先謙曰：籍藉古通用。

萬里清蕩，非朕小子眇

身所能克堪。有司其案舊典，告類薦功。呂章休烈。

類，祭天也。書曰：類于上帝。薦進也。以功進告于天。

九月庚申，呂車騎將軍竇憲為

大將軍，呂中郎將劉尚為車騎將軍。冬十月，令郡國弛刑輸作軍營，其徙出塞者，

〔集解〕劉敞曰：案遷徙者不可投之塞外，明此徙字

是從刑雖未竟，皆免歸田里。庚子，阜陵王延薨，是歲郡國九大水。

二年春正月丁丑，大赦天下。二月壬午，日有食之。

東觀記曰：史官不覺，涿郡言之。〔集解〕惠棟曰：續志在奎八度。

己亥，復置西河上郡屬國。

都尉官。

前書：西河郡美稷縣，上郡龜茲縣，並有屬國都尉，其秩比二千石。十三州志曰：典屬國武帝置，掌納匈奴降者也。哀帝省并大鴻臚，故今復置之。〔集解〕何焯曰：光武紀建武六年罷郡國都尉官，故屬國都尉亦省。此復置之，與典屬國何異。

夏五月庚戌，分太山為濟北國，分樂成、涿郡勃海為河間國。丙辰，封皇弟壽為濟北王，開為河間王，淑

為城陽王，紹封故淮陽王昞子側為常山王，賜公卿呂下至佐史錢布各有差。己未，遣副校尉閻襲

〔集解〕惠棟曰：依竇憲傳及西域傳，皆作閻襲，此作襲，蓋襲字之訛。

討北匈奴，取伊吾廬地。

〔集解〕惠棟曰：胡注：西域傳，章帝建初元年罷伊吾屯田，北匈奴遣兵守其地，今復擊取之。

丁卯，紹封故

齊王晃子無忌為齊王。北海王睦子威為北海王。車師前後王竝遣子入侍。

車師有後王。前王。前王即後王之。其庭相去五百里。

月

氏國遣兵攻西域長史班超。超擊降之。六月辛卯。中山王焉薨。秋七月乙卯。大將軍竇憲出屯涼州。九

月。北匈奴遣使稱臣。冬十月。遣行中郎將班固報命南單于。遣左谷蠡王師子

左谷蠡。匈奴王號。師子。名也。谷音鹿。蠡音離。

出

雞鹿塞。擊北匈奴於河雲北。大破之。

三年春正月甲子。皇帝加元服。

元。首也。謂加冠於首。儀禮。冠者先筮。日。後筮。賓。東觀記曰。時太后詔袁安為賓。賜束帛乘馬。〔集解〕惠棟曰。杜佑案。黃香集。和帝冠。乘金根車。駕六元虬。至廟成禮。乃回軫反宮。朝服以

饗宴。撞太孫之庭鐘。成獻壽焉。

賜諸侯王公將軍特進。

漢官儀曰。諸侯功德優盛。朝廷所敬異者。賜位特進。在三公下。

中二千石。列侯。宗室子孫在京師奉朝

請者黃金。

奉朝請無員。三公。外戚。宗室。諸侯。多奉朝請。漢律。春曰朝。秋曰請。

將大夫郎吏從官帛。

將。謂五官及左右郎將也。大夫。謂光祿。太中。中散。諫議大夫也。十三州志曰。大夫皆掌顧問。應對言議。夫之言

扶也。言能扶持君父也。

賜民爵及粟帛各有差。大酺五日。郡國中。都官繫囚死罪贖。至司寇及亡命。各有差。庚辰。

賜京師民酺布。兩戶其一匹。二月。大將軍竇憲遣左校尉耿种出居延塞。

居延縣屬張掖郡。居延澤在東北。武帝使伏波將軍路博德築遮虜障於

居延城〔集解〕先謙曰紀要在今甘州府西北千二百里陳澧云居延澤卽尙書流沙今蒙古額濟納舊土爾扈特索博鄂模

圍北單于於金微山大破之獲其母閼氏

閼氏匈奴后之號也音焉

支夏六月辛卯尊太后母比陽公主

東海恭王彌女〔集解〕先謙曰官本太后上有皇字

爲長公主辛丑阜陵王种薨

阜陵王延之子〔集解〕錢大昕曰光武

十王傳作冲說文無神字卽冲也

冬十月癸未行幸長安詔曰北狄破滅名王仍降

仍類也

西域諸國納質內附豈非祖宗

迪哲重光之鴻烈歟

迪蹈也言由祖宗蹈履明智有重光累聖之德成此大業也書曰茲四人迪哲又曰宣重光也

寤寐歎息想望舊京其賜行所過二千石

長吏已下及三老官屬錢帛各有差繆寡孤獨篤瘡貧不能自存者粟人三斛十一月癸卯祠高廟遂

有事十一陵詔曰高祖功臣蕭曹爲首有傳世不絕之義曹相國後容城侯無嗣

〔集解〕錢大昕曰顧潛云此詔蕭曹並舉而獨云曹

相國後無嗣則鄧侯有後矣今據前書功臣表鄧侯九世孫禹王莽建國元年更爲蕭鄉侯莽敗絕而平陽侯十世孫宏光武建武二年以舉兵佐軍紹封傳子曠表云今見則孟堅修史時尙存也此與詔正相反未知其審子按章彪傳亦云建初七年詔求蕭何後封何末孫熊爲鄧侯建初二年已封曹參後曹湛爲平陽侯故不及焉則曹之有後審矣而一云建武所封一云建初所封其名又復互異且班表章傳皆云平陽侯而此詔稱容成侯皆事之可疑者也朕望長陵東門見二臣之

壠東觀記曰蕭何墓在長陵東門馬門道北百步廟記云曹參冢在長陵旁道北近蕭何冢循其遠節每有感焉忠義獲寵古今所同可遣使者呂中牢祠大

鴻臚求近親宜為副者。須景風紹封。呂章厥功。

續漢志曰。大鴻臚掌封拜諸侯及其嗣。春秋考異郵曰。夏至四十五日。景風至。則封其有功也。〔集解〕惠棟曰。自虎通德論云。封諸侯以夏何。

陽氣盛養。故封諸侯。盛養賢也。先謙曰。官本注。封下無其字。

十二月。復置西域都護騎都尉。戊己校尉官。

〔集解〕劉攽曰。案西域傳。此時但置戊校尉。多一己字。

庚辰。至

自長安。減弛刑徒從駕者刑五月。

四年春正月。北匈奴右谷蠡王於除鞬自立為單于。款塞乞降。

於除鞬其名也。鞬音九言反。

遣大將軍左校尉耿夔授

璽綬。

東觀記曰。賜玉貝劍。羽蓋車。一駟。中郎將持節衛護焉。

三月癸丑。司徒袁安薨。閏月丁丑。太常丁鴻為司徒。夏四月丙辰。大將軍

竇憲還至京師。六月戊戌朔。日有食之。

〔集解〕惠棟曰。續志在七星二度。又曰。行近軒轅。在左角。為太后。是月太后兄弟憲等自殺。

丙辰。郡國十三地震。

〔集解〕

惠棟曰。春秋漢含孳云。女子盛。臣制命。則地動。拆畔震。起山崩。淪。是時竇太后攝政。兄憲專權。將以是受禍也。

竇憲潛圖弑逆。庚申幸北宮。詔收捕憲黨射聲校尉郭璜。郭況

子也。東觀記曰。璜作理音同。

璜子侍中舉。

〔集解〕錢大昕曰。天文志。郭舉為侍中射聲校尉。舉父璜。長樂少府。〔皇后紀〕竇憲傳亦同。紀似誤。

衛尉鄧疊。疊弟步兵校尉磊。皆下

獄死。使謁者僕射

續漢書曰。謁者僕射一人。秩千石。為謁者臺率。主謁者天子出奉引也。

收憲大將軍印綬。遣憲及弟篤景就國。到皆自殺。是夏。

旱蝗。秋七月己丑。太尉宋由坐黨憲自殺。八月辛亥。司空任隗薨。任光子也。癸丑。大司農尹睦爲太尉。錄尙

書事。錄謂總領之也。錄尙書自卒融始也。丁巳。賜公卿呂下至佐史錢穀各有差。冬十月己亥。宗正劉方爲司空。十二月壬

辰。詔今年郡國秋稼爲旱蝗所傷。其什四。呂上。勿收田租芻藁。有不滿者。呂實除之。所損十不滿四者。以見損除也。〔集解〕惠棟曰。

鄭元周禮注。斂法。豐年從正。凶荒則損。若今十傷二三。實除減半。賈公彥曰。漢時十分之內傷二分三分。餘有七分八分在。實除減半者。謂就七分八分爲實在。乃減去半不稅。於半內稅之。以凶荒所優饒民法也。武陵零陵禮中蠻

叛。燒當羌寇金城。

五年春正月乙亥。宗祀五帝於明堂。遂登靈臺。望雲物。大赦天下。戊子。千乘王伉薨。辛卯。封皇弟萬歲

爲廣宗王。廣宗。縣名。今貝州宗城縣。隋煬帝諱廣。故改爲宗城。〔集解〕惠棟曰。水經注。皇太子萬年。廣宗屬鉅鹿郡。先謙曰。在今廣平府威縣東南。縣志。二十里。故宗城。二月戊戌。詔有司省減內外

廩及涼州諸苑馬。說文曰。廩。馬舍也。漢官儀曰。未央大殿。長樂。承華等廩。令皆秩六。百石。又云。牧師諸苑三十六所。分置西北邊。分養馬三十萬頭。自京師離宮果園。上林廣成圃。

悉。呂假貧民。恣得采捕。不收其稅。丁未。詔曰。去年秋麥入少。恐民食不足。其上尤貧。不能自給者。戶口

人數往者郡國上貧民。呂衣履釜鬻爲貨。而豪右得其饒利。

鬻音尋。方言曰。鬻自關而東謂之鬻。貧人既計釜鬻。以爲資財。懼於役重。多即賣之。以避科稅。豪富之家。

乘賤買。故得其饒利。詔書實覈。說文云。覈。考實事也。

欲有呂益之。而長吏不能躬親。反更徵召會聚。令失農作。愁擾百姓。若復

有犯者。二千石先坐。甲寅。太傅鄧彪薨。戊午。隴西地震。

〔集解〕惠棟曰。續志。儒說。民安土者也。將大動行大震也。九月於除難。韃叛也。

三月戊子。詔曰。

選舉良才。爲政之本。科別行能。必由鄉曲。

周禮。鄉大夫掌其鄉之政教。考其德。行。察其道藝。三年而舉賢能者於王。

而郡國舉吏。不加簡擇。故先帝

明敕在所。令試之。呂職。乃得充選。

漢官儀曰。建初八年十二月己未。詔書辟士四科。一曰德行高妙。志節清白。二曰經明行修。能任博士。三曰明曉法律。足以決疑。能案章覆問。文任御史。四曰剛毅多略。遭事不惑。

明足照姦。勇足決斷。才任三輔令。皆存孝悌清公之行。自今以後。審四科辟召。及刺史二千石察舉茂才。尤異孝廉。吏務實校試以職。有非其人。不習曹事。正舉者。故不以實法。〔集解〕先謙曰。官本注。一曰。上有其字。文作才。末有也字。

又德行尤

異。不須經職者。別署狀上。而宣布。呂來。出入九年。二千石曾不承奉。恣心從好。司隸刺史。訖無糾察。

訖。竟也。

今新蒙敕令。且復申敕。後有犯者。顯明其罰。在位不呂。選舉爲夢。督察不呂。發覺爲負。

負亦憂也。

非獨州

郡也。是呂庶官多非其人。下民被姦邪之傷。由法不行故也。庚寅。遣使者分行貧民。舉實流宄。

宄。散也。流散者。

舉案其實。開倉賑粟二十餘郡。夏四月壬子，封阜陵王种兄魴爲阜陵王。种無嗣，故以魴襲也。六月丁酉，郡國三雨

雹。東觀記曰：大如雁子。秋九月辛酉，廣宗王萬歲薨，無子。國除，匈奴單于於除鞬叛。〔集解〕何焯曰：匈奴上當有北字。惠棟曰：續志作於除難鞬，無北字。遣

中郎將任尙討滅之。壬午，令郡縣勸民蓄蔬食，日助五穀。蓋積也。其官有陂池，令得采取，勿收假稅二歲。

假猶租貸。冬十月辛未，太尉尹睦薨。漢官儀曰：睦字伯師，鞏人。十一月乙丑，太僕張酺爲太尉。是歲，武陵郡兵破叛蠻，降

之。護羌校尉貫友討燒當羌，羌乃遁去。南單于安國叛，骨都侯喜斬之。〔集解〕惠棟曰：通鑑以爲永平六年事，據南單于傳亦屬五年，通鑑誤也。

六年春正月，永昌徼外夷遣使譯獻犀牛大象。己卯，司徒丁鴻薨。二月乙未，遣謁者分行稟貸三河、兗

冀、青州貧民，許侯馬光自殺。東觀記曰：光前坐黨附竇憲歸國，爲憲客奴所誣告乃自殺。丁未，司空劉方爲司徒。太常張奮爲司空。三月

庚寅，詔流民所過郡國，皆實粟之。其有販賣者，勿出租稅。漢循周法，商賈有稅。流人販賣，故矜免之。又欲就賤還歸者，復一歲

田租更賦。復音福。丙寅，詔曰：朕眚眇末，奉承鴻烈，陰陽不和，水旱違度，濟河之域，凶饑流亡。尙書曰：濟河惟兗州，言東南據

濟西北距河

而未獲忠言至謀所旨匡救之策寤寐永歎用思孔疚

孔甚也疚病也詩云憂心孔疚

惟官人不得於上黎民不

安於下有司不念寬和而競爲苛刻覆案不急呂妨民事

不急謂非要集解惠棟曰漢律四篇有告劾傳捕覆案也見陳羣新律人所告也劾爲人所劾也傳傳捕覆案也

序不急謂細故也

甚非所旨上當天心下濟元元也思得忠良之士呂輔朕之不逮其令三公中二千石二千

石內郡守相舉賢良方正能直言極諫之士各一人

集解惠棟曰杜佑云漢諸帝凡日食地震山崩川竭天地大變皆詔天下郡國舉賢良方正極言直諫之士率以爲常

昭

巖穴披幽隱遣詣公車

前書音義曰公車署名也公車所在故以名焉漢官儀曰公車令一人秩六百石掌殿門諸上書詣闕下者皆集奏之凡所徵召亦總領之

朕將悉聽焉帝乃親臨

策問選補郎吏夏四月蜀郡徵外羌率種人遣使內附五月城陽王淑薨無子國除

章帝子也

六月己酉初

令伏閉盡日

漢官舊儀曰伏日萬鬼行故盡日閉不干它事

秋七月京師旱詔中都官徒各除半刑謫其未竟五月己下皆免遣

丁巳幸洛陽寺

寺官舍也風俗通云寺嗣也理事之吏嗣續於其中

錄囚徒舉冤獄收洛陽令下獄抵罪司隸校尉河南尹皆左降未

及還宮而澍雨西域都護班超大破焉耆尉黎斬其王

集解先謙曰官本黎作黎

自是西域降服納質者五十餘國

南單于安國從弟子逢侯，率叛胡亡出塞。九月癸丑，日光祿勳鄧鴻行車騎將軍事，與越騎校尉馮柱

行度遼將軍朱徽。

〔集解〕劉放曰：案文少一事字。

使匈奴中郎將杜崇討之。冬十一月，護烏桓校尉任尙，率烏桓、鮮卑、大

破逢侯。

關關十三州志曰：護烏桓擁節，秩比二千石。武帝置，以護內附烏桓。既而并於匈奴中郎將，中興初，班彪上言宜復此官，以招附東胡，乃復更置焉。

馮柱遣兵追擊復之。

〔集解〕劉放曰：案文少一破字。詔

呂勃海郡屬冀州，武陵漢中蠻叛，郡兵討平之。

七年春正月，行車騎將軍鄧鴻。

〔集解〕劉放曰：案文亦少一事字。

度遼將軍朱徽，中郎將杜崇皆下獄死。

時南單于安國與崇不相平，乃上書告崇。

崇令斷其章，緣此驚叛。安國卒見殺，帝後知之，皆徵下獄。

夏四月辛亥朔，日有食之。

〔集解〕惠棟曰：續志在鸞臚，為葆旅，主收斂，儒說葆旅，宮中之象，收斂，食妒之象。明年三月陰后立，鄧貴人有寵，陰后妒忌之，後遂廢。

帝引見公卿，問得失，令將大夫、御史、謁者、博士、議郎、郎官會廷中，各言封事。

十三州志曰：侍御史、周官，即柱下史。秩六百石，掌注記言行糾諸不

法員十五人，出有所案，則稱使者焉。謁者，秦官也。員七十人，皆選孝廉年未五十曉解價贖者。歲盡拜縣令、長史及都官府丞、長史、博士、秦官，博通古今，秩皆六百石。孝武初置五經博士，後稍增至十四員，取聰明威重一人為祭酒，上領焉。議郎，郎官，皆秦官也。完無所掌，秩六百石，或四百石。〔集解〕劉放曰：注歲盡拜縣令、長史及都官府丞、長史，案文多一史字。若是王國長史，則當并守承言之，明此但是令長耳。下文又自有長史也。

詔曰：元首不明，化流無良，政失於民。

謫見于天。謫，譴也。責也。禮曰：陽事不得謫見于天，日為之食。深惟庶事，五教在寬，是呂舊典，因孝廉之舉，呂求其人。武帝元光元年，董仲舒初開其議，詔

郡國舉孝廉各一人，有司詳選郎官，寬博有謀，才任典城者三十人。任，堪也。音仁林反。既而悉呂所選郎，出補長相。長，縣長。相，侯相也。十

三州志云：縣為侯邑，則令長為相，秩隨令長本秩。五月辛卯，改千乘國為樂安國。千乘故城，在今淄州高苑縣北。樂安故城，在今青州博昌縣南。〔集解〕先謙曰：前漢封李蔡為樂安侯，表在博昌，後置縣屬千

乘郡，後漢屬樂安國，今青州府博興縣南是。六月丙寅，沛王定薨。秋七月乙巳，易陽地裂。易陽縣在易水之陽，今易州也。〔集解〕惠棟曰：續志京房易傳曰：地裂者，臣下分離，不肯相從也。是

時南單于衆乖離，漢軍進討。九月癸卯，京師地震。〔集解〕惠棟曰：續志儒說，奄官無陽，猶婦人也。是時帝幸中常侍鄭衆、蔡倫二人，始用權也。

八年春二月己丑，立貴人陰氏為皇后，賜天下男子爵人二級，三老孝悌力田三級，民無名數及流民

欲占者一級，鰥寡孤獨篤癯貧不能自存者粟人五斛。夏四月癸亥，樂成王黨薨。甲子，詔賑貸并州四

郡貧民。五月，河內陳留蝗，南匈奴右溫禺犢王叛為寇。秋七月，行度遼將軍龐參。〔集解〕劉放曰：亦少一事，字九年，行征西將軍劉尚

同。下亦越騎校尉馮柱追討之，斬右溫禺犢王，車師後王叛，擊其前王。八月辛酉，飲酎，詔郡國中都官繁

囚滅死一等。詣敦煌戍。其犯大逆。募下蠶室。其女子宮。自死罪已下。至司寇及亡命者。入贖各有差。九

月。京師蝗。吏民言事者多歸責有司。詔曰。蝗蟲之異。殆不虛生。禮記月令曰。孟夏行春令。則蝗蟲爲災。萬方有

罪。在子一人。而言事者專咎自下。非助我者也。朕寤寐惘矜。思弭憂釁。尚書曰。惘矜乃身。孔安國注曰。惘痛也。矜病也。言如痛病在身。欲除之也。矜音

古頑反。集解。惠棟曰。矜與療同。昔楚嚴無災而懼。解見明紀。成王出郊而反風。成王疑周公。天乃大風。禾則盡偃。王乃出郊祭天。乃反風起。禾事見尚書。將何呂匡朕不

逮。呂塞災變。百僚師尹。勉修厥職。刺史二千石。詳刑辟。理冤虐。恤鰥寡。矜孤弱。思惟致災興蝗之咎。庚

子。復置廣陽郡。高帝時燕國也。昭帝元鳳元年。爲廣陽郡。宣帝本始元年。更爲國也。集解。先謙曰。建武十三年。併入上谷郡。今復置。冬十月乙丑。北海王威有罪。自殺。北海郡今

青州縣。集解。先謙曰。在今青州昌樂縣西北十里。十二月辛亥。陳王羨薨。丁巳。南宮宣室殿火。集解。惠棟曰。續志。是時和帝幸北宮。竇太后在南宮。明年太后崩也。

九年春正月。永昌徼外蠻夷及掸國重譯奉貢。擲音擅。東觀記作擅。俗本以禪字相類。或作禪者。誤也。說文曰。譯傳四夷之語也。集解。先謙曰。官本注譯下有所以二字。三月

庚辰。隴西地震。癸巳。濟南王康薨。西域長史王林擊車師。後王斬之。夏四月丁卯。封樂成王黨子巡爲

樂成王。六月蝗旱。戊辰。詔今年秋稼爲蝗蟲所傷。皆勿收租。更芻橐。若有所損失。呂實除之。餘當收租

者。亦半入。其山林饒利。陂池漁採。呂贍元元。勿收假稅。秋七月。蝗蟲飛過京師。八月。鮮卑寇肥如。肥如縣屬

遼西郡。前書音義曰。肥子奔燕。封於此。今平州也。〔集解〕先謙曰。在今永平府盧龍縣北。遼東太守祭參下獄死。東觀記曰。鮮卑千餘騎攻肥如城。殺略吏人。祭參坐沮敗下獄誅。閏月辛巳。皇太

后竇氏崩。丙申。葬章德皇后。燒當羌寇隴西。殺長吏。遣行征西將軍劉尚。越騎校尉趙世等討破之。

〔集解〕錢大昕曰。西羌傳作趙代。蓋章懷避唐諱。改之。趙嘉傳亦作代。此紀作世。又唐以後人回改。九月庚申。司徒劉方策免。自殺。甲子。追尊皇妣梁貴人爲皇太

后。冬十月乙酉。改葬恭懷梁皇后于西陵。諡法曰。正德美容曰恭。執義揚善曰懷。東觀記曰。改殯承光宮儀比敬園。初后葬有闕。竇后崩後。乃議改葬。十一月癸卯。光

祿勳河南呂蓋爲司徒。蓋字君王。宛陵人也。十二月丙寅。司空張奮罷。壬申。太僕韓稜爲司空。己丑。復置若盧獄官。

前書曰。若盧獄屬少府。漢舊儀曰。主鞠將相大臣也。

十年春三月壬戌。詔曰。隄防溝渠。所由順助地理。通利壅塞。禮記月令曰。季春之月。修利隄防。導達溝瀆。開通道路。無有障塞。今廢慢懈弛。

禮記月令曰。季春之月。修利隄防。導達溝瀆。開通道路。無有障塞。

不目爲負。刺史二千石。其隨宜疏導。勿因緣妄發。目爲煩擾。將顯行其罰。夏五月。京師大水。東觀記曰。京師大雨。南山

水流出至東郊。壞人廬舍。秋七月己巳。司空韓稜薨。八月丙子。大常大山巢堪爲司空。堪字次郎。太山南城人。九月庚戌。復置廩

犧官。漢官儀曰。廩犧令一人。秩六百石也。冬十月。五州雨水。十二月。燒當羌豪迷唐等率種人詣闕貢獻。戊寅。梁王暢薨。

十一年春二月。遣使循行郡國。稟貸被災害不能自存者。令得漁采山林池澤。不收假稅。丙午。詔郡國

中都官徒及篤癯老小女徒。各除半刑。其未竟三月者。皆免歸田里。夏四月丙寅。大赦天下。〔集解〕惠棟曰。崔寔大赦

賦云。惟漢之十一年。四月大赦。滌惡。弄穢。與海內更始。豐豐乎思隆平之進也。己巳。復置右校尉官。東觀記曰。置在西河鵠澤縣。〔集解〕錢大昕曰。郡國志無鵠澤縣。蓋後漢并省。據此紀。則和帝時尙未省也。秋七月

辛卯。詔曰。吏民躐僭。厚死傷生。是目舊令節之制度。頃者貴戚近親。百僚師尹。莫肯率從。有司不舉。怠

放日甚。又商賈小民。或忘法禁。奇巧靡貨。流積公行。其在位犯者。當先舉正。市道小民。但且申明憲綱。

勿因科令。加虐羸弱。

十二年春二月。旄牛徼外白狼獠薄夷率種人內屬。

關隴十三州志曰。旄牛縣屬蜀郡。前書曰。旄牛所出。歲貢其尾。以爲節旄。集解。惠棟曰。續志。蜀郡旄牛徼外夷白狼獠薄種。

王唐繒等率種人口十七萬。歸義內屬。賜金印紫綬錢帛。

詔貸被災諸郡民種糧。賜下貧鰥寡孤獨不能自存者及郡國流民。聽入陂池

漁采。呂助蔬食。三月丙申。詔曰。比年不登。百姓虛匱。

匱乏也。

京師去冬無宿雪。

以其經冬。故言宿也。

今春無澍雨。黎

民流離。困於道路。朕痛心疾首。靡知所濟。瞻仰昊天。何辜今人。

詩大雅周宣王遇旱之詩。言今人何罪而天令饑饉乎。

三公朕之腹心。

而未獲承天安民之策。數詔有司。務擇良吏。今猶不改。競爲苛暴。侵愁小民。呂求虛名。委任下吏。假執

行邪。是呂令下而姦生。禁至而詐起。

董仲舒曰。法出而姦生。令下而詐起。

巧法析律。飾文增辭。

禮記王制曰。析言破律也。

貨行於言。舉成乎

手。朕甚病焉。公卿不思助明好惡。將何呂救其咎罰。咎罰既至。復令災及小民。若上下同心。庶或有瘳。

其賜天下男子爵人二級。三老孝悌力田三級。民無名數及流民欲占者人一級。鰥寡孤獨篤瘡貧不

能自存者粟人三斛。壬子。賜博士員弟子在太學者布人三匹。

武帝時。置博士弟子。太常擇人年十八以上。儀狀端正者。補焉。昭帝增員滿百人。宣帝倍之。元帝更

設員千人成帝更增員三千人夏四月日南象林蠻夷反象林縣屬日南郡今鬱林州〔集解〕先謙曰今屬法領越南國

郡兵討破之閏月賑貸敦煌張掖五

原民下貧者穀戊辰秭歸山崩

秭歸縣屬南郡古之夔國今歸州也袁山松曰屈原此縣人既被流放忽然鬻歸其姊亦來因名其地為秭歸秭亦姊也東觀記曰秭歸山高四百餘丈崩墮谿水壓殺百餘人〔集解〕

先謙曰今宜昌府歸州治

六月舞陽大水賜被水災尤貧者穀人三斛秋七月辛亥朔日有食之

〔集解〕惠棟曰續志在蜀八度荊州宿也明年冬南

郡蠻夷反

九月戊午太尉張酺免丙寅大司農張禹為太尉冬十一月西域蒙奇兜勒二國遣使內附賜其

王金印紫綬是歲燒當羌復叛

十三年春正月丁丑帝幸東觀覽書林閱典籍

〔集解〕惠棟曰東觀記十三年春正月上日以五經義異書傳意殊親幸東觀覽書林閱典籍

博選術藝之士呂

充其官二月任城王尚薨丙午賑貸張掖居延朔方日南貧民及孤寡羸弱不能自存者秋八月詔象

林民失農桑業者賑貸種糧稟賜下貧穀食己亥北宮盛饌門閣火護羌校尉周鮪擊燒當羌破之荆

州雨水九月壬子詔曰荊州比歲不節今茲淫水為害

淮南子曰女媧積蘆灰以止淫水高誘注云平地出水為淫水

餘雖頗登而多不均

漢

〔集解〕先
深惟四民農食之本。慘然懷矜。其令天下半入今年田租芻藁。有宜呂實際除者。如故事。
謙曰。官本無注。

深惟四民農食之本。慘然懷矜。其令天下半入今年田租芻藁。有宜呂實際除者。如故事。

貧民假種食。皆勿收責。冬十一月。安息國遣使獻師子及條枝大爵。

西域傳曰。安息國居和犢城。去洛陽二萬五千里。條枝國臨西海。出師子。大雀。郭義恭廣

志曰。大爵頸及身脅蹄。都似橐駝。舉頭高八九尺。張翅丈餘。食大麥。其卵如鴛。即今之駝鳥也。

丙辰。詔曰。幽并涼州。戶口率少。

〔集解〕惠棟曰。胡三省曰。幽州大郡。戶猶十萬餘。惟元菟戶一千五百二十四。并州

大郡三萬餘。小郡不滿二千。涼州大郡不滿三萬。燉煌七百四十八而已。

邊役衆劇。東修良吏。進仕路狹。撫接夷狄。呂人爲本。其令緣邊郡口十萬

呂上。歲舉孝廉一人。不滿十萬。二歲舉一人。五萬。呂下。三歲舉一人。鮮卑寇右北平。遂入漁陽。漁陽太

守擊破之。戊辰。司徒呂蓋罷。十二月丁丑。光祿勳魯恭爲司徒。辛卯。巫蠻叛。寇南郡。

巫縣屬南郡。故城在今夔州巫山縣也。〔集解〕

先謙曰。今夔州府巫山縣東。

十四年春二月乙卯。東海王政薨。繕修故西海郡。

平帝時。金城塞外羌獻地以爲西海郡也。光武建武中。省金城入隴西郡。至是復繕修之。金城即今蘭州縣也。

徙金城

西部都尉呂戍之。

〔集解〕惠棟曰。續志。每屬國置都尉一人。比二千石。金城屬國。宣帝神爵二年置也。

三月戊辰。臨辟雍饗射。大赦天下。夏四月。遣使者

督荊州兵討巫蠻。破降之。庚辰。賑貸張掖。居延。敦煌。五原。漢陽。會稽。流民下貧。穀各有差。五月丁未。初

置象林將兵長史官。

關隴十三州志曰。將兵長史。居在日南郡。又有將兵司馬。去雒陽九千六百三十里。

六月辛卯。廢皇后陰氏。后父特進綱自殺。秋七

月甲寅。詔復象林縣更賦田租芻藁。二歲壬子。常山王側薨。是秋。三州雨水。冬十月甲申。詔免豫。荊州。

今年水雨淫過。多傷農功。其令被害什四。月上。皆半入田租芻藁。其不滿者。自實除之。辛卯。立貴人鄧

氏為皇后。丁酉。司空巢堪罷。

〔集解〕惠棟曰。東觀記。堪為司空。十四年。自乞上印綬。賜千石俸。

十一月癸卯。大司農除防為司空。是歲。初復郡

國上計補郎官。

上計。今計吏也。前書音義曰。舊制。使郡丞奉歲計。武帝元朔。中。令郡國舉孝廉各一人。與計偕。拜為郎中。中廢。今復之。

十五年春閏月乙未。詔流民欲還歸本。而無糧食者。過所實稟之。疾病加至。醫藥。其不欲還歸者。勿強。

二月。詔稟貸潁川。汝南。陳留。江夏。梁國。敦煌貧民。

前書音義曰。陳留本鄭邑也。後為陳所并。故曰陳留。今汴州縣也。江夏郡。高帝置。潁水自江別。至南郡華容。為夏水。過郡入江。故曰

江夏〔集解〕先謙曰。官本注。鄭邑下無也字。

夏四月甲子晦。日有食之。

〔集解〕惠棟曰。續志。在東井二十二度。

五月戊寅。南陽大風。六月。詔令百姓鑿

寡漁采陂池。勿收假稅二歲。秋七月丙寅。濟南王錯薨。錯音七。續漢書曰。其郡縣有鹽官。鐵官者。隨事廣狹。置令長。復置涿郡故鹽鐵官。

及丞。秩次皆如縣也。〔集解〕何焯曰。涿郡故安縣。有鐵官。無鹽官。此鹽字乃安字之訛。錢大昭曰。鹽當作安。郡國志涿郡故安縣。下注云。案本紀。永元十五年。復置縣鐵官。前志涿郡有鐵官。無鹽官。是其證也。惠棟曰。地理通釋曰。永元十五年。復置涿郡故安鐵官。蔣杲曰。北宋本漢書作故安。棟案地理志。涿郡有鐵官。五行志曰。征和二年。涿郡鐵官鑄鐵。鐵銷皆飛上去。兩志皆不言故安有鐵官。或前漢涿郡治故安。未之詳也。

河間王開竝從。賜所過二千石長吏。曰。下三老官屬及民百年者。錢布各有差。是秋。四州雨水。冬十月

戊申。幸章陵。祠舊宅。癸丑。祠園廟。會宗室於舊廬。勞賜作樂。戊午。進幸雲夢。臨漢水而還。雲夢。今安州縣也。即在雲夢澤中。〔集解〕先謙曰。唐雲

夢縣。漢為安陸縣地。十一月甲申。車駕還宮。賜從臣及留者公卿。曰。下錢布各有差。十二月庚子。琅邪王

宇薨。有司奏。曰。為夏至則微陰起。靡草死。可。曰。決小事。禮記月令曰。孟夏之月。靡草死。麥秋至。斷薄刑。決小罪。鄭玄注云。靡草。齊亭歷之屬。臣賢案五月一陰又生。可以言微陰。

是歲。初令郡國。曰。北至案薄刑。〔集解〕惠棟曰。胡注。案安帝永初元年。魯恭言。自永元十五年。案薄刑。改用孟夏。則夏至乃謂夏之初。至范史以日

北至書之。其誤後人甚矣。棟案有司奏。以為夏至則微陰起。夏至必孟夏之訛。胡說是也。決小事。亦當依月令作決小罪。孟夏決小罪者。乾鑿度。陰始子己。形於未己。四月也。鹽鐵論。大夫曰。金生子己。刑罰小加。故齊麥夏死。言四月陰初生。齊麥死。當順時令。決小罪也。

今月令云。孟夏乃是純陽之月。此言夏至者。與月令不同。

〔集解〕惠棟曰。胡注。案安帝永初元年。魯恭言。自永元十五年。案薄刑。改用孟夏。則夏至乃謂夏之初。至范史以日

北至書之。其誤後人甚矣。棟案有司奏。以為夏至則微陰起。夏至必孟夏之訛。胡說是也。決小事。亦當依月令作決小罪。孟夏決小罪者。乾鑿度。陰始子己。形於未己。四月也。鹽鐵論。大夫曰。金生子己。刑罰小加。故齊麥夏死。言四月陰初生。齊麥死。當順時令。決小罪也。

今月令云。孟夏乃是純陽之月。此言夏至者。與月令不同。

〔集解〕惠棟曰。胡注。案安帝永初元年。魯恭言。自永元十五年。案薄刑。改用孟夏。則夏至乃謂夏之初。至范史以日

北至書之。其誤後人甚矣。棟案有司奏。以為夏至則微陰起。夏至必孟夏之訛。胡說是也。決小事。亦當依月令作決小罪。孟夏決小罪者。乾鑿度。陰始子己。形於未己。四月也。鹽鐵論。大夫曰。金生子己。刑罰小加。故齊麥夏死。言四月陰初生。齊麥死。當順時令。決小罪也。

今月令云。孟夏乃是純陽之月。此言夏至者。與月令不同。

〔集解〕惠棟曰。胡注。案安帝永初元年。魯恭言。自永元十五年。案薄刑。改用孟夏。則夏至乃謂夏之初。至范史以日

北至書之。其誤後人甚矣。棟案有司奏。以為夏至則微陰起。夏至必孟夏之訛。胡說是也。決小事。亦當依月令作決小罪。孟夏決小罪者。乾鑿度。陰始子己。形於未己。四月也。鹽鐵論。大夫曰。金生子己。刑罰小加。故齊麥夏死。言四月陰初生。齊麥死。當順時令。決小罪也。

今月令云。孟夏乃是純陽之月。此言夏至者。與月令不同。

〔集解〕惠棟曰。胡注。案安帝永初元年。魯恭言。自永元十五年。案薄刑。改用孟夏。則夏至乃謂夏之初。至范史以日

鄭元注月令以孟夏之令爲非未通于古

十六年春正月己卯詔貧民有田業而呂匱乏不能自農者貸種糧二月己未詔堯豫徐冀四州比年雨多傷稼禁沽酒夏四月遣三府掾分行四州貧民無呂耕者爲雇犁牛直五月壬午趙王商薨秋七月旱戊午詔曰今秋稼方穗而旱雲雨不霑疑吏行慘刻不宜恩澤妄拘無罪幽閉良善所致其一切囚徒於法疑者勿決呂奉秋令

禮記月令曰孟秋之月命有司修法制繕園囿具桎梏斷薄刑決小罪

方察煩苛之吏顯明其罰辛酉司徒魯恭

免庚午光祿勳張酺爲司徒辛巳詔令天下皆半入今年田租芻藁其被災害者呂實除之貧民受貸種糧及田租芻藁皆勿收責八月己酉司徒張酺薨冬十月辛卯司空徐防爲司徒大鴻臚陳寵爲司空十一月己丑行幸緱氏登百岨山

卽柏岨山也在洛州緱氏縣南爾雅云山一成曰岨東觀記作岨並音平眉反流俗本或作桎者誤也(集解)先謙曰山在今河南府偃師縣南五十里

賜百

西部都尉安帝時以爲屬國都尉在遼東郡昌黎城也

元興元年春正月戊午引三署郎召見禁中。

漢官儀三署謂五官署也左右署也各置中郎將以司之郡國舉孝廉以補三署郎年五十以上屬五官其次分在左右署凡有中郎議郎侍郎郎

中四等無員禁中者門戶有禁非侍御者不得入故謂禁中。

選除七十五人補謁者長相高句驪寇郡界夏四月庚午大赦天下改元元

興宗室呂罪絕者悉復屬籍。

〔集解〕惠棟曰禮記大傳曰繫之以姓而弗別鄭元曰繫之弗別謂若今宗室屬籍也孔穎達曰漢之同族有屬籍則周家繫之以姓是也復屬籍者向以罪除其籍今復令宗正著之也。

五月癸酉雍地裂。

東觀記曰右扶風雍地裂流俗本雍下有州者誤也〔集解〕先謙曰今鳳翔府鳳翔縣治。

秋九月遼東太守耿夔擊貊人破之冬十二月

辛未帝崩于章德前殿年二十七立皇子隆為皇太子賜天下男子爵人二級三老孝悌力田人三級

民無名數及流民欲占者人一級鰥寡孤獨篤癯貧不能自存者粟人三斛自竇憲誅後帝躬親萬機

每有災異輒延問公卿極言得失前後符瑞八十一所自稱德薄皆抑而不宣。

〔集解〕惠棟曰東觀記朝無龍族政如砥矢惠澤沾濡鴻

恩茂篤外憂庶績內勤經藝自左右近臣皆誦詩書德教在寬仁恕並治是以黎元寧康萬國協和貞符瑞應八十餘品帝讓而不宣故靡得而紀。

舊南海獻龍眼荔枝十里一置五里一候。

南海

郡秦置今廣州縣也廣雅曰益智龍眼也交州記曰龍眼樹高五六丈似荔枝而小廣州記曰子似荔枝而員七月熟荔枝樹高五六丈大如桂樹實如雞子甘而多汁似安石榴有甜醋者至日禺中翕然俱赤即可食置謂驛也〔集解〕先謙曰今廣州府南海縣

奔騰阻險，死者繼路。時臨武長汝南唐羌，縣接南海。

臨武縣屬桂陽郡，今郴州縣也。〔集解〕惠棟曰：羅泌云：羌本名堯，後人惡其僭而改之。先謙曰：臨武，今桂陽州縣。羌字伯游，宋

蘇軾荔枝詩：無人舉觴酌伯游也。

乃上書陳狀，帝下詔曰：遠國珍羞，本旨薦奉宗廟，苟有傷害，豈愛民之本。其敕大官勿

復受獻，由是遂省焉。

謝承書曰：唐羌字伯游，辟公府，補臨武長。縣接交州，舊獻龍眼荔枝及生鮮獻之，驛馬晝夜傳遞之。至有遭虎狼毒害，頓仆死亡不絕。道經臨武，羌乃上書諫曰：臣聞上不以滋味為德，下不以貢膳為功。故天子

食太牢為尊，不以果實為珍。伏見交陞七郡獻生龍眼等鳥驚風發，南州土地惡蟲猛獸，不絕於路。至於觸犯死亡之害，死者不可復生。來者猶可救也。此二物升殿，未必延年益壽。帝從之。章報羌即弃官還家，不應徵召。著唐子三十餘篇。

論曰：自中興以後，逮于永元，雖頗有弛張，而俱存不擾。是呂齊民歲增，關土世廣。

齊平也。

偏師出塞，則漢

北地空，都護西指，則通譯四萬。

西域傳曰：班超定西域五十餘國，皆降服。西至海濱四萬里，皆重譯貢獻。

豈其道遠三代，術長前世，將服叛去來，

自有數也。

〔集解〕汪文藻曰：御覽九十一引續漢書云：孝和年十四，能折外戚驕橫之權。即昭帝斃上官之類矣。朝政遂一，民安職業，勤恤本務，苑囿希幸，遠夷稽服。西域開泰，郡國言符瑞八十餘品，咸懼虛妄，抑而不宣云爾。又東觀記序云：穆宗

之嗣世，正身履道，以奉大業，賓禮耆艾，動式舊典，宮無嬪嬙，鄭衛之譙，囿無榮樂遊畋之豫，躬履至〔一作元〕德，虛靜自損，是以屢獲豐年，遠近承風云爾。

孝殤皇帝諱隆。

諡法曰：短折不成曰殤。古今注曰：隆之字曰盛。

和帝少子也。元興元年十二月辛未夜，即皇帝位。時誕育百餘日，

誕大也。詩大雅。誕彌厥月。先生如達。鄭玄注云。大矣。后稷之在其母懷也。終人道十月而生。詩又云。載生載育。育長也。達音它末反。

尊皇后曰皇太后。太后臨朝。儀見皇后紀。

北匈奴遣使稱

臣。詣敦煌奉獻。

延平元年春正月辛卯。太尉張禹為太傅。司徒徐防為太尉。參錄尚書事。

〔集解〕惠棟曰。應劭漢官儀。載辛卯册書曰。太尉張禹三世在位。黃髮罔

愆。忠孝彌篤。司徒徐防。以臺閣機密。施政牧守。其以禹為太傅。以防為太尉。錄尚書事。

百官總己。呂聽封皇兄勝為平原王。癸卯。光祿勳梁鮪為司徒。

漢官儀曰。

鮪字伯元。河東平陽人也。

三月甲申。葬孝和皇帝于慎陵。

在洛陽東南三十里。俗本作順者誤。〔集解〕劉放曰。紀書孝和葬慎陵。章懷注云。俗本作順。陵者誤。臣放案皇后紀和熹皇后合葬順陵。以為皇后紀誤。而靈

帝父孝仁皇稱慎陵。世數不遠。陵名必不相襲。參校前後。孝和實葬順陵。言慎乃更為誤耳。疑此亦非章懷之失。蓋傳寫誤。以順為慎。亦因以慎為順耳。

尊廟曰穆宗。丙戌。清河王慶。濟北王壽。河

間王開。常山王章始就國。夏四月庚申。詔罷祀官不在祀典者。

東觀記曰。鄧太后雅性不好淫祀。

鮮卑寇漁陽。漁陽太守

張顯追擊。戰沒。丙寅。呂虎賁中郎將鄧騭為車騎將軍。司空陳寵薨。五月辛卯。皇太后詔曰。皇帝幼沖。

承統鴻業。朕且權禮。佐助聽政。

〔集解〕官本考證曰。禮字疑有誤。宋本無禮字。亦不成句。姑仍監本。

兢兢寅畏。

寅。敬也。

不知所濟。深惟至治之本。

道化在前刑罰在後將稽中和廣施慶惠與吏民更始其大赦天下自建武呂來諸犯禁錮詔書雖解

有司持重多不奉行其皆復為平民壬辰河東垣山崩

垣縣今絳州縣也古今注曰山崩長七丈廣四丈〔集解〕先謙曰垣今絳州垣曲縣

六月丁未太

常尹勤為司空郡國二十七雨水詔曰

〔集解〕先謙曰官本詔上有己未二字

自夏呂來陰雨過節燠氣不效

效猶驗也

將有厥

咎寤寐憂惶未知所由昔夏后惡衣服菲飲食孔子曰吾無間然

菲薄也問非也

今新遭大變且歲節未和徹

膳損服庶有補焉其減太官導官尚方內署諸服御珍膳靡麗難成之物

太官令周官也秩千石典天子廚膳導官掌擇御米導擇也尚方掌作御

刀劍諸器物內署掌內府衣物秩皆六百石並見續漢書

丁卯詔司徒大司農長樂少府曰朕自無德佐助統政夙夜經營懼失厥衷思

惟治道由近及遠先內後外自建武之初自至于今八十餘年宮人歲增房御彌廣又宗室坐事沒入

者猶託名公族甚可愍焉今悉免遣

〔集解〕惠棟曰案蔡邕集是時免遣者六百餘人

及掖庭宮人皆為庶民呂杼幽隔鬱滯之情

杼舒也食汝反

諸官府郡國王侯家奴婢姓劉及疲瘡羸老皆上其名務令實悉秋七月庚寅敕司隸校尉部

刺史

秦有監御史監諸郡漢興省之但遣丞相史分刺諸州無有常官孝武帝初置刺史十三人秩六百石成帝更為牧秩二千石建武十八年復為刺史十二人各主一州其一州屬司隸校尉諸州常以八月巡行所部郡國錄囚徒考殿最初歲詣京都

奏事申與但因計吏見續漢書

曰夫天降災戾應政而至閒者郡國或有水災妨害秋稼朝廷惟咎憂惶悼懼而郡國欲

獲豐穰虛飾之譽遂覆蔽災害多張墾田不揣流亡

揣音初委反

競增戶口掩匿盜賊令姦惡無懲署用非

次選舉乖宜貪苛慘毒延及平民

平民謂善人也書曰延及平民

刺史垂頭塞耳阿私下比不畏于天不愧于人

詩小雅也

貸之恩不可數恃自今日後將糾其罰二千石長吏其各實覈所傷害為除田租芻橐八月辛亥帝崩

癸丑殯于崇德前殿年二歲

〔集解〕惠棟曰東觀記序曰孝殤襁褓承統寢疾不豫天命早崩國祚中絕社稷無主天下放然賴皇太后孔子稱有婦人焉信哉

贊曰孝和沈烈率繇

前則王赫自中賜命彊慝

慝惡也謂誅寶惡等

抑沒祥符登顯時德

謂用鄧彪等委政也

殤世何早平原弗克

平原王勝以固疾不得立也左傳曰弗克

負荷〔集解〕先謙曰官本注固作痼

後漢書集解卷四技補

和帝紀諱肇集解錢大昕曰至疑卽直小兩字之譌

侯康曰今本說文戈部肇上諱支部肇擊也戶部屨始開也依古今注之字曰始則字當作屨而經傳多段肇爲屨故注亦引

作肇惟玉篇肇俗驩字五經文字肇作肇譌是肇乃驩之別體段玉裁謂說文本無肇淺人竄入似得之注引說文上諱肇卽作肇知當時說文尙無支部之諱否則各爲一部何容混邪但何以有可大之音此實不可解案官本文注肇皆作驩可大之大當爲天

誤之

章和二年二月壬辰卽皇帝位

案據此益足證章紀壬辰帝崩於章德前殿壬辰之上實脫二月二字或反因章紀疑此書二月有誤則未考東觀記袁紀也

太后臨朝

通鑑胡注蔡邕獨斷曰少帝卽位太后卽代攝政臨前殿朝羣臣太后東面少帝西面羣臣上書奏事皆爲兩通一詣太后一詣少帝

界惟人面集解官本界作戒

案章紀作訖惟人面訖界戒皆有止義猶云窮極也戒界本又通作唐書天文志一行以爲天下山河之象存乎兩戒是也

安息國遣使獻師子扶拔注扶拔解見章紀

官本章下有帝字

其徙出塞者集解劉攽曰至明此徙字是從字

周壽昌曰此皆刑徙非遷徙劉說誤案劉言不可投之塞外正指有罪投荒而言意謂漢法止於徙邊無令徙出塞外之理非誤也特徙出塞

者因徒邊被掠或逃亡出塞故徒刑未竟耳若從征出塞者其於本刑已免矣無所謂未竟則仍不必改字

復置西河上郡屬國郡尉官集解何焯曰至與典屬國何與

洪亮吉日前書百官表典屬國秦官武帝時增置郡尉丞侯耳其省并在成帝河平元年亦非哀帝時志說蓋

非此注引之誤案志以省并為在哀帝時誠誤至典屬國雖為秦官漢則自武帝始置屬國郡尉固隸於典屬國者也又成帝雖省典屬國而屬國郡尉仍存終前漢之世劉歆班固寶融等皆嘗為是官則至哀帝時亦仍存矣又續志載建武六年省諸郡都尉關都尉唯邊郡往往置都尉及屬國都尉是屬國都尉建武時明明未省何說尤非當由河西上郡經囂述之亂其官久廢至是乃得復置耳

紹封故淮陽王兩子側為常山王

案明八王傳和帝立兩小子側復為常山王奉兩後蓋距兩之薨國絕三年矣曰小子曰復為常山王或因兩長子防早卒而有孫章議立未定或因淮陽不能仍有故封議改未

定而通鑑注謂因國有大喪今乃紹封然亦何必遲至三年之久斯不然矣

擊北匈奴於河雲北

河雲匈奴地名見南匈奴傳注

皇帝加元服集解惠棟曰至

咸獻壽焉袁紀儀用新禮通鑑據之本書詳曹褒傳

圍北單于於金微山

通鑑胡注唐太宗以僕固部置金微都督府胡意府即山所在也考唐書回鶻傳僕骨亦曰僕固在多覽葛之東蓋今之恰克圖地唐邊多僑治僕固府僑治朔方金微府僑治僕固一也其實金微山即隋唐以

來之金山。尚在今科布多之南境。參贊大臣所轄。河西金山兩額魯特。其一即因此山得名。北史云。北匈奴爲寶靈所逐。單于度金徽山西走康居。此皆北匈奴右地。僕固部爲漢烏揭國舊地。乃北匈奴左境。若見逐於此。無由西走康居矣。金徽山再南即車師後王國。度沙漠即至燉煌郡。玉門關在焉。梁元帝聽馬驅云。試上金徽山。還看玉關路。亦其一證。胡說未審。

尊太后母比陽公主爲長公主。漢制。長公主儀服同蕃王。爲公主尊崇者之加號。見后紀。

阜陵王种薨。注。阜陵王延之子。案延原本誤种已正。

曹相國後容城侯無嗣。集解。錢大昕曰。至皆事之可疑者也。侯康曰。此必章帝建初二年復封曹洪。已改國容城。未幾又絕。故詔云然。章彪傳偶沿舊名而誤耳。據后紀明。

帝永平三年。已封皇女奴爲平陽公主。至建初八年。公主子馮奮復襲主爵爲平陽侯。則在公主受封時。曠必已薨。國必已絕。前表於曠。雖注今見。然考孟堅修史。自永平至建初。凡歷二十餘年。表或據初修時言之。已而曠薨。國絕。未及追改。否則一地固不容兩封。同時尤不應有兩平陽侯也。案班固卒時。表志未竟。且功臣表實續前史。乃固父彪遺業。亦未必固所自爲。曹昭躡成。斷不敢改父兄之舊。而彪之卒。在光武建武三十年。其時曠或尙存。故彪云。今見。逮明帝永平初。必已中絕。故三年得以其國移封公主。章帝復封曹洪。不能奪公主之國。改封容城。亦斷在此時。侯說可謂有據。至章彪傳。或竟出淺人妄改。未必本誤。考容城國。前志屬涿郡。續志雖闕。但觀魏志裴注引王沈魏書云。漢高祖之起。曹參以功封平陽侯。世襲爵土。絕而復紹。至今適嗣國於容城。則改國容城。魏時尙有。傳無可疑矣。

見二臣之壘。注。廟記云。

錢大昭曰。廟。闕本作廣。案廟記一卷。見隋經籍志。無撰名。唐志同。前書郊祀志。外戚傳。注及史記秦本紀正義。均引釋廟家所在。不當作廣。又梁書吳均傳。均著廟記十卷。

武陵零陵澧中蠻叛。

案零陵當作零陽。即武陵郡屬縣也。後漢武陵郡治。當今常德府武陵縣西。與澧州接壤。零陽縣治。即今澧州慈利縣東境。澧中蠻。即澧水之蠻。並屬武陵。故紀並舉之。若零陵郡之蠻。相距甚遠。不當與澧中蠻

錯舉。南蠻傳。肅宗建初元年。澧中蠻陳從等反。叛入零陽蠻界。是兩蠻接近之證。又載和帝永元四年冬。澧中。澧中蠻潭戎等反。而不及零陽。疑此叛變實澧中蠻之在零陽者。尚非零陽蠻。故其辭略耳。若果有零陵蠻同叛。則傳不應不詳矣。又後載安帝元初中。有零陵蠻羊孫陳湯等千餘人。著赤幘。稱將軍事。章懷注仍以零陽釋之。則陵字亦陽字之譌。與此正同。

詔有司省減內外廩及涼州諸苑馬。注。牧師諸苑。

師。官本作帥。誤。

許侯馬光自殺。

洪亮吉曰。傳作許陽侯。此脫一字。

收洛陽令下獄抵罪。司隸校尉河南尹皆左降。

周壽昌曰。洛陽令為陳歆。見張奮傳。司隸校尉為周紆。見酷吏傳。

詔以勃海郡屬冀州。

錢大昭曰。由幽州改屬。

既而悉昌所選郎出補長相。注。縣為侯。

官本無為字。

易陽地裂。注。易陽縣在易水之陽。今易州也。

在今廣平府永年縣西十五里。

光祿勳河南呂蓋爲司徒。注。蓋字君玉。

錢大昭曰。魯恭傳注。又引漢官儀作字君上。

己巳。復置右校尉官。注。東觀記。置在西河鵠澤縣。集解。錢大昕曰。郡國志至。尙未省也。

案右校尉官。不見於前志。續志亦未詳注。

引東觀記文。聚珍本和紀。復不載此條。僅附見於佚文。此紀前於四年。北單于款塞乞降。書遣大將軍左校尉耿夔授璽綬。夔本傳。同。而寶靈傳又有遣右校尉耿夔等擊北虜之文。疑夔嘗更爲之。但此左右校尉。乃大將軍官屬。與此年特復者無涉。至袁紹傳載。靈帝時置西園八校尉。注引樂資山陽公載記。淳于夔爲右校尉事。尤在後。亦與此不侔。惟據注引東觀記。置在西河鵠澤縣。可知與前二年復置西河上郡屬國都尉官一事。必有關屬。又光武紀。建武九年。致青巾左校尉官。十五年。改爲越騎校尉。右校尉當亦光武所置。而中廢者。但已無可致詳矣。前志。西河郡鵠澤。鵠。孟康音告。師古音古督反。而皆不著其地所在。李兆洛以爲當在今山西境。考詩。唐風。揚之水。從子于鵠。陸音戶毒反。與顏合傳云。曲沃邑。易林。否之師云。揚水潛鑿。使石絮白衣。素表朱戲。游皋沃。豫之大。過亦作皋澤。王念孫謂皋鵠古同聲。則皋澤卽鵠澤。準以曲沃地望。當在今山西絳州聞喜縣之西。水經注。涑水自聞喜來。西合沙渠水。西南逕左邑縣。故城南。故曲沃。秦改爲左邑。詩所謂從子于鵠者也。然左邑。聞喜。前志均屬河東郡。不解鵠澤之名。何以又。在西河。續志。河東無左邑。而云聞喜邑本曲沃。劉注。曲沃在縣東北數里。與晉相去六七百里。全祖望謂魏之西河。自焦毓桃林之塞。西抵關洛。其界最廣。秦以其東界併入內史。而西界併入上郡。漢武帝置西河郡。特分秦上郡所屬地。武帝末。以河東屬司隸。司隸卽秦內史也。昭帝時。又嘗改屬并州。則與西河同隸一州。未幾復故。紛更之際。邑改名遷宜不免耳。

北宮盛饌門閣火。

通鑑胡注盛饌門閣御廚門閣也晉書天文志紫宮垣東北維外六星曰天府主盛饌皇居則象於天極故北宮有盛饌門閣

安息國遣使獻師子及條枝大爵注舉頭高八九尺

官本頭作頸

繕修故西海郡注平帝時至

即今蘭州縣也

案西海郡前志續志皆不載惟見前書平紀及王莽傳乃莽誘塞外羌獻鮮水海允谷鹽池增置原與金城各為一郡而前志金城郡載昭帝始元六年

置莽曰西海蓋莽居攝後以其地不足當一郡遂併金城於西海改允街為修遠而以允谷附入之改臨羌為監羌而以鮮水海鹽池附入之耳齊召南云莽所置西海郡在臨羌塞外西海曰儂海亦曰鮮水海即今青海也光武中興郡名皆復漢舊故有金城而

無西海臨羌塞外之地羣羌出沒亦不暇復理今始溯平帝時舊治繕修設守藉以備羌續志無之則未幾復罷可知矣

疾病加至醫藥

官本至作致

是秋四州雨水

錢大昭曰四州兗豫徐冀也

進幸雲夢臨漢水而還注雲夢今安州縣也即在雲夢澤中

案前志南郡編縣江夏郡西陵縣均有雲夢官又前志南郡華容縣續志南郡華容侯國均云雲夢澤在南漢

時華容故城今荆州監利縣西北監利石首皆其故地編故城今安陸荆門州界地連襄陽之南漳西陵故城今黃州黃岡縣西北兼漢陽黃陂縣之南境和帝幸南陽謁原陵地為今襄陽府之棗陽境則進幸雲夢以至編為最近之循編而東即臨漢水矣若唐

之雲夢縣。即今德安雲夢縣地。漢世尚爲雲夢澤中心。似無由至。且距漢水抑遠矣。

冬十月辛卯。司空徐防爲司徒。官本無冬字。

復置遼東西部都尉官。注。西部都尉。安帝時以爲屬國都尉。在遼東郡昌黎城也。案前志遼東郡無慮下云。西部都尉治。章懷言安帝

以爲屬國都尉在昌黎事尚在後。和帝復置。應仍在無慮也。前續志遼東郡均無昌黎。惟續志遼東屬國別領六城。首曰昌遼。故天遼屬遼西而前志遼西郡又有交黎而無天遼。且安紀元初二年八月遼東鮮卑圍無慮縣。九月又攻夫黎營。注。夫黎。縣名。屬遼東屬國。不獨與續志不合。亦與此注言昌黎城者兩岐。惠棟推考衆書。乃悟昌遼即昌黎。天遼即夫黎。亦即前志遼西之交黎。改屬者。遼與黎聲近而變。夫作天。交形近而譌。並詳安紀及續志集解。

高句驪寇郡界。案通鑑作高句驪王宮入遼東塞。寇略六縣。此郡上應補遼東二字。

是呂齊民歲增。關土世廣。注。齊平也。官本無此注。

殤帝紀。朕且權禮。佐助聽政。集解。官本考證曰。禮字疑有誤。案孟子。男女授受不親。禮也。嫂溺援之以手者。權也。此權禮二字。所本。趙注所謂反經而善者也。周禮地官一

曰慈幼。賈疏謂鄭注生子三人與之母。二人與之。餼。皆是越語。范蠡欲速報吳。爲此權禮。使國民衆多。是唐人說經。尙相承有是語。朕且權禮。即指佐助聽政爲權禮耳。似非字誤。

其減太官導官尙方內署諸服御珍膳靡麗難成之物。注內署掌內府衣物。

錢大昭曰內署當作內者注亦誤。續志少府屬官有內者令掌中布

張諸衣物案漢官有謁者內謁者不聞有內者且內者二字名官於義無當續志之內者令未必非卽內署令之譌觀通鑑胡注引章懷此注亦與正文同作內署則宋明本皆如此矣呂強傳每郡國貢獻先輸中署注亦云中署內署也則內署非有誤可知

八月辛亥帝崩集解天下敖然

聚珍本東觀記敖作慤

孝安帝紀第五

後漢書五

宋宣城太守范曄撰

唐章懷太子賢注

王先謙集解

恭宗孝安皇帝

〔集解〕何焯曰：案和帝既不冠以穆宗，此紀恭宗二字衍。祭祀志：安帝以讒害大臣廢太子，及崩無上宗之奏，後以自建武以來無毀者，故遂常祭，因以其陵號稱恭宗，故此紀雖仍前史廟曰恭宗之文，未及刊削，然獨無

尊字，尤與前諸紀迥異，明是不知者謬加也。錢大昕曰：獻帝初平元年，有司奏和（穆宗）安（恭宗）順（敬宗）桓（威宗），四帝無功德，不宜稱宗，故和帝、順帝、桓帝紀俱不稱某宗，獨此紀書恭宗，蓋刪之不盡也。

諱祐。〔集解〕曰：寬容和平曰

安，伏侯古今注曰：祐之字曰福。〔集解〕惠棟曰：說文：祐，上諱。徐鉉云：安帝名也，從示，古聲，祐當作祐。

肅宗孫也。父清河孝王慶，母左姬，帝自在邸第。

〔集解〕曰：邸，會也。說文云：屬國之舍。

也。前書音義曰：第，謂有甲乙之次第。

數有神光照室，又有赤蛇盤於牀第之間。

〔集解〕曰：東觀記及符瑞志於皆作紆，易林曰：盤紆九曲，似當作紆。

年十歲，好

學史書

史書者，周宣王太史籀所作之書也。凡五十五篇，可以教幼童。

和帝稱之，數見禁中。

〔集解〕曰：東觀記：孝安皇帝清河孝王第二子也。少聰明，敏達，慈仁，惠和，寬容博愛，好樂施予。孝王常異之。年十歲，

善史書，喜經籍，和帝甚嘉重焉。號曰諸生。數燕見在中，特加賞賜，下及玩弄之物，諸王子莫得與比。

延平元年，慶始就國。鄧太后特詔留帝清河邸。八月，殤帝崩，太

后與兄車騎將軍鄧鸞定策禁中其夜使鸞持節召王青蓋車迎帝齋于殿中

續漢志曰皇太子皇子皆安車朱班輪青蓋金華蚤皇子

為王錫以乘之故曰王青蓋車皇孫則綠車

皇太后御崇德殿百官皆吉服

洛陽南宮有崇德殿不可

羣臣陪位引拜帝為長安侯

不即立為天子而封侯者不欲從微即登皇位

皇太后詔曰先帝聖德淑茂早棄天下朕奉皇帝夙夜瞻仰日月冀望成就豈意

卒然顛沛天年不遂悲痛斷心朕惟平原王素被痼疾念宗廟之重思繼嗣之統唯長安侯祐質性忠

孝小心翼翼

翼翼敬慎也詩曰惟此文王小心翼翼

能通詩論篤學樂古仁惠愛下年已十三有成人之志親德係後莫宜

於祐係即繼也昆弟之子禮記檀弓之文猶己子

禮記檀弓之文

春秋之義為人後者為之子不曰父命辭王父命

為人後者謂出繼於人也王父謂祖

也穀梁傳曰衛靈公廢太子蒯聩立孫輒不受父之命而受王父命集解何焯曰不以父命辭者引傳文見不必受命於廢也何若瑤曰此公羊傳文注引穀梁非是

其曰祐為孝和皇帝嗣奉承祖宗按

禮儀奏又作策命曰惟延平元年秋八月癸丑皇太后曰咨長安侯祐孝和皇帝懿德巍巍光于四海

大行皇帝不永天年

前書音義曰禮有大行人有小行人主諡號官也章昭云大行者不反之辭也天子崩未有諡故稱大行也穀梁傳曰大行受大名風俗通曰天子新崩未有諡故且稱大行皇帝義兩通集解何若瑤曰章應

說。朕惟侯。孝章帝世嫡皇孫。謙恭慈順。在孺而勤。孺。幼也。或作在孺。李勣《集解》何若。瑤曰。上云年十歲好學。史書作而是。宜奉郊廟。承統大業。今

曰。侯嗣孝和皇帝後。其審君漢國。允執其中。一人有慶。萬民賴之。皇帝其勉之哉。讀策畢。大尉奉上璽

綬。卽皇帝位。年十三。太后猶臨朝。公羊傳曰。猶者。可止之辭也。《集解》惠棟曰。東觀記。帝謙讓恪勤。孜孜經書。志在供養。委政長樂宮。九月庚子。謁高廟。辛丑。謁光

武廟。六州大水。《集解》惠棟曰。袁山松書。六州河。濟。渭。雒。洧。水盛長。泛溢傷秋稼。己未。遣謁者分行虛實。舉災害。賑乏絕。丙寅。葬孝殤皇帝

于康陵。陵在慎陵塋中。庚地。高五丈五尺。周二百八步。《集解》劉攽曰。紀書。殤帝葬康陵。臣攽案。前書平帝已名康陵。不當重複。章懷注云。在慎陵塋中。庚地。庚與康相似。但少許不同。然檢續漢志。亦作康。又質帝年。敘康陵在恭陵上。都是康字。不知此字

自章懷已前誤之耶。或者後人傳寫一處誤之。《集解》惠棟曰。續志。陳留雷。有石隕地。四。天文志曰。隕星也。董仲舒以爲從高反下之象。或以爲庶民惟星隕。民困之象

也。西域諸國叛。攻都護任尙。遣副校尉梁懂救尙。擊破之。《集解》冬十月。四州大水。雨雹。詔曰。宿麥不下。

宿。舊也。麥必經年而熟。故稱宿。賑賜貧人。十二月甲子。清河王薨。使司空持節弔祭。車騎將軍鄧騭護喪事。乙酉。罷魚龍

曼延百戲。漢官典儀曰。作九賓樂。舍利之獸。從西方來。戲於庭。入前殿。激水化成比目魚。嗽水作霧。化成黃龍。長八丈。出水遊戲於庭。炫燿日光。曼延者。獸名也。張衡西京賦。所云巨獸百尋。是爲曼延。音以戰反。

永初元年春正月癸酉朔大赦天下蜀郡徼外羌內屬

東觀記曰徼外羌龍橋等六種茲義降附

戊寅分隄為南郡為屬國都

尉〔集解〕何焯曰南部近刻誤作南郡

稟司隸兗豫徐冀并州貧民

司隸領河南河內河東弘農都於洛陽邈末因為司州〔集解〕惠棟曰案袁紀時稱兗豫徐冀并六州民饑故稟給之也

三月

丙午呂廣成游獵地

廣成苑名在汝州西〔集解〕先謙曰廣成聚有廣成苑在今汝州西四十里

及被災郡國公田假與貧民丁卯分清河國封帝

弟常保為廣川王

廣川縣屬信都國故城在今冀州棗強縣東北〔集解〕錢大昕曰安帝弟名常保子亦名保當有一誤先謙曰廣川在今棗強縣東三十里

庚午司徒梁鮪薨三月癸酉

日有食之

〔集解〕惠棟曰續志三月二日也在胃二度胃主廩倉是時太后專政去年大水傷稼倉廩為虛

詔公卿內外衆官郡國守相舉賢良方正有道術之

士明政術達古今能直言極諫者各一人己卯永昌徼外僬僥種夷貢獻內屬甲申葬清河孝王贈龍

旗虎賁夏五月甲戌長樂衛尉魯恭為司徒

前書曰衛尉秦官掌宮門衛屯兵也長樂建章甘泉宮皆隨所掌以為官名秩中二千石也

丁丑詔封北海王睦

孫壽光侯普為北海王九真徼外夜郎蠻夷舉土內屬

九真郡名今愛州縣

六月戊申爵皇太后母陰氏為新野君

〔集解〕惠棟曰獨斷云異姓婦女以恩澤封者曰君比長公主

丁巳河東地陷

〔集解〕惠棟曰續志東西四步南北百二十步深三丈五尺

壬戌罷西域都護先零種羌叛斷隴

道大爲寇掠遣車騎將軍鄧騭征西校尉任尙討之

〔集解〕惠棟曰西羌傳永初元年冬事

丁卯赦除諸羌相連結謀叛逆

者罪秋九月庚午詔三公明申舊令禁奢侈無作浮巧之物殫財厚葬是日太尉徐防免

以災異屢見也

辛未

司空尹勤免

以雨水漂流也〔集解〕惠棟曰陳寵傳勤以雨水傷稼策免

癸酉調揚州五郡租

五郡謂九江丹陽廬江吳郡豫章也揚州領六郡會稽最遠蓋不調也〔集解〕顧炎武曰順帝紀永建四年分

會稽爲吳郡安帝時未有吳郡止五郡無可疑者注非惠棟云永初七年調零陵桂陽丹陽豫章會稽租米則會稽非以遠故不調明矣注兩失之先謙曰官本租下有米字

贍給東郡濟陰陳留梁國下邳山

陽丁丑詔曰自今長吏被考竟未報

考謂考問其狀也報謂斷決也

自非父母喪無故輒去職者劇縣十歲平縣五歲

上乃得次用壬午詔太僕少府減黃門鼓吹

漢官儀曰黃門鼓吹百四十五人羽林左監主羽林八百人右監主九百人

廢馬非乘輿

常所御者皆減半食

乘輿天子所乘車輿也不敢斥言尊者故稱乘輿見蔡邕獨斷

諸所造作非供宗廟園陵之用皆且止丙戌詔死罪

下及亡命贖各有差庚寅太傅張禹爲太尉太常周章爲司空

漢官儀曰章字次叔荊州隨縣人也

冬十月倭國遣使奉獻

倭國去樂浪萬二千里男子黥面文身以其文左右大小別尊卑之差見本傳

辛酉新城山泉水大出

東觀記曰突壞人田水深三丈〔集解〕惠棟曰河南之新城山也

十一月丁亥司空

周章密謀廢立。

〔集解〕先謙曰：章與王尊、叔元、茂等欲閉宮門，捕鄧氏兄弟，誅常侍鄭眾、蔡倫，劫刺尚書。廢皇太后，封皇帝為遠國王。見章傳。

策免自殺。戊子，勅司隸校尉冀并二

州刺史，民訛言相驚。

〔集解〕惠棟曰：續志：民訛言相驚，司隸并冀州，民人流移。時太后專政，婦人以順為道，故禮夫死從子之命，今專主事，此不從而僭也。

棄捐舊居，老弱相攜，窮困

道路，其各勅所部長吏躬親曉諭，若欲歸本郡，在所為封長檄，不欲勿強。

封，謂印封之也。長檄，猶今長牒也。欲歸者皆給以長牒為驗，強音其兩反。

十二月乙卯，潁川太守張敏為司空，是歲郡國十八地震。

〔集解〕惠棟曰：續志：時太后攝政專事，於是陰類並勝，西羌亂連十餘年。

四十一雨水。

〔集解〕惠棟曰：續志：郡國四十一縣五百一十五雨水，四瀆溢，傷秋稼，壞城國，殺人民。

或山水暴至，二十八風雨雹。

二年春正月，稟河南、下邳、東萊、河內貧民。

古今注曰：時州郡大飢，米石二千人相食，老弱相棄道路。

車騎大將軍鄧騭為種羌所敗於冀

西。續漢書曰：種羌九千餘戶，在隴西臨洮谷，冀縣屬天水郡也。

〔集解〕劉攽曰：正文。案官無車騎大將軍者，明大字衍，魏後乃為大將軍耳。先謙曰：冀注見光武紀。

二月乙丑，遣光祿大夫樊準、呂倉分

行冀、兗二州，稟貸流民。夏四月甲寅，漢陽城中火。

〔集解〕惠棟曰：續志：元年五月戊寅，熒惑逆行，守心前星。云韓楊占曰：多火災，明年漢陽火也。先謙曰：漢陽，天水更名。

燒殺

三千五百七十人。五月旱。丙寅，皇太后幸洛陽寺，及若盧獄，錄囚徒，賜河南尹廷尉卿及官屬，目下各

有差即日降雨六月京師及郡國四十大水大風雨雹

車觀記曰雹大如芋魁雞子風拔樹發屋

秋七月戊辰

〔集解〕惠棟曰黃長管云鄧騭討羌符曰

永初二年六月丁未朔二十日丙寅得車騎將軍莫府文書上郡屬國都尉中二千石守丞廷義縣令三水十月丁未到府受印綬發夫討叛羌忿忿如律令按紀元年夏先零種羌叛遣車騎將軍鄧騭征西校尉任尙討之二年正月騭爲羌所敗於冀西七月戊辰詔有羌貊畔戾之語其年十月庚寅任尙與羌戰於平襄十一月辛酉拜騭大將軍召還則紀所書日月及漢簡參攷之簡云六月丁未朔則二十日正得丙寅而戊辰乃此月二十二日也六月未既有戊辰則七月不應復有之而紀是年復有戊辰之詔蓋紀誤也又紀是年七月之後繼書閏月閏月有辛丑九月有庚子亦當復有辛丑則是年閏當在七月據漢簡六月丁未朔則後百二十日得兩丁未正合也而據紀於七月閏則丁未當在九月矣又與簡不合亦紀誤也

詔曰昔在帝王承天理民莫不據璇機玉衡呂齊七政

孔安國尙書注曰璇美玉也以璇爲機以玉爲衡二者正天文之器也七政日月五星各異其政制即今之渾儀〔集解〕惠棟曰僞孔氏尙書注出於東晉漢人所未見者不

常用孔說以注漢書且下云明晝災異陰陽之度旋機之數者各使指變以開則非如僞孔氏說明矣伏生書大傳曰旋機者何傳曰旋者還也機者幾也微也其變幾微而所動者大謂之旋機是故旋機謂之北極鄭元注曰七政謂春秋冬夏天文地理人道所以爲政也詔云承天治民則七政爲四時天地人非日月五星也

朕曰不德遵奉大業而陰陽差越變異竝見萬民饑流羌貊叛戾夙夜克己

詩小雅曰憂心京京爾雅曰京京憂也

間令公卿郡國舉賢良方正遠求博選開不諱之路冀得至謀呂鑿不逮

而所對皆循尙浮言無卓爾異聞

卓爾高遠之貌也論語曰如有所立卓爾

其百僚及郡國吏人

〔集解〕劉敞曰案此不成文理當有一令字何焯曰案下云各使指變以

聞則不當。有道術，明習災異陰陽之度，璇機之數者，各使指變。呂聞，二千石長吏，明呂詔書，博衍幽隱，有令字也。循

引也。朕將親覽，待呂不次，冀獲嘉謀。呂承天誠，閏月辛丑，廣川王常保薨，無子國除。癸未，蜀郡徼外羌舉

土內屬。東觀記曰：徼外羌薄申等八種舉衆降。九月庚子，詔王主官屬墨綬，下至郎謁者。續漢書曰：王國有中大、秩比六百石謁者，比四百石，郎中二百石。〔集解〕劉放曰：正文。

二漢諸侯王未嘗有主稱，蓋是國字。前書多言王國，此注中亦有王國文，主字作國，無疑也。或謂主指公主，案公主但有家令，無郎謁者。又此詔文但言國相移名，其非公主明矣。或者傳寫見後有王主之文，遂誤於此。其經明任博士。

居鄉里有廉清孝順之稱，才任理人者，國相歲移名，與計偕上尚書公府，通調令得外補。移書也。冬十

月庚寅，稟濟陰、山陽、玄菟貧民，征西校尉任尙，與先零羌戰于平襄，尙軍敗績。平襄縣，屬天水郡，故襄戎邑也。〔集解〕先謙曰：前漢天水

治平襄，今鞏昌府通渭縣。十一月辛酉，拜鄧騭爲大將軍，徵還京師，留任尙屯隴右。先零羌滇零稱天子於北地。滇零，羌名。

音丁田反。遂寇三輔，東犯趙魏，南入益州，殺漢中太守董炳。十二月辛卯，稟東郡、鉅鹿、廣陽、安定、定襄、沛國

貧民，廣漢塞外參狼羌降，分廣漢北部爲屬國都尉。是歲，郡國十二地震。

三年春正月庚子，皇帝加元服。元服，謂加冠也。士冠禮曰：「令月吉辰，加爾元服。」鄭玄云：「元首也。」大赦天下，賜王、主、貴人、公卿、百官、帛，各有

差。男子爲父後，及三老孝悌力田爵人二級。流民欲占者，人一級。遣騎都尉任仁討先零羌，不利。羌遂

破沒臨洮。縣名，屬隴西郡。〔集解〕先謙曰：「注見光武紀。」高句驪遣使貢獻。三月，京師大飢，民相食。壬辰，公卿詣闕謝。詔曰：「朕目

幼沖，奉承鴻業，不能宣流風化，而感逆陰陽，至今百姓飢荒，更相噉食，永懷悼歎。若墜淵水，咎在朕躬，

非羣司之責，而過自貶引，重朝廷之不德。貶引，謂貶損引過也。重音直用反。其務思變復，百助不逮。癸巳，詔曰：「鴻池假與

貧民。續漢書曰：「鴻池在洛陽東二十里，假借也，令得漁采其中。」壬寅，司徒魯恭免。夏四月丙寅，大鴻臚九江夏勤爲司徒。勤字伯宗，壽春人也。〔集解〕錢大昕

曰：按范史三公除拜，皆載於本紀，其人無傳者，則書郡以顯，用班史公卿表之例也。夏勤事已附見樊儼傳。延光二年，東萊劉熹爲司徒，熹名見馮魴傳。陽嘉二年，沛國施延爲太尉，延名見陳忠傳。於例皆不必書郡。惠棟曰：謝承書九江夏勤字伯宗，家貧，作履供食，常

作一量，屢斷，勤置不賣，出行，妻賣以糶米，勤歸，適炊熟，怪問何所得。米，妻以實告，勤責妻曰：「賣毀物，欺取其直也。」因棄不食，仕至司徒。三公巨國用不足，奏令吏人入錢穀，得爲關內侯。

虎賁、羽林郎五大夫。〔集解〕惠棟曰：通鑑作五官大夫。案王符潛夫論：「今時權時令募運民耕邊，入穀遠郡千斛，近郡二千斛，拜爵五大夫。」又光和二年義井碑陰稱五大夫者三十二人，蓋當時以資受爵，本有是官，始於永初，盛於

光。和司馬氏以後漢無是爵。增入官字。
殊違本義也。前書注五大夫第九爵。

官府吏。緹騎。營士各有差。

續漢志曰。執金吾緹騎二百人。緹。赤黃色。營士。謂五校營士也。漢官儀曰。屯騎。越騎。步兵。射聲。各領士七百人。長水

領士千三百六十七人。

己巳。詔上林廣成苑可墾闢者。賦與貧民。甲申。清河王虎威薨。五月丙申。封樂安王寵子延

平爲清河王。丁酉。沛王正薨。癸丑。京師大風。六月。烏桓寇代郡。上谷。涿郡。秋七月。海賊張伯路等寇略

緣海九郡。遣侍御史龐雄督州郡兵討破之。

〔集解〕惠棟曰。華陽國志將略。大鴻臚龐雄。字宣孟。巴郡宕渠人。雄事具法雄傳。

庚子。詔長吏案行在所

皆令種宿麥蔬食。務盡地力。其貧者給種餉。九月。鴈門烏桓及鮮卑叛。敗五原郡兵於高渠谷。

東觀記曰。戰九

原高梁谷。渠梁相類。必有誤也。

冬十月。南單于叛。圍中郎將耿种於美稷。十一月。遣行車騎將軍何熙討之。

〔集解〕劉攽曰。案文少一事字。

十二月辛酉。郡國九地震。乙亥。有星孛于天苑。

天苑。星名。〔集解〕惠棟曰。續志。彗星起天苑南。東北指長六七尺。色蒼白。天苑爲外軍。彗星出其南爲外兵也。

是歲。京師

及郡國四十一雨水雹。

續漢書曰。雹大如鴈子也。〔集解〕惠棟曰。續志。劉向以爲雹。陰脇陽也。是時太后以陰專陽政。

并涼二州大飢。人相食。

四年春正月元日會。徹樂。不陳充庭車。

每大朝會。必陳乘輿法物車蓋於庭。故曰充庭車也。以年飢。故不陳。〔集解〕惠棟曰。續漢書。詔曰。比年飢。加有軍旅。且勿設戲作樂。正。且無陳充庭車也。鄭元周禮

注曰漢朝上計律陳屬車於庭張衡東京賦曰孟春元日羣后旁展龍路充庭驚旂拂霓沈約曰舊有充庭之物臨軒大會陳輿車輦旌鼓於殿庭

辛卯詔曰三輔比遭寇亂人庶流冗除三年

逋租過更口算芻橐

前書音義曰天下人皆戍邊三日不可人人自行行者自戍三日不可往復還因便住一歲諸不行者出錢三百入官官以給戍者言過其本更之日故曰過更又曰人年十五至五十六出賦錢人百二十爲一

算稟上郡貧民各有差海賊張伯路復與勃海平原劇賊劉文河周文光等攻厭次

〔集解〕先謙曰今武定府惠民縣秦曰厭次漢

改富平後漢永平五年復故

殺縣令遣御史中丞王宗督青州刺史法雄討破之度遼將軍梁懂遼東太守耿夔討破

南單于於屬國故城丙午詔減百官及州郡縣奉各有差二月丁巳稟九江貧民南匈奴寇常山乙丑

初置長安雍二營都尉官

漢官儀曰京兆虎牙扶風都尉以涼州近羌數犯三輔將兵衛護園陲扶風都尉居雍縣故俗人稱雍營焉西羌傳云虎牙都尉居長安

乙亥詔曰自建初

來諸祇言它過坐徙邊者各歸本郡其沒入官爲奴婢者

〔集解〕惠棟曰漢律云罪人妻子沒爲奴婢黥面高誘呂覽注律坐父兄沒入爲奴此亦據漢律

免爲

庶人詔謁者劉珍及五經博士校定東觀五經諸子傳記百家藝術整齊脫誤是正文字

洛陽宮殿名曰南宮有東觀前

書曰凡諸子百六十九家言百家舉全數也

三月南單于降先零羌寇襄中

縣名屬漢中郡今梁州褒城縣〔集解〕先謙曰在今漢中府褒城縣東南

漢中太守鄭勤戰歿

〔集解〕惠棟曰華陽國志作庵棟案庵與勤古字通

徙金城郡都襄武

襄武縣名屬隴西郡今渭州縣〔集解〕錢大昕曰漢時郡所治亦曰都臧洪傳徙爲東郡太守都東武陽是也先謙曰襄武在今鞏昌府隴西縣西南金城郡治尤

吾今蘭州府皋蘭縣地也爲羌所偏故徙焉

戊子杜陵園火癸巳郡國九地震

〔集解〕惠棟曰九續志作四

夏四月六州蝗

東觀記曰司隸豫兗徐青冀六州〔集解〕惠棟曰續

志是時西羌寇亂軍衆征距連十餘年

丁丑大赦天下秋七月乙酉三都大水己卯騎都尉任仁下獄死九月甲申益州郡

地震冬十月甲戌新野君陰氏薨

東觀記曰新野君薨贈以玄玉赤紱贖錢三萬布三萬匹

使司空持節護喪事大將軍鄧騭罷

五年春正月庚辰朔日有食之

〔集解〕惠棟曰續志在虛八度正月王者統事之正日也虛空名也是時太后攝政帝不得行事俱不得其正若王者位虛故於正月陽不克示象也

丙戌郡國

十二地震己丑太尉張禹免甲申光祿勳李脩爲太尉

漢官儀曰脩字伯游豫州襄城人也〔集解〕惠棟曰世系云脩爲東郡太守太常卿武之子

二月丁卯

詔省減郡國貢獻太官日食先零羌寇河東遂至河內三月詔隴西徙襄武安定徙美陽

安定郡今涇州也美陽縣故城

在今武功縣北〔集解〕先謙曰在今乾州武功縣西南安定舊治高平縣今平涼府固原州

北地徙池陽

北地郡今寧州也池陽縣故城在今涇陽縣北也〔集解〕先謙曰在今西安府涇陽縣西北北地舊治馬嶺縣今地詳光武紀下

上郡徙衙

上郡今綏州也衙縣故城在同州白水縣東北左傳曰秦晉戰于彭衙即此也〔集解〕先謙曰在今廣漢府白水縣東北上郡舊治膚施縣今綏德州

夫餘夷犯塞殺傷吏人閏月丁

西赦涼州河西四郡。戊戌詔曰：朕不德，奉郊廟，承大業，不能興和降善，爲人祈福，災異蜂起，寇賊縱橫，夷狄猾夏。猾，亂也。夏，華夏也。戎事不息，百姓匱乏，疲於徵發，重巨蝗蟲滋生，害及成麥，秋稼方收，甚可悼也。

朕目不明，統理失中，亦未獲忠良。呂毗闕政，傳曰：顛而不扶，危而不持，則將焉用彼相矣。公卿大夫將

何，目匡救濟斯艱，承天誠哉。蓋爲政之本，莫若得人，褒賢顯善，聖制所先。濟濟多士，文王呂寧。

詩大雅之

也。思得忠良正直之臣，呂輔不逮，其令三公特進侯，中二千石，郡守，諸侯相，舉賢良方正，有道

術，達於政化，能直言極諫之士，各一人，及至孝行與衆卓異者。

〔集解〕先謙曰：官本無行字。

并遣詣公車，朕將親覽焉。

六月甲辰，樂成王巡薨。秋七月己巳，詔三公特進、九卿、校尉。

九卿：奉常、光祿、衛尉、太僕、鴻臚、廷尉、少府、宗正、司農。校尉：謂城門、屯騎、越騎、步兵、長水、胡騎等。〔集解〕劉

敞曰：注胡騎字誤，當作射聲。上三年注中甚明，說又在後。

舉列將子孫，明曉戰陳，任將帥者。九月，漢陽人杜琦、王信叛。

東觀記曰：琦自稱安漢將軍。

與先

零諸種羌攻陷上邽城。十二月，漢陽太守趙博遣客刺殺杜琦。

東觀記曰：漢陽故吏杜習手刺殺之。

是歲，九州蝗，郡國八雨

水。

六年春正月庚申，詔越巂置長利、高望、始昌三苑。又令益州郡置萬歲苑。犍爲置漢平苑。

犍爲，郡名。前書音義曰：故夜郎

國也。故城在今眉州隆山縣西北也。〔集解〕先謙曰：漢治夔道，今敘州府宜賓縣。後漢治武陽，今眉州彭山縣東。

三月十州蝗。夏四月乙丑，司空張敏罷。己卯，太常劉凱爲

司空。五月旱。丙寅，詔令中二千石下至黃綬，一切復秩，還贖賜爵各有差。戊辰，皇太后幸雒陽寺。錄囚

徒，理冤獄。六月壬辰，豫章員谿原山崩。

員谿，閩〔集解〕惠棟曰：續志各六十三所。

辛巳，大赦天下。遣侍御史唐喜討漢陽賊王

信，破斬之。

續漢志曰：傳信首詣洛陽，梟穀城門外。

冬十一月辛丑，護烏桓校尉吳祉下獄死。是歲，先零羌滇零死。子零昌復

襲僞號。

七年春正月庚戌，皇太后率大臣命婦謁宗廟。

喪服傳曰：命夫者，男子之爲大夫也。命婦者，其大夫之妻也。臣賢案：東觀續漢：袁山松、謝沈書，古今注皆云：六年正月甲寅謁宗廟。此云七年

庚戌，疑紀誤也。〔集解〕萬承蒼曰：按東觀下脫一記字。續漢下脫一書字。

二月丙午，郡國十八地震。夏四月乙未，平原王勝薨。丙申晦，日有食之。

〔集解〕惠棟曰。續志在東井一度。

五月庚子。京師大雩。

左傳曰。龍見而雩。杜預注云。謂建巳之月。龍星角亢見東方。雩。遠也。遠為百穀求膏雨。周禮司巫曰。若國大旱。則帥巫而舞雩。鄭玄注云。雩。吁也。嗟而求雨。〔集解〕何若璠曰。

公羊傳言雩則旱見。大雩者。大旱也。不得以常雩比。注引左傳非。

秋。護羌校尉侯霸。騎都尉馬賢。破先零羌。八月丙寅。京師大風。蝗蟲飛過洛陽。詔賜民爵。郡國被蝗傷稼十五已上。勿收今年田租。不滿者。自實際除之。九月。調零陵。桂陽。丹陽。豫章。

會稽租米。

零陵。郡名。今永州縣也。丹陽。郡名。今潤州江寧縣也。餘並見上。〔集解〕先謙曰。二漢丹陽治宛陵。今宣城。寧國二縣。漢宛陵地。

賑給南陽。廣陵。下邳。彭城。山陽。廬江。九江。

飢民。又調濱水縣穀輸救倉。

詩曰。搏狩于放。即此也。秦於此築太倉。亦曰敖庾。在今鄭州滎陽縣西北。東觀記曰。濱水縣彭城。廣陽。廬江。九江。穀九十萬斛。遂救倉。

元初元年春正月甲子。改元元初。賜民爵人二級。孝悌力田人三級。爵過公乘。得移與子。若同產。同產

子。民脫無民數。及流民欲占者。人一級。鰥寡孤獨。篤瘡貧不能自存者。穀人三斛。貞婦帛人一匹。二月

己卯。日南地坼。

東觀記曰。坼長百八十二里。廣五十六里。〔集解〕惠棟曰。考異云。二月己卯。三月癸酉。日食。本志及表記皆云。三月己卯。日南地坼。案長歷。是年二月壬辰朔。無己卯。三月壬戌朔。癸酉十二日。不應日食。二月當是乙卯。三月當

是癸亥。

三月癸酉。日有食之。夏四月丁酉。大赦天下。京師及郡國五旱蝗。詔三公。特進。列侯。中二千石。二

千石郡守舉敦厚質直者各一人。五月先零羌寇雍城。六月丁巳河東地陷。秋七月蜀郡夷寇蠶陵。殺

縣令。蠶陵縣屬蜀郡。故城在今翼州翼水縣西。有蠶陵山。因以為名焉。〔集解〕先謙曰。在今松潘廳疊溪營西。九月乙丑太尉李脩罷。先零羌寇武都。漢中絕隴道。辛

未。大司農山陽司馬苞為太尉。謝承書曰。苞字仲成。東鄉人也。冬十月戊子朔。日有食之。〔集解〕惠棟曰。續志在尾十度。尾為後宮。繼嗣之宮也。是時上甚幸閹貴人將

立。故示不善。將為繼嗣禍也。先零羌敗涼州刺史皮陽於狄道。〔集解〕惠棟曰。西羌傳作皮楊。乙卯詔除三輔三歲田租。更賦口算。解見光武

也。紀十一月是歲郡國十五地震。

二年春正月詔稟三輔及并涼六郡流冗貧人。蜀郡青衣道夷奉獻內屬。青衣道縣名。在大江青衣二水之會。今嘉州龍遊縣也。東觀記曰。青衣蠻

夷堂律等歸義。〔集解〕先謙曰。今雅州府名山縣。修理西門豹所分漳水為支渠。呂溉民田。史記曰。西門豹為鄴令。發人鑿十二渠。引水灌田。所鑿之渠。在今相州鄴縣西也。二月

戊戌遣中謁者收葬京師客死無家屬及棺槨朽敗者。皆為設祭。其有家屬尤貧無呂葬者。賜錢人五

千。辛酉詔三輔河內河東上黨趙國太原各修理舊渠。通利水道。呂溉公私田疇。前書音義曰。美田曰疇。三月癸

亥京師大風先零羌寇益州遣中郎將尹就討之夏四月丙午立貴人閻氏爲皇后五月京師旱河南

及郡國十九蝗甲戌詔曰朝廷不明庶事失中災異不息憂心悼懼被蝗自來七年于茲而州郡隱匿

裁言頃畝裁與纒同古字通今羣飛蔽天爲害廣遠所言所見寧相副邪三司之職內外是監既不奏聞又無

舉正天災至重欺罔辜大今方盛夏且復假貸巨觀厥後假貸猶寬容也盛夏不可即加刑罰故且寬容其務消救災眚安輯黎

元六月丙戌太尉司馬苞薨謝承書曰苞爲太尉常食糜飯著布衣妻子不歷官舍會司徒楊震爲樊豐等所譖連及苞苞乞骸骨未見聽以疾薨也〔集解〕何焯曰永寧元年十二月劉愷罷楊震始爲司徒苞之薨在

其前六年甚矣謝書之失實也洛陽新城地震裂秋七月辛巳太僕太山馬英爲太尉英字文思兗州蓋縣人也八月遼東鮮卑圍無慮

縣屬遼東郡慮音閣有醫無閭山因以爲名焉〔集解〕何若瑤曰慮閭通作臨淮郡取慮音秋閭釋地醫無閭漢志閭作慮先謙曰無慮今錦州府廣寧縣九月又攻夫犁營殺縣令夫犁縣名屬遼東屬國〔集解〕

惠棟曰鮮卑傳作扶黎章懷注縣名屬遼東屬國胡注以爲兩漢無此縣棟案遼東屬國有昌黎縣都尉所治昌黎即前漢之交黎也夫交相似而誤耳俗本郡國志昌黎訛昌遼交黎訛天遼辨見本志注

心爲王者明久失位也〔集解〕冬十月遣中郎將任尙屯三輔詔郡國中都官繫囚減死一等勿笞詣馮翊扶風屯

妻子自隨。占著所在。女子勿輸。

不輸作也。

亡命死罪。目下贖各有差。其吏人聚為盜賊。有悔過者。除其罪。

〔集解〕先謙曰。官本無過字。

乙未。右扶風仲光。安定太守杜恢。京兆虎牙都尉耿溥。與先零羌戰於丁奚城。

東觀記曰。至北地靈州丁

奚城也。〔集解〕先謙曰。丁奚城在今寧夏府靈州界。

光等大敗。竝沒。左馮翊司馬鈞下獄自殺。

東觀記曰。安定太守杜恢與鈞等并威擊羌。恢乘勝深入為虜所害。鈞擁兵不救。收鈞下獄也。

十

一月庚申。郡國地震。

〔集解〕先謙曰。官本國下有十字。

十二月。武陵澧中蠻叛。州郡擊破之。

東觀記曰。蠻田山。高少等攻城。殺長吏。州郡募五里蠻夷六亭兵。追擊山

等皆降。賜五里六亭渠率金帛。各有差。

己酉。司徒夏勤罷。庚戌。司空劉愷為司徒。光祿勳袁敞為司空。

三年春正月甲戌。修理太原舊溝渠。溉灌官私田。

酈元水經注曰。昔智伯邊晉水以灌晉陽。後人踵其遺跡。蓄以為沼。分為二派。北瀆即智氏故渠也。其瀆乘高。東北注入晉陽城。以溉灌

東南出城。注於汾水。今所修溝渠。即謂此。

東平陸上言木連理。

東平陸。縣名。古厥國也。屬東平國。今兗州平陸縣也。序例曰。凡瑞應自和帝以上。政事多美。近於有實。故書見於某處。自安帝以下。王道衰缺。容或虛飾。故書某處上言

也。〔集解〕先謙曰。東平陸在今兗州府汶上縣北。

蒼梧鬱林。合浦蠻夷反叛。

蒼梧郡。今梧州縣也。合浦郡。今廉州縣也。〔集解〕先謙曰。蒼梧郡。今梧州府蒼梧縣。合浦郡。今廉州府合浦縣。

二月。遣侍

御史任遠。督州郡兵討之。

遠音丁角反。

郡國十地震。三月辛亥。日有食之。

〔集解〕惠棟曰。續志。在婁五度。史官不見。遠東以聞。

丙辰。赦蒼梧。

鬱林合浦南海夷人爲賊所迫者夏四月京師旱〔集解〕惠棟曰劉映云時西羌寇亂軍屯相繼連十餘年五月武陵蠻復叛州郡討破

之癸酉度遼將軍鄧遵率南匈奴擊先零羌於靈州破之靈州縣名屬北地郡故城在今慶州馬領縣西北〔集解〕先謙曰官本馬作烏越雋徼外夷

舉種內屬六月中郎將任尙遣兵擊破先零羌於丁奚城秋七月武陵蠻復叛州郡討平之緱氏地坼

九月辛巳趙王宏薨冬十一月蒼梧鬱林合浦蠻夷降丙戌初聽大臣二千石刺史行三年喪文帝遺詔以日

易月於後大臣遂以爲常至此復遵古制也癸卯郡國九地震十二月丁巳任尙遣兵擊破先零羌於北地

四年春二月乙巳朔日有食之〔集解〕錢大昕曰五行志作乙亥惠棟曰續志在奎九度史實不見七郡以聞奎主武庫兵其十月八日壬戌武庫火燒兵器也乙卯大赦天下壬

戌武庫災夏四月戊申司空袁敞薨己巳鮮卑寇遼西遼西郡兵與烏桓擊破之遼西郡故城在今平州東陽樂城是五月

丁丑太常李邵爲司空〔集解〕官本考證曰監本邵訛邵今改正六月戊辰三郡雨雹〔集解〕惠棟曰續志大如籽杯及雞子殺六畜秋七月辛丑陳王鈞

薨京師及郡國十雨水詔曰今年秋稼茂好垂可收穫而連雨未霽霽雨止也懼必淹傷夕惕惟憂思念厥

咎。夫霖雨者，人怨之所致。

左傳曰：凡雨三日以上爲霖。京房別對災異曰：人勞怨苦，雨水絕道。

其武吏呂威暴下，文吏妄行苛刻，鄉吏因公生

姦，爲百姓所患苦者，有司顯明其罰，又月令仲秋養衰老，授几杖，行糜粥。

鄭玄注云：助老氣也。行猶賜也。《集解》惠棟曰：漢法，民年九十以上有

受鬻法，粥，淳糜也。呂氏春秋八月紀曰：養衰老，授几杖，行糜粥飲食。高誘曰：今之八月，比戶賜高年鳩杖粉棗是也。

方今案比之時，

東觀記曰：方今八月案比之時，謂案驗戶口。次比之也。《集解》惠棟曰：鄭元周禮注曰：今時八月案比，備

禮注曰：仲秋之月，縣道皆案戶比民。皇后紀曰：漢法常因八月算人。

郡縣多不奉行，雖有糜粥，糠粃相半。

《集解》惠棟曰：東觀記，糠粃泥土相半，不可飲食。

長吏怠事，莫有

躬親，甚違詔書養老之意。其務崇仁恕，賑護寡獨，稱朕意焉。九月，護羌校尉任尙使客刺殺叛羌零昌。

冬十一月己卯，彭城王恭薨。十二月，越雋夷寇遂久，殺縣令。

遂久縣屬越嶲郡。《集解》惠棟曰：通鑑考異云：西南夷傳云五年叛，先謙曰：縣在今寧遠府鹽源縣西。

甲子，任尙及騎都尉馬賢與先零羌戰于富平上河，大破之。

富平縣屬北地郡，故城在今靈州回樂縣西南。鄒元水經注曰：河水於此有上河之名也。《集解》先謙曰：

富平在今寧夏府靈州西南。

虔人羌率衆降。

虔人，羌號也。東觀記曰：虔人種羌大豪恬狼等詣度遼將軍降。

隴右平，是歲郡國十三地震。

五年春正月，越雋夷叛。二月壬戌，中山王憲薨。三月，京師及郡國五旱，詔稟遭旱貧人。夏六月，高句驪

與穢貂寇玄菟。

郡名在遼東。

秋七月，越鶻蠻夷及旄牛豪叛，殺長吏。

旄牛縣屬蜀郡。華陽國志曰：在印嶽山表也。〔集解〕先謙曰：在今雅州府清溪縣南。

丙子。

詔曰：舊令制度，各有科品。

漢令今亡。〔集解〕惠棟曰：蔡邕表志曰：永平初，詔書下車服制度，中宮皇太子親服重繒厚練，浣己復御，率下以儉。諸侯王以下至於士庶，嫁娶被服，各有科品，當傳萬世，揚光聖德。桓紀永興二

年。詔曰：申明舊令，如永平故事，是也。

欲令百姓務崇節約，遭永初之際，人離荒厄，朝廷躬自菲薄，去絕奢飾，食不兼味，衣無

二綵，比年雖獲豐穰，尙乏儲積，而小人無慮，不圖久長，嫁娶送終，紛華靡麗，至有走卒奴婢，被綺縠，著

珠璣。

綺，文繒、縠、紗也。璣，珠不圓者也。

京師尙若斯，何呂示四遠，設張法禁，懇惻分明，而有司惰任，訖不奉行。秋節既立，鶯

鳥將用。

鶯鳥，謂鷹鷂之類也。廣雅曰：鶯，執也。以其能服執衆鳥。月令孟秋：鷹乃祭鳥。始用行戮，言有司怠惰，不遵法令，將欲糾其罪，順秋行誅，同鷹鷂之鶯擊也。

且復重申，呂觀後效。八月丙申朔。

日有食之。

〔集解〕惠棟曰：續志在翼十八度，史官不見，張掖以聞。

鮮卑寇代郡，殺長吏。冬十月，鮮卑寇上谷。十二月丁巳，中郎將任尙

有舉，棄市。是歲，郡國十四地震。

六年春二月乙巳，京師及郡國四十二地震，或坼裂，水泉涌出。壬子，詔三府選掾屬高策，能惠利牧養

者各五人。光祿勳與中郎將選孝廉郎寬博有謀清白行高者五十人。出補令長丞尉。乙卯詔曰。夫政

先京師。後諸夏。月令仲春。養幼小。存諸孤。季春賜貧窮。賑乏絕。省婦使。表貞女。所曰順陽氣。崇生長也。

鄭玄云。婦使。謂組紉之事。其賜民尤貧困。孤弱單獨。穀人三斛。貞婦有節義十斛。甄表門閭。旌顯厥行。節謂志操。義謂推讓。甄。明也。旌。章也。

里門謂之閭。旌表者。若今樹闕而顯之。三月庚辰。始立六宗。祀於洛城西北。續漢志曰。元初六年。以尙書歐陽家說。謂六宗者在天地四方之中。爲上下四方之宗。以元始中故事。謂六宗易六子之氣。日

月。雷公。風伯。山澤者。非也。乃更六宗。祠於戌亥之地。禮比大社也。夏四月。會稽大疫。遣光祿大夫將太醫循行疾病。賜棺木。漢官儀。大醫令一人。秩六百石。〔集解〕惠

棟曰。鄭衆周禮注。今時一室二尸。則官與之棺。漢金布令曰。不幸死。死所爲橫。櫛歸所居縣。賜以衣棺。除田租口賦。沛國勃海大風雨雹。五月。京師旱。六月丁丑。樂

成王賓薨。丙戌。平原王得薨。秋七月。鮮卑寇馬城。搜神記曰。昔秦人築城於武周塞。以備胡。將成而崩者數矣。有馬馳走。周旋反覆。父老異之。因依以築城。城乃不崩。遂以名焉。其故城。今

朔州也。〔集解〕通鑑胡注。案續志。搜神記所云。乃雁門郡之馬邑。此乃代郡之馬城。注。誤。惠棟曰。案十三州志。馬城在高柳東二百四十里。先謙曰。在今宣化府懷安縣東。度遼將軍鄧遵率南單于擊破之。

九月癸巳。陳王竦薨。十二月戊午朔。日有食之。既。〔集解〕惠棟曰。續志。在須女十一度。如昏狀。女主惡之後二歲。太后崩。郡國八地震。是歲。永昌。

益州、蜀郡夷叛，與越雋夷殺長吏，燔城邑。益州刺史張喬討破降之。

永寧元年春正月甲辰，任城王安薨。三月丁酉，濟北王壽薨。車師後王叛，殺都司馬。沈氏羌寇張掖。

羌號也。續漢志曰：羌在上郡、西河者，號沈氏也。夏四月丙寅，立皇子保為皇太子，改元永寧。大赦天下，賜王、主、三公、列侯、下至郎、吏。

從官金帛，又賜民爵。及布粟各有差。己巳，紹封陳王羨子崇為陳王，濟北王子萇為樂成王，河間王子

翼為平原王。壬午，琅邪王壽薨。六月，沈氏種羌叛，寇張掖。護羌校尉馬賢討沈氏羌，破之。秋七月乙酉

朔，日有食之。〔集解〕惠棟曰：續志在張十度，史官不見酒泉以開。冬十月己巳，司空李郃免。癸酉，衛尉廬江陳襄為司空。襄字伯仁，舒縣人也。自

三月至是月，京師及郡國三十三大風雨水。十二月，永昌徼外捍國遣使貢獻。捍音擅。戊辰，司徒劉愷罷。

遼西鮮卑降。癸酉，太常楊震為司徒。是歲，郡國二十三地震。夫餘王遣子詣闕貢獻。燒當羌叛。

建光元年春正月，幽州刺史馮煥。〔集解〕惠棟曰：馮煥殘碑云：煥字平侯，巴郡宕渠人也。率二郡太守討高句驪、穢貊，不克。二月癸亥，

大赦天下。賜諸園貴人。

謂宮人無子守園陵者也。

王主公卿。目下錢布各有差。目公卿校尉。尚書子弟一人為郎舍人。

三月癸巳。皇太后鄧氏崩。丙午。葬和熹皇后。丁未。樂安王寵薨。戊申。追尊皇考清河孝王曰孝德皇。皇

妣左氏曰孝德皇后。祖妣宋貴人曰敬隱皇后。夏四月。穢貊復與鮮卑寇遼東。遼東太守蔡諷。

〔集解〕惠棟曰。

諷一作風。

追擊戰歿。丙辰。呂廣川并清河國。丁巳。尊孝德皇元妃耿氏為甘陵大貴人。

甘陵。孝德皇后之陵也。因為縣。今貝州清河縣東。

也。甲子。樂成王萇有辜。廢為臨湖侯。

續漢書曰。坐輕慢不孝。故貶臨湖縣名。屬廬江郡也。〔集解〕惠棟曰。通鑑作蕪湖侯。

己巳。令公卿特進侯。中二千石。

二千石。郡國守相。舉有道之士各一人。賜繆寡孤獨貧不能自存者穀人三斛。甲戌。遼東屬國都尉龐

奮。〔集解〕惠棟曰。考異云。此延光元年事也。紀誤以建為延。

承僞璽書。殺玄菟太守姚光。五月庚辰。特進鄧騭及度遼將軍鄧遵。竝呂譖

自殺。

乳母王聖與中黃門李閏等。誣告尚書鄧訪等謀廢立宗族。皆免官。騰與遵皆自殺。

丙申。貶平原王翼為都鄉侯。秋七月己卯。改元建光。大赦天下。

壬寅。太尉馬英薨。

〔集解〕惠棟曰。考異云。傳作策罷。誤。棟案後漢無馬英傳。當據劉惔傳也。

八月。護羌校尉馬賢討燒當羌於金城。不利。甲子。前司

徒劉愷爲太尉。鮮卑寇居庸關。九月，雲中太守成嚴擊之，戰歿。鮮卑圍烏桓校尉於馬城，度遼將軍耿

襲救之。戊子，幸衛尉馮石府。

續漢書曰：賜賞寶劍、玉珎、雜繒、布等。〔集解〕劉放曰：按文多一賞字，贊語注可驗。

是秋，京師及郡國二十九雨水。

〔集解〕惠棟曰：續志。

是時羌反，久未平。百姓屯戍不解愁苦。

冬十一月己丑。

〔集解〕惠棟曰：續志爲九月己丑。

郡國三十五地震。

〔集解〕惠棟曰：續志是時安帝不能明察，信宮人及阿母聖等譏言破壞鄧太后家，於是專聽

信聖及宦者中常侍，皆得擅寵也。

或圻裂。詔三公以下各上封事。陳得失，遣光祿大夫案行，賜死者錢，人二千。除今年田

租，其被災甚者勿收口賦。鮮卑寇玄菟，庚子，復斷大臣二千石以上服三年喪。

〔集解〕何焯曰：從尙書令祝諷尙書孟布議也。見陳忠傳。

癸卯，詔三公特進侯、卿、校尉、舉武猛堪將帥者各五人。

〔集解〕惠棟曰：潛夫論：茂才、孝廉、賢良、方正、武猛治劇，此皆名自命而號自定也。

丙午，詔京師

及郡國被水雨傷稼者，隨頃畝減田租。甲子，初置漁陽營兵。

伏侯古今注曰：置營兵千人也。

冬十二月，高句驪、馬韓、穢貊

圍玄菟城。夫餘王遣子與州郡并力討破之。

延光元年春二月，夫餘王遣子將兵救玄菟。

夫餘王子尉仇台也。〔集解〕惠棟曰：高麗傳云尉仇。

擊高句驪、馬韓、穢貊，破之。遂遣使

貢獻三月丙午改元延光大赦天下還徙者復戶邑屬籍賜民爵及三老孝悌力田人二級加賜鰥寡

孤獨篤瘠貧不能自存者粟人二斛貞婦帛人二匹夏四月癸未京師郡國二十一雨雹〔集解〕惠棟曰續志大如雞子

傷稼是時帝信譏無辜死者多癸巳司空陳褒免〔集解〕惠棟曰陳忠傳褒以地震策免五月庚戌宗正彭城劉授為司空漢官儀曰宗正卿秩中二千石授字孟春徐州武原

人也己巳改樂成國為安平封河間王開子得為安平王六月郡國蝗秋七月癸卯京師及郡國十三地

震高句驪降虔人羌叛攻殺羅城穀羅屬西河郡〔集解〕先謙曰在今套內之南接榆林邊界度遼將軍耿夔討破之八月戊子陽陵園

寢火景帝陵也〔集解〕惠棟曰續志凡災發於先陵此太子將廢之象也若曰不當廢太子以自翦則火不當害先陵之寢也辛卯九真言黃龍見無功無功縣屬九真郡己亥詔三公

中二千石舉刺史二千石令長相視事一歲自上至十歲清白愛利能救身率下防姦理煩有益於人

者無拘官簿清白謂貞正也愛利謂愛人而利之也無拘官簿謂受超遷之不拘常課也〔集解〕劉攽曰注案文受當作將刺史舉所部郡國太守相舉墨綬隱親悉心

勿取浮華墨綬謂令長之屬也隱親猶親自隱也悉盡也言令三公以下各舉所知皆隱審盡心勿取浮華不實者〔集解〕何若瑤曰公羊序故遂隱括疏隱謂隱審也苟子彌國篇楊注敦比精審躬親之謂九月甲戌郡

國二十七地震。冬十月，鮮卑寇雁門，定襄。十一月，鮮卑寇太原，燒當羌豪降。十二月，九真徼外蠻夷貢獻內屬，是歲京師及郡國二十七雨水，大風殺人，詔賜壓溺死者年七歲以上錢人二千，其壞敗廬舍，死亡穀食粟人三斛，又田被淹傷者，一切勿收田租，若一家皆被災害而弱小存者，郡縣爲收斂之，度人羌反攻殺羅城，度遼將軍耿夔討破之。

二年春正月，旄牛夷叛，寇靈關，殺縣令。

靈關道屬越嶲郡（集解）先謙曰：在今雅州府蘆山縣西北。

益州刺史、蜀郡西部都尉討之，詔選

三署郎。

三署解見和帝紀。

及吏人能通古文尚書、毛詩、穀梁春秋各一人。丙辰，河東、潁川大風。夏六月壬午，郡

國十一大風，九真言嘉禾生。

東觀記曰：禾百五十六本，七百六十八穗。

丙申，北海王督薨。秋七月，丹陽山崩。

（集解）惠棟曰：續志崩四十七所。

八月

庚午，初令三署郎通達經術，任牧民者，視事三歲，自上皆得察舉。九月，郡國五雨水。冬十月辛未，太尉

劉愷罷。甲戌，司徒楊震爲太尉，光祿勳東萊劉熹爲司徒。

熹字季明，青州長廣人也。

十一月甲辰，校獵上林苑，鮮卑

敗南匈奴於曼柏。是歲分蜀郡西部為屬國都尉。京師及郡國三地震。

三年春二月丙子。東巡狩。丁丑。告陳留太守。

〔集解〕惠棟曰。獨斷云。詔書者。詔告也。其文曰。告某官。官如故事。是為詔書。

祠南頓君。光武皇帝于濟

陽。復濟陽今年田租芻橐。庚寅。遣使者祠唐堯於成陽。

古成伯國也。故城在今濮州雷澤縣北。述征記云。成陽東南有堯冢。〔集解〕先謙曰。成陽在今曹州府濮州東南。堯陵在

今荷澤縣東北五十里。舊雷澤城西與濮州連界。

戊子。濟南上言。鳳皇集臺縣丞霍收舍樹上。

臺縣屬濟南郡。故城在今齊州平陵縣北。〔集解〕先謙曰。在今濟南府歷城縣東北三十里。

賜臺長帛五十四匹。丞二十匹。

〔集解〕惠棟曰。符瑞志。賜臺長疑帛十五匹。收二十匹。疑臺長名。收。即霍收也。案下文云。尉牛之蓋十四匹也。五十四當作十五匹。黃山曰。瑞見臺縣。不應賜長反少於丞。章紀。賜帛。丞尉皆半。

此丞尉尉因鳳集丞舍也。志數之異不可據。惠說殆非。

尉半之。吏卒人三匹。鳳皇所過亭部。無出今年田租。賜男子爵人二級。辛卯。幸

太山。柴告岱宗。

太山。王者告代之處。為五嶽之宗。故曰岱宗。燔柴以告天。

齊王無忌。北海王普。樂安王延來朝。

〔集解〕何焯曰。北海王普於上年薨。此乃恭王翼嗣位來朝。普當作

壬辰。宗祀五帝于汶上明堂。癸巳。告祀二祖。六宗。

二祖。高祖。光武也。六宗。謂孝文曰太宗。孝武曰代宗。孝宣曰中宗。孝元曰高宗。孝明曰顯宗。孝章曰肅宗。〔集解〕何焯曰。六宗

為太宗。世宗。中宗。顯宗。肅宗。穆宗也。中興後。孝元不復稱宗。孝和。穆宗之號。至獻帝時始省。注誤。

勞賜郡縣作樂。三月甲午。陳王崇薨。戊戌。祀孔子及七十二弟

子於闕里。自魯相、令、丞、尉及孔子親屬婦女諸生悉會，賜褻成侯。呂下帛各有差，還幸東平。至東郡，歷

魏郡、河內。壬戌，車駕還京師。幸太學。是日，太尉楊震免。夏四月乙丑，車駕入宮。假于祖禰。假音格。格至也。壬戌，

沛國言甘露降豐縣。戊辰，光祿勳馮石爲太尉。五月，南匈奴左日逐王叛，使匈奴中郎將馬翼討破之。

日南徼外蠻夷內屬。六月，鮮卑寇玄菟。庚午，閩中山崩。閩中縣屬巴郡。臨閩中水，因以爲名。今隆州縣也。〔集解〕先謙曰：今保寧府閩中縣。唐隆州，先天後改閩州。辛

未，扶風言白鹿見雍。辛巳，遣侍御史分行青、冀二州災害，督錄盜賊。秋七月丁酉，初復右校令。左校丞

官。續漢志曰：將作大匠屬官有左右校，皆有令丞。中興未置，今始復。日南徼外蠻豪帥詣闕貢獻。馮翊言甘露降頻陽衙。頻陽縣故城，在今雍州美原縣西南衙見上。

穎川上言木連理。〔集解〕惠棟曰：符瑞志：甘露降左馮翊頻陽。左馮翊衙有木連理。穎川定陵有木連理。蓋左馮翊之衙縣。穎川之定陵皆有木連理也。如紀言則甘露降頻陽及衙矣。此省文之訛。白鹿麒麟見

陽翟。〔集解〕惠棟曰：符瑞志：白鹿見左馮翊。麒麟見陽翟。鮮卑寇高柳。梁王堅亮。明帝孫節王暢之子也。八月辛巳，大鴻臚耿寶爲大將軍。戊子，

穎川上言麒麟一，白虎二，見陽翟。九月丁酉，廢皇太子保爲濟陰王。常侍江京等譖之也。乙巳，詔郡國中都官死

皇繫囚減罪一等。詔敦煌、隴西及度遼營。

漢官儀曰：度遼將軍屯五原曼柏縣也。〔集解〕劉攽曰：正文詔敦煌案文詔當作詣。

其右趾目下及亡命者。

贖各有差。辛亥，濟南上言黃龍見歷城。

歷城縣屬濟南國，今齊州縣也。〔集解〕先謙曰：今濟南府治。

庚申晦，日有食之。

〔集解〕錢大昕曰：五行志作庚寅。惠棟曰：續志

在氏十五度，氏為宿宮，中宮也。時上聽讒言廢太子。

冬十月，行幸長安。壬午，新豐上言鳳皇集西界亭。

今新豐縣西南有鳳皇原，俗傳云：卽此時鳳皇所集之處也。〔集解〕惠棟曰：符

瑞志：集新豐西界槐樹。先謙曰：新豐在今西安府臨潼縣東北。

丁亥，會三輔守令掾史於長安，作樂。閏月乙未，祠高廟，遂有事十一陵。歷觀

上林、昆明池，遣使者祠太上皇于萬年，呂中牢祠蕭何、曹參、霍光。十一月乙丑，至自長安。十二月乙未，

琅邪言黃龍見諸縣。

諸縣名，故城在今密州諸城縣西南。〔集解〕惠棟曰：續志：是時安帝聽讒，免太尉楊震，震自殺，又帝獨有一子，以為太子，信讒廢之，是皇不中，故有龍變。是時多用佞媚，故以為瑞應。先謙曰：諸在今青州府諸城

縣西南三十里。

是歲，京師及諸郡國二十三日地震，三十六雨水，疾風雨雹。

〔集解〕劉攽曰：案文衍一諸字，史文未嘗有如此者。

四年春正月壬午，東郡言黃龍二，麒麟一，見濮陽。

縣名，屬東郡，卽古昆吾國，帝顓頊之墟，今濮州縣。〔集解〕先謙曰：在今大名府開州西南舊志二十里。

二月乙

亥，下邳王衍薨。甲辰，南巡狩。三月戊午朔，日有食之。

〔集解〕惠棟曰：續志：在胃十二度。隴西酒泉，朔方各以狀上，史官不覺。

庚申，幸宛，帝不豫，辛

丙令大將軍耿寶行太尉事。祠章陵園廟。告長沙零陵太守。祠定王。節侯鬱林府君。乙丑。自宛還。丁卯。幸葉。帝崩于乘輿。年三十二。祕不敢宣。所在上食。問起居如故。

〔集解〕惠棟曰。闕后與兄衛尉顯。中常侍江京等。共隱匿。不令羣臣知。上崩。遣司徒劉熹等分詣郊。

廟告天。請命載入北宮。庚午夕發喪。明年張衡上封事曰。方今道路流言。僉曰。孝安皇帝南巡路崩。從駕左右行懸之臣。欲徵諸國王子。故不發喪。衣車還宮。僞遣大臣並禱請命。是也。庚午。還宮。辛未夕。乃發喪。尊皇

后爲皇太后。太后臨朝。吕后兄大鴻臚閭顯爲車騎將軍。定策禁中。立章帝孫濟北惠王壽子北鄉侯

懿。東觀記及續漢書。並曰北鄉侯。攢今作懿。蓋二名。甲戌。濟南王香薨。光武曾孫高王錯之子也。乙酉。北鄉侯卽皇帝位。夏四月丁酉。太尉馮石爲

太傅。石字次初。荊州湖陽人也。馮魴之孫。司徒劉熹爲太尉。參錄尙書事。前司空李郃爲司徒。辛卯。大將軍耿寶。中常侍樊

豐。侍中謝暉。〔集解〕錢大昕曰。后妃傳。暉爲虎賁中郎將。非侍中也。侍中當是加官。周廣。乳母野王君王聖。坐相阿黨。豐。暉。廣。下獄死。寶自殺。聖

徙鴈門。己酉。葬孝安皇帝于恭陵。在今洛州東北二十七里。伏侯古。今注曰。陵山周二百六十丈。高十五丈也。廟曰恭宗。六月乙巳。大赦天下。詔先

帝巡狩所幸。皆半入今年田租。秋七月。西域長史班勇。西域都護之長史也。擊車師後王。斬之。丙午。東海王肅薨。

冬十月丙午越嵩山崩。

〔集解〕惠棟曰續志殺四百餘人丙午天子會日也是時闔太后專政其十一月中黃門孫程等殺江京立順帝誅閹后兄弟

辛亥少帝薨。

〔集解〕黃山曰少帝書薨少者未成乎帝

之名史記呂后紀兩立孝惠子皆書少帝未復書誅班書從之蓋未成乎帝則書薨可書誅亦可此史例亦是漢制或據春秋書子般卒公羊謂未踰年不稱君范史書少帝爲誤非也諸侯踰年而後即位故春秋公即位必在元年未即位不書公天子極前即位大斂後稱王白虎通引願命爲證故景王四月崩春秋六月即書王猛不待踰年明矣

是冬京師大疫。

論曰孝安雖稱尊享御而權歸鄧氏至乃損徹膳服克念政道然令自房帷威不逮遠始失根統歸成

陵敵遂復計金授官。

永初元年令吏人入錢穀得至關內侯也

移民逃寇。

羌既轉盛詔隴西徙襄武定安徙美陽北地徙池陽

推咎台衡呂答天眚。

台謂三台三公象也衡平也言

天下所取平伊尹爲阿衡卽其義也

既云哲婦亦惟家之索矣。

哲智也索盡也謂鄧后專制國柄也詩曰哲夫成城哲婦傾城書曰牝雞之晨惟家之索〔集解〕汪文臺曰御覽九十一引薛書云安帝之初委政太后十有

餘年及親萬機佞邪始進關官用事寵加私愛阿母王聖勢傾朝廷遂樹姦黨搖動儲副山陵未乾蕭牆作難兵交禁省社稷殆危

贊曰安德不升。秕我王度。

秕穀不成也諡政教之穢左傳祈招之詩曰思我王度〔集解〕惠棟曰晉語悼公言於諸大夫曰抑人之有元君將稟命焉若稟命而棄之是焚穀也其稟不材是穀不成也韋昭云不材不可用

也不成謂秕也晉語又云軍無稅政章昭云秕以穀喻也

降奪儲嫡開萌邪蠹。

儲嫡謂太子也邪蠹謂江京等也

馮石承歡楊公逢怒。

續漢志曰上賜衛尉馮石寶劍玉玦維繒布等故曰承歡

也。楊公、楊震、逢怒、謂樊豐等譖震。云有悲恨心。帝免之。〔集解〕劉敞曰。注續漢志。案前又作漢書。今此作志。志不記如此事。作書是亂。政化陵遲。漢祚衰微。自此而始。故言遂寢天路也。

彼日而微。遂寢天路。

日。君道也。微。不明也。寢。陰陽相侵之氣也。詩曰。彼月而微。此日而微。言君道闇

後漢書集解卷五按補

安帝紀恭宗孝安皇帝集解何焯曰至刪之不盡也

案此解應在下注祐之字曰福下惠氏引說文應即次於其後紀文諱祐二字不應離句

好學史書注史書者至可以教幼童

王鳴盛曰藝文志史籍十五篇此云五十五篇上五字衍周壽昌曰藝文志注載史籍大篆十五篇建武時已亡六篇則此時僅存九篇亦不得仍言十五篇惟志載漢

與閭里書師合蒼頡爰歷博學三篇斷六十字以為一章凡五十五章并為蒼頡篇與此數適合疑章懷緣此誤說也又清河王慶傳安帝生母左小娥善史書蓋即帝學所本

和帝稱之

官本稱上有常字

數見禁中集解數燕見在中

聚珍本東觀記在作省

大行皇帝不永天年注穀梁傳曰大行受大名

侯康曰見穀梁桓十八年傳注

九月庚子謁高廟辛丑謁光武廟六州大水己未遣謁者分行虛實舉災害賑乏絕丙寅葬孝殤皇帝

于康陵

周壽昌曰由下水初元年春正月癸酉朔逆推至延平元年秋八月癸丑計八月當為癸卯朔即中有小盡三月亦當為丙午朔則癸丑為初八日丙寅為二十一日不得到九月疑九字有誤故庚子辛丑己未日辰顛倒錯出也

乙亥隕石于陳留

乙亥官本作乙酉誤續志及通鑑並作乙亥也

罷魚龍曼延百戲注漢官典儀曰

儀官本作職孫星衍曰隋志漢官典職儀式二卷漢衛尉蔡質撰唐志蔡質漢官典儀一卷諸書所引又有作蔡質漢官典職漢官典職儀者皆後人省文也

分犍爲南郡爲屬國都尉集解何焯曰南部近刻誤作南郡

案續志犍爲屬國注云故郡南部都尉官本作南部不誤

詔封北海王睦孫壽光侯普爲北海王

詔通鑑引紀文同胡注說作紹蓋永元八年北海王威既以有罪自殺不得立後此乃更封非真紹也普袁紀作並非

贍給東郡濟陰陳留梁國下邳山陽

官本梁國下有陳國二字

倭國遣使奉獻注倭國去樂浪萬二千里

樂浪官本作洛陽案東夷傳大倭王居邪馬臺國樂浪郡徼去其國萬二千里則作樂浪是也

賜河南尹廷尉卿及官屬呂下各有差即日降雨

周壽昌曰鄧后紀親幸洛陽寺錄冤獄有因被誣即時收洛陽令下獄抵罪則安得有賜河南尹及官屬等事案周嘉傳載嘉從弟暢爲

河南尹永初二年夏旱久禱無應暢因收葬洛城傍客死骸骨凡萬餘人應時澍雨歲乃豐稔位至光祿勳是是年爲河南尹者正周暢掩骼埋瘞與平反庶獄同足感召天和受賞固宜紀因得雨連類書之實則各爲一事耳聚珍本東觀記亦詳載和熹后錄因事其被誣之因爲杜冷足補范書之闕惟范於后紀第言令抵罪則與尹無涉東觀記乃並謂尹左遷正與此文相反且周暢實無左遷之事記或緣和帝永元六年因旱錄因司隸校尉河南尹皆左降相涉而誤也

莫不據璇機玉衡呂齊七政

官本文注機均作璣

與先零羌戰于平襄。注：平襄縣屬天水郡。故襄戎邑也。

洪亮吉曰：應云屬漢陽郡。永平十七年所更名。

校定東觀五經、諸子傳記、百家藝術。注：前書曰：凡諸子百六十九家言。

錢大昭曰：六當作八。閩本不誤。案官本亦作八。

丙戌郡國十二地震。

案續志無二字。

詔三公特進、九卿、校尉。注：校尉謂城門屯騎、越騎、步兵、長水、胡騎等。

官本長水列胡騎之後。

太常劉凱爲司空。

凱官本同錢大昭云當作愷。案劉愷劉般子。此紀後文亦作愷。

豫章員谿原山崩。注：員谿闕。

官本闕下有也字。

五月庚子京師大雩。注：周禮司巫曰：

官本巫下有職字。

九月調零陵、桂陽、丹陽、豫章、會稽租米。注：零陵郡名。今永州縣也。丹陽郡名。今潤州江寧縣也。

官本注縣下皆無也。

字。

民脫無民數及流民欲占者

民數之民官本作名是也

二月己卯日南地坼三月癸酉日有食之至冬十月戊子朔日有食之

洪亮吉曰日南地坼五行志作三月己卯逆推至此年正月甲子則己卯定在

三月當以五行志爲是惟己卯後同月不得有癸酉且一歲不容有兩日食細校五行志乃知此係本初元年三月事范史復載耳案續志元初元年但載十月戊子朔一食而不言再食則三月食之爲誤覆可見范氏於是紀本多疏舛考異輒改日辰以遷就

之視洪爲短矣

十一月是歲郡國十五地震

洪亮吉曰十一月下有闕文

憂心悼懼

官本悼作惶

洛陽新城地震裂

官本無震字

冬十月遣中郎將任尙屯三輔

通鑑考異曰按西羌傳司馬鈞抵罪後尙乃屯三輔是遣尙一節當移左馮翊司馬鈞下獄自殺後

東平陸上言木連理注序列曰

至

故書某處上言也

錢大昭曰序列之說亦未盡然桓帝政事有何可美而紀不書上言也

初聽大臣二千石刺史行三年喪。

錢大昭曰。劉愷傳。舊制公卿二千石。刺史不得行三年喪。由是內外衆職。並廢喪禮。元初中。鄧太后詔長吏以下。不爲親行服者。不得典城選舉。陳忠因上言。孝宣帝舊令人從軍。

屯及給事縣官者。大父母死。未滿三月。皆勿徭。令得葬送。請依此制。太后從其言。宦官不便之。建光元年。從尙書令祝諷。尙書孟布等議。復斷大臣二千石以上服三年喪。

鮮卑寇遼西。遼西郡兵與烏桓擊破之。注。遼西郡故城。在今平州東陽樂城是。

今永平府撫寧縣西。

與先零羌戰于富平上河。大破之。注。酈元水經注曰。河水於此有上河之名也。

通鑑胡注。上河。西羌傳作河上。案水經注並引前漢馮參。

爲上河典農都尉。則作上河是。

高句驪與穢貊寇玄菟。注。郡名。在遼東。

案當云在遼東東。脫一東字。今在興京北。

及旄牛豪叛。注。旄牛縣屬蜀郡。華陽國志曰。在印嶽山表也。

案旄牛。前志屬蜀郡。續志屬蜀郡屬國。分蜀郡爲屬國都尉。尙在後延光二年。故注不遵改屬屬國。印。官本作

也。耶。是也。

鷲鳥將用。注。鷲鳥謂鷹鷂之類也。

官本無謂字。

甄表門閭。旌顯厥行。注。甄。明也。旌。章也。

官本無明下也字。

改元永寧。

王伯厚曰。文選放歌行注。引崔元始正論。永寧詔曰。鐘鳴漏盡。洛陽城中。不得有行者。紀不載。

紹封陳王羨子崇為陳王。

官本紹作詔。

沈氏種羌叛。寇張掖。

錢大昭曰。三月已書沈氏羌寇張掖矣。此沈氏以下八字重出。

樂安王寵薨。

官本樂安二字誤倒。

為甘陵大貴人。注。甘陵。孝德皇后之陵也。因以為縣。今貝州清河縣東也。

官本陵下無也字。甘陵。續志屬清河國。今東昌府清平縣南。

廢為臨湖侯。注。臨湖。縣名。屬廬江郡也。

今廬州府無為州西南八十里。

五月庚辰。特進鄧鸞。

至

並呂譖自殺。

庚辰。官本作庚申。誤。通鑑亦作庚辰。

加賜鰥寡孤獨篤瘡貧不能自存者粟。人二斛。貞婦帛。人二匹。

官本二皆作三。

攻穀羅城。注。穀羅屬西河郡。

錢大昭曰。續志。西河郡無穀羅縣。蓋後來并省。此時尙未省也。

九真言黃龍見無功。注。無功縣屬九真郡。

案續志作無功。前志作無切。今法領越南國清化府地。

虔人羌反。攻穀羅城。度遼將軍耿夔討破之。

案文多一反字。虔人羌叛攻穀羅城。已見上文七月。耿夔至是始討破之耳。承上攻穀羅城爲文。不當更書反。

京師及郡國三地震。

錢大昭曰。續志作京都郡國三十二地震。

濟南上言鳳皇集臺縣丞霍收舍樹上。

侯康曰。張衡東巡誥云。惟二月初吉。帝將狩于岱嶽。展義省方。親民設教。丙寅。率羣賓備法駕。以祖于東門。屆于靈宮。是日也。有鳳雙集于臺。壬辰。祀上帝于明

堂。案此文不繫何年。以此紀上下文考之。則在是年也。

賜臺長帛五十匹。丞二十匹。

二官本作三。非。

幸太山。柴告岱宗。注。太山。王者告代之處。

代官本作岱。誤。

戊戌。祀孔子及七十二弟子於闕里。

戊戌。官本作戊辰。誤。

初復右校令。左校丞官。注。續漢志曰。

至。今始復。

侯康曰。此當作右校。左校令丞官。以續志言左右校皆有令丞。劉注並言安帝復也。

馮翊言甘露降頻陽衙注。頻陽縣故城。在今雍州美原縣西南衙見上。

頻陽今西安府富平縣東北五十里。

乙酉北鄉侯即皇帝位。

周壽昌曰乙酉疑是乙亥之誤。既以辛未定策立之。恐不能遲至十五日始即位也。案袁紀上幸宛。當祠章陵。覺體不安。乙丑疾篤。自宛還。徵濟北河間王子年十四以下七歲以上詣京師。丁卯帝崩於葉。

不發喪。庚午還宮。辛未乃發喪。皇后與兄鬪顯謀以所徵濟北王子北鄉侯懿為帝嗣。是定策之日。北鄉侯已在京師。青蓋入宮。即可援立。原無遲至十餘日始即位之理。但乙酉即位。袁紀通鑑皆無異。或別有故耶。

葬孝安皇帝于恭陵。注。在今洛州東北二十七里。

通鑑胡注引此注。洛州作洛陽是也。官本州亦作陽。

高十五丈也。

官本無也字。

孝順孝沖孝質帝紀第六

後漢書六

宋宣城太守范曄撰

唐章懷太子賢注

王先謙集解

孝順皇帝諱保。

謹法曰慈和徧服曰順。伏侯古今注曰保之字曰守。

安帝之子也。母李氏。為閹皇后所害。永寧元年立為皇太子。

〔集解〕

惠棟曰東觀記上幼有簡厚之質。體有敦愷之性。寬仁溫惠。始入小學。誦孝經章句。和熹皇后甚嘉之。以為宜奉大統。年六歲。永寧元年立為皇太子。受業尚書。兼資敏達。

延光三年。安帝乳母王聖、大長秋

江京。

前書曰長秋。皇后官。本秦官。將行也。景帝更名大長秋。或用中人。或用士人。秩二千石。中典常用宦者。

中常侍樊豐、譖太子乳母王男、廚監邴吉、殺之。

〔集解〕汪文瀾

曰御覽九十二引書云。帝為太子。四歲避疾。嘗居阿母王聖第。第新治。乳母王男、廚監邴吉。以為犯土忌。不可御。與江京、樊豐及聖二女永等相是非。聖永譖男、吉皆物故。

太子數為歎息。王聖等懼有後禍。

遂與豐京共構陷太子。太子坐廢。為濟陰王。明年三月。安帝崩。北鄉侯立。濟陰王、呂廢黜。不得上殿。親

臨梓宮。悲號不食。內外羣僚莫不哀之。及北鄉侯薨。車騎將軍閻顯、及江京、與中常侍劉安、陳達等。白

太后祕不發喪，而更徵立諸國王子。

〔集解〕惠棟曰：續漢書云：江京等徵濟北、河間王子，欲以爲嗣。

乃閉宮門，屯兵自守。十一月丁巳，京師

及郡國十六地震。是夜，中黃門孫程等十九人

十九人見孫程傳。

共斬江京、劉安、陳達等，迎濟陰王於德陽殿

西鍾下。

漢官儀曰：崇賢門內德陽殿也。〔集解〕惠棟曰：太子既廢，因於請室。程等就鍾下迎之也。漢書司馬遷傳云：五伯因於請室，如酒曰請室，請罪之室，若今之鍾下也。

即皇帝位。年十一，近臣尚書

呂下從輦到南宮，登雲臺，召百官，尚書令劉光等奏言：孝安皇帝聖德明茂，早棄天下，陛下正統當奉

宗廟，而姦臣交構，遂令陛下龍潛蕃國。

從太子廢爲王，故曰龍潛蕃國。

羣僚遠近，莫不失望。天命有常，北鄉不永。漢德盛

明，福祚孔章。

孔甚也。章明也。

近臣建築，左右扶翼，內外同心，稽合神明。陛下踐祚，奉遵鴻緒，爲郊廟主，承續祖

宗無窮之烈，上當天心，下厭民望，而卽位倉卒，典章多缺，請條案禮儀，分別具奏。制曰：可。乃召公卿百

僚，使虎賁、羽林士屯南北宮諸門。

漢官儀曰：書稱虎賁三百人，言其猛怒如虎之奔赴也。孝武建元三年，初置期門，平帝元始元年，更名虎賁郎。又武帝太初元年，初置建章營騎，後更名羽林，以天有羽林之

星，故取名焉。又取從軍死事之子孫，養羽林官，教以五兵，號曰羽林孤兒。光武中興，以征伐之士勞苦者爲之，故曰羽林士。

閭顯兄弟聞帝立，率兵入北宮，尚書郭鎮與交鋒刃。

遂斬顯弟衛尉景。戊午遣使者入省奪得璽綬。乃幸嘉德殿遣侍御史持節收閣顯及其弟城門校尉

耀執金吾晏竝下獄誅。己未開門罷屯兵。壬戌詔司隸校尉惟閭顯江京近親當伏辜誅其餘務崇寬

貸壬申謁高廟癸酉謁光武廟乙亥詔益州刺史罷子午道通褒斜路。子午道平帝時王莽通之三秦記曰子午長安正南山名秦嶺谷一名樊川褒

斜漢中谷名南谷名褒北谷名斜首尾七百里集解惠棟曰初高祖興於漢中由子午道出散入秦定帝位後以子午塗路澁難更

隨園谷復通堂光凡此四道埃昌允艱明帝永平四年詔開斜鑿通石門中遭元二橋梁斷絕子谷復循延光末司隸校尉健為武陽

楊煥字孟文奏請廢子午道順帝從之自永初廢己卯葬少帝呂諸王禮司空劉授免東觀記曰以阿附惡逆辟召非其人策罷賜公卿呂下

錢穀各有差十二月甲申呂少府河南陶敦為司空敦字文理京縣人也集解惠棟曰其令郡國守相視事案陶氏家傳云敦為司空當朝正色

集解劉放曰案他處上有詔語則下有其令云云無有特出其字者明多此字未滿歲者一切得舉孝廉吏漢法視事滿歲乃得舉今帝新即位施恩惠雖未滿歲得令舉人癸卯尚書奏

請下有司收還延光三年九月丁酉呂皇太子為濟陰王詔書奏可京師大疫辛亥詔公卿郡守國相舉賢良方正能直言極諫之士各一人尚書令呂下從輦幸南宮者皆增秩賜布各有差

永建元年春正月甲寅詔曰先帝聖德享祚未永早棄鴻烈姦慝緣間人庶怨讟上干和氣疫癘為災

朕奉承大業未能寧濟蓋至理之本稽弘德惠蕩滌宿惡與人更始其大赦天下賜男子爵人二級為

父後三老孝悌力田三級流民欲自占者一級鰥寡孤獨篤癯貧不能自存者粟人五斛貞婦帛人三

匹坐法當徙勿徙亡徒當傳勿傳徒囚逃亡當傳捕者放之勿捕宗室呂罪絕皆復屬籍其與閭顯江京等交通者悉勿

考勉修厥職呂康我民辛未皇太后閻氏崩辛巳太傅馮石太尉劉熹司徒李郃免馮石字次初東觀記曰馮劉以阿黨權貴李郃

以人多疾疫免二月甲申葬安思皇后丙戌太常桓焉為太傅大鴻臚朱寵為太尉參錄尚書事長樂少府九

江朱儀為司徒朱寵字仲威京兆杜陵人朱儀字孫卿壽春人也儀音丑夏反賜百官隨輦宿衛及拜除者布各有差〔集解〕劉放曰案文云及拜除者隨輦宿衛乃是賞

功拜除者未知何謂蓋傳寫之誤當云賜百官隨輦宿衛拜除者布各有差拜除謂已遷升其官布又加賜明衍一及字也隴西鍾羌叛護羌校尉馬賢討破之夏五月丁丑詔

幽并涼州刺史使各實二千石目下至黃綬實謂驗實之也二千石太守也黃綬丞年老劣弱不任軍事者上

實謂驗實之也二千石太守也黃綬丞

年也前書曰比二百石以上銅印黃綬

名嚴勅障塞繕設屯備立秋之後簡習戎馬六月己亥封濟南王錯子顯爲濟南王秋七月庚午衛尉來歷爲車騎將軍八月鮮卑寇代郡代郡太守李超戰歿九月辛亥初令三公尙書入奏事冬十月辛巳詔減死辜呂下徙邊其亡命贖各有差丁亥司空陶敦免鮮卑犯邊庚寅遣黎陽營兵出屯中山北界告幽州刺史其令緣邊郡增置步兵列屯塞下調五營弩師郡舉五人令教習戰射

調選也五營五校也謂長水步兵射

擊胡騎車騎等五校尉也(集解)劉攽曰正文案調五營弩師何爲更言舉明此舉字是與字一郡與五人教習也又注案此五校之名大誤檢百官志有屯騎越騎步兵長水射擊今此誤云胡騎車騎當改胡作屯車作越且二漢有車騎將軍及騎都尉官耳無車騎校尉也又胡騎中興長水矣所以知非章懷之誤者安紀永初三年注五校引用漢官儀甚明壬寅廷尉張皓爲司空甲辰詔呂疫癘水潦令人半輸今年田租

傷害什四呂上勿收責不滿者呂實除之十二月辛巳賜王主貴人公卿呂下布各有差

二年春正月戊申樂安王鴻來朝丁卯常山王章薨二月鮮卑寇遼東玄菟甲辰詔稟貸荆豫兗冀四州流冗貧人所在安業之疾病致醫藥護烏桓校尉耿曄率南單于擊鮮卑破之三月旱遣使者錄囚

徒。疏勒國遣使奉獻。夏六月乙酉，追尊諡皇妣李氏為恭愍皇后，葬于恭北陵。西域長史班勇、敦煌太守張朗討焉耆、尉犁，危須三國破之，竝遣子貢獻。秋七月甲戌朔，日有食之。〔集解〕惠棟曰：續志在翼九度。壬午，太尉朱

寵、司徒朱伉罷。庚子，太常劉光為太尉，錄尚書事。光祿勳許敬為司徒。

劉光字仲遠，即太尉劉矩之弟。許敬字鴻卿，平輿人。〔集解〕錢大昕曰：劉矩傳

稱叔父劉光，此注誤。〔風俗通〕劉矩父字叔遠。〔惠棟曰〕許氏譜：敬字鴻卿，安帝時為光祿，謝承書：敬鄉吏有諶君者，會於縣令坐，敬拔刀斷席曰：敬不忍與惡人同席。應劭漢官儀載崔瑗表云：許敬年且百歲，猶居相位。袁宏紀：敬值寶鄧閻氏之盛，直道而進，三家之敗，多所染污，敬謗不及己。當世以此奇之。陶宏景云：敬父名萋，公府掾。辛丑，下邳王成薨。

三年春正月丙子，京師地震，漢陽地陷裂。

〔集解〕惠棟曰：續志是時順帝阿母宋娥及中常侍張昉等用權。

甲午，詔實覈傷害者，賜年七歲

以上錢人二千，一家被害，郡縣為收斂。乙未，詔勿收漢陽今年田租口賦。

〔集解〕惠棟曰：袁宏紀：乙未詔，京師地動，漢陽尤甚，加以比年民饑，夙夜

祇懼，羣公卿士其深思古典，有以消災復異，救此下民，忠信嘉謀，靡有所諱。

夏四月癸卯，遣光祿大夫案行漢陽及河內、魏郡、陳留、東郡，粟貸貧人。

六月旱，遣使者錄囚徒，理輕繫。甲寅，濟南王顯薨。秋七月丁酉，茂陵園寢災，帝縞素避正殿。

爾雅曰：縞，皓也。續之精白。

名曰辛亥使太常王龔持節告祠茂陵。九月鮮卑寇漁陽。冬十二月己亥太傅桓焉免。東觀記曰無清介辟召策罷是

歲車騎將軍來歷罷。

四年春正月丙寅詔曰朕託王公之上涉道日寡政失厥中陰陽氣隔寇盜肆暴庶獄彌繁憂悴永歎

疾如疾首詩云君子如祉亂庶遄已。解見章紀三朝之會朔旦立春嘉與海內洗心自新其赦天下從甲寅

赦令已來復秩屬籍。三年正月已來還贖其閭顯江京等知識婚姻禁錮一原除之。妻父曰婚增父曰姻一猶皆也務崇

寬和敬順時令遵典去苛。呂稱朕意丙子帝加元服。冠也集解惠棟曰開元禮義鑿云漢順帝冠用曹襄新禮四加初加緇布進賢次爵弁武弁次通天皆如高祖廟以禮謁見

世祖者賜王主貴人公卿呂下金帛各有差賜男子爵及流民欲占者人一級為父後三老孝悌力田人

二級鰥寡孤獨篤癯貧不能自存帛人一匹二月戊戌詔呂民入山鑿石發洩藏氣敕有司檢察所當

禁絕如建武永平故事。集解惠棟曰六韜云人主敢壞名山壅塞大川則歲多大水五穀不成前書貫禹上言曰鑿地數百丈銷陰氣之精地藏空虛不能含氣出雲斬伐林木亡有時禁水旱之災未必不由此也夏

五月壬辰詔曰海內頗有災異朝廷修政太官減膳珍玩不御而桂陽太守文鸞音力公反〔集解〕惠棟曰袁宏紀作漢陽鄱尉不

惟竭忠宣暢本朝而遠獻大珠呂求幸媚今封呂還之五州雨水秋八月庚子遣使實覈死亡收斂稟

賜丁巳太尉劉光司空張皓免東觀記曰以陰陽不和久託病策罷九月復安定北地上郡歸舊土安帝永初五年徙今復之癸酉大鴻臚

龐參爲太尉錄尚書事太常王龔爲司空冬十一月庚辰司徒許敬免東觀記曰爲陵轢使官策罷二千石祿終身〔集解〕劉放曰注陵轢使官案文

官當作者鮮卑寇朔方十二月乙卯宗正劉崎爲司徒崎字叔峻華陰人也是歲分會稽爲吳郡枸彌國遣使貢獻〔集解〕先謙曰

官本枸作拘各處皆作拘此本從手從木字通作

五年春正月疏勒王遣侍子及大宛莎車王皆奉使貢獻夏四月京師旱辛巳詔郡國貧人被災者勿

收責今年過更京師及郡國十二蝗〔集解〕惠棟曰續志是時鮮卑寇朔方用衆征之冬十月丙辰詔郡國中都官死罪繫囚皆減

罪一等詣北地上郡安定成乙亥定遠侯班始坐殺其妻陰城公主腰斬始班超孫也尙順帝姑陰城公主東觀記曰陰城公主名賢得〔集解〕惠

棟曰續志作堅得伏侯古今注五年夏癸感守氏諸侯有斬者是冬班始腰斬馬市同產皆棄市。

六年春二月庚午河間王開薨三月辛亥復伊吾屯田章帝建初二年罷也復置伊吾司馬一人秋九月辛巳繕

起太學

〔集解〕惠棟曰述征記太學在國學東二百步學堂裏有大學贊碑記曰建武二十七年立太學堂永建六年制下府繕治并立諸生房舍千餘間陽嘉元年畢刊於碑有太尉雁參司徒劉琦太常孔扶將作大匠胡廣答制水經注載碑文云建武

二十七年造大學年積毀壞永建六年九月詔書修太學刻石紀事用工作徒十一萬二千人陽嘉九年八月作畢護烏桓校尉耿曄遣兵擊鮮卑破之丁酉于闐王遣侍子

貢獻冬十一月辛亥詔曰連年災潦冀部尤甚比蠲除實傷贍恤窮匱而百姓猶有棄業流亡不絕疑

郡縣用心怠惰恩澤不宜易美損上益下書稱安民則惠易益卦曰損上益下人悅無疆惠愛也尚書曰安人則惠黎人懷之其令冀部勿收

今年出租芻橐十二月日南徼外葉調國遣使貢獻東觀記曰葉調國王遣使師會詣闕貢獻以師會為漢辯義葉調邑君賜其君紫綬及捍國王雍田亦賜金印紫綬

〔集解〕先謙曰壬申客星出牽牛于闐王遣侍子詣闕貢獻官本注辯作歸田作由

陽嘉元年春正月乙巳立皇后梁氏賜爵人二級三老孝悌力田三級爵過公乘得移與子若同產同

產子民無名數及流民欲占著者人一級鰥寡孤獨篤癘貧不能自存者粟人五斛二月海賊曾旌等

寇會稽殺句章鄞鄞三縣長

三縣皆屬會稽郡鄞縣今越州縣也句章故城在今鄞縣西鄞故城在鄞縣東南鄞音銀鄞音茂〔集解〕錢大昕曰天文志作曾於古書旌或作旌於當是旌之譌先謙曰三縣今皆屬甯波

府句章今慈谿定海二縣鄞今奉化及象山縣鄞今鄞鎮海二縣

攻會稽東部都尉詔緣海縣各屯兵戊丁巳皇后謁高廟光武廟詔粟甘陵

貧人大小口各有差京師旱庚申勅郡國二千石各禱名山嶽瀆遣大夫謁者詣嵩高首陽山并祠河

洛請雨

首陽山在洛陽東北也

戊辰雩呂冀部比年水潦民食不贍詔案行粟貸勸農功賑乏絕甲戌詔曰政失

厥和陰陽隔并冬鮮宿雪春無澍雨分禱祈請靡神不祭

說文曰祭設縣最爲營以祈水旱祭音詠詩曰靡神不舉〔集解〕錢大昕曰雲漢詩云上下奠瘞靡神不宗毛訓宗

爲尊漢時三家詩必有作禱字者祭法雩宗祭水旱也鄭讀宗爲禱是宗與禱通注以靡神不舉釋之似未狀

深恐所在慢違如在之義

論語曰祭神如神在

今遣侍中王輔等持節

分詣岱山東海滎陽河洛盡心祈焉

濟水四瀆之一至河南溢爲滎澤故於滎陽祠焉

三月揚州六郡妖賊章河等

〔集解〕錢大昕曰續志作章何

四十九縣殺傷長吏庚寅帝臨辟雍饗射大赦天下改元陽嘉詔宗室絕屬籍者一切復籍粟冀州尤

貧民勿收今年更租口賦夏五月戊寅阜陵王恢薨秋七月史官始作候風地動銅儀時張衡爲太史令作之丙辰

呂太學新成試明經下第者補弟子增甲乙科員各十人

前書音義曰甲科謂作簡策難問列置案上在試者意得射取而答之謂之射策上者爲甲次者爲乙若錄政化得

失顯而問之謂之對策也

除郡國耆儒九十人補郎舍人九月詔郡國中郡官繫囚皆減死一等亡命者贖各有差鮮

卑寇遼東冬十一月甲申望都蒲陰狼殺女子九十七人

望都縣名屬中山國今定州縣也章帝改曲逆爲蒲陰亦屬中山與望都相近故城在今定州北東觀記亦作蒲本

多作滿滿字者誤也東觀又云爲不祠北岳所致詔曰政失厥中狼災爲應至乃殘食孤幼博訪其故山岳尊靈固所望秩而比不奉祠淫刑放濫害加孕婦也〔集解〕劉放曰注本多作滿滿字者誤案文多一滿字惠棟曰女子續志作童兒案東觀記詔云害加孕婦毒流未生當是殘食女子所孕兒也案東觀記云中山相朱遂到官不出奉祠北嶽詔曰災暴緣類符驗不虛政失厥中云云殘食孤幼案東觀記作孩幼先謙曰望都在今保定府望都縣西北舊志三十里曲逆改蒲陰在今保定府完縣東南詔賜狼

所殺者錢人三千辛卯初令郡國舉孝廉限年四十曰上諸生通章句文吏能牋奏乃得應選其有茂

才異行若顏淵子奇不拘年齡

史記曰顏回魯人好學年二十九髮盡白早死新序曰子奇年十八齊君使之化阿至阿鑄其庫兵以爲耕器出倉廩以賑貧窮阿縣大化

十二月丁未東

平王敞薨庚戌復置玄菟郡屯田六郡

〔集解〕陳景雲曰六郡當作六部玄菟屬縣六每縣置屯田一部也錢大昭曰東夷傳作六部

閏月丁亥令諸呂詔除

爲郎年四十。上課試如孝廉科者，得參廉選。歲舉一人。戊子，客星出天苑。

〔集解〕惠棟曰：續志：客星氣白，廣二尺，長五丈，起天苑西南。郎顛傳

日，閏十月十七日己丑也。

辛卯，詔曰：問者曰：來吏政不勤，故災咎屢臻。盜賊多有，退省所由，皆曰選舉不實，官非其人。

是日天心未得，人情多怨，書歌股肱，詩刺三事。

尚書益稷篇：帝作歌曰：元首明哉，股肱良哉。詩小雅曰：三事大夫，莫肯夙夜。邦君諸侯，莫肯朝夕也。

今刺史二千石

之選，歸任三司。

三司，三公也，即太尉、司空、司徒也。歸猶委任也。

其簡序先後，情覈高下。歲月之次，文武之宜，務存厥中。

〔集解〕先謙曰：官本中作衷。

庚子，恭陵百丈廡災。

恭陵，安帝陵也。廡，廊屋也。說文曰：堂下周屋曰廡也。〔集解〕惠棟曰：續志：太尉李固以爲奢僭所致。陵之初造，禍及枯骨，規廣治之尤飾。

是歲起西苑，修飾宮殿。

二年春二月甲申，詔曰：吳郡會稽飢荒，貸人種糧。

〔集解〕惠棟曰：顏師古云：貸音吐戴反。種，五穀種也。音之勇反。

三月，使匈奴中郎將王稠

率左骨都侯等擊鮮卑，破之。辛酉，除京師耆儒年六十以上四十八人，補郎舍人及諸王國郎。夏四月，

復置隴西南部都尉官。

武帝元朔四年，初置南部都尉於隴西臨洮縣。中興以來廢。至此復置之也。〔集解〕錢大昭曰：馬防傳：建初二年，羌豪布橋等圍南部都尉於臨洮，則肅宗時有此官也。此云復置，則不知廢於何時。

己亥，京師地震。

〔集解〕惠棟曰：續志：是時爵號宋娥爲山陽君。

五月庚子，詔曰：朕不德，統奉鴻業，無以奉順乾坤，協序陰陽。災

皆屢見咎徵仍臻地動之異發自京師矜矜祇畏不知所裁羣公卿士將何巨匡輔不逮奉答戒異異

不空設必有所應其各悉心直言厥咎靡有所諱戊午司空王龔免〔集解〕惠棟曰本傳云以地震策免六月辛未太常魯

國孔扶爲司空扶字仲淵〔集解〕惠棟曰扶爲孔子十九世孫見闕里祖庭記疏勒國獻師子封牛東觀記曰疏勒王盤遣使文時詣闕師子似虎正黃有額鬃尾端茸毛大如斗封牛其領上肉隆起若封

然因以名之即今之峯牛丁丑洛陽地陷〔集解〕惠棟曰續志宣德門地塚長八十五丈近郊地是月旱秋七月己未太尉龐參免八月己巳大鴻臚

沛國施延爲太傅延字君子蘄縣人也〔集解〕惠棟曰魏文帝甄表狀云延清公潔白進士許國臨難不顧名著漢朝案延事并詳陳寵傳注四年延免官注東觀記云以選舉貪污策罷則陳寵傳注仍載及甄表狀似非實錄故范史

無傳鮮卑寇代郡冬十月庚午行禮辟雍奏應鍾始復黃鍾作樂器隨月律子爲黃鍾律長九寸聲有輕重長短度量皆出黃鍾隨月律謂月令正月

律中太簇二月律中夾鍾三月律中姑洗四月律中仲呂五月律中蕤賓六月律中林鍾七月律中夷則八月律中南呂九月律中無射十月律中應鍾十一月律中黃鍾十二月律中大呂東觀記曰元和以來音戾不調復修如舊典族音湊

三年春二月己丑詔呂久旱京師諸獄無輕重皆且勿考竟〔集解〕惠棟曰劉熙釋名云獄死曰考竟考得其情竟其命於獄也須得澍雨二

月庚戌益州盜賊劫質令長殺列侯夏四月丙寅車師後部司馬率後部王加特奴等掩擊匈奴大破

之獲其季母。五月戊戌，制詔曰：昔我太宗不顯之德，假于上下，儉己恤民，政致康乂，朕秉事不明，政失厥道，天地譴怒，大變仍見，春夏連旱，寇賊彌繁，元元被害，朕甚愍之，嘉與海內，洗心更始，其大赦天下。自殊死以下，謀反大逆諸犯，不當得赦者，皆赦除之。賜民年八十以上米人一斛，肉二十斤，酒五斗，九十以上，加賜帛人二匹，絮三斤。秋七月庚戌，鍾羌寇隴西，漢陽冬十月，護羌校尉馬續擊破之。十一月壬寅，司徒劉崎，司空孔扶免。

〔集解〕惠棟曰：魯國先賢傳云：孔氏仲淵爲司空，以地震免。案紀志三年無地震事，或史闕文也。

乙巳，大司農南郡黃尚爲司徒。

光祿勳河東王卓爲司空。

黃尚字伯河，南郡郢人也。王卓字仲遼，河東解人也。即音求紀反。

丙午，武都塞上屯羌及外羌，攻破屯官，驅略人畜。

四年春二月丙子，初聽中官得呂養子爲後，世襲封爵。自去冬旱，至于是月，謁者馬賢擊鍾羌，大破之。

夏四月甲子，太尉施延免。

東觀記曰：以選舉貪污策罷也。

戊寅，執金吾梁商爲大將軍，前太尉龐參爲太尉。六月己未，梁

王匡薨。秋七月己亥。濟北王登薨。閏月丁亥朔。日有食之。〔集解〕惠棟曰。續志在角五度。史官不見。零陵以聞。冬十月。烏桓寇雲中。十

一月。圍度遼將軍耿曄於蘭池。續漢志曰。雲中郡沙南縣有蘭池城。發諸郡兵救之。烏桓退走。十二月甲寅。京師地震。

永和元年春正月。夫餘王來朝。乙卯。詔曰。朕秉政不明。災眚屢臻。典籍所忌。震食為重。今日變方遠。地

搖京師。東觀記曰。陽嘉四年詔曰。朕目不德。謫見于天。零陵言日食。京師不覺。故此言日變方遠。〔集解〕劉昫曰。正文日變方遠。案注引東觀記曰。零陵言日食。則是遠方也。言方遠無理。與注皆誤。惠棟曰。遠方皆言日變。故云方遠。言災異之深也。

咎徵不虛。必有所應。羣公百僚。其各上封事。指陳得失。靡有所諱。己巳。宗祀明堂。登雲臺。〔集解〕何焯曰。此靈臺也。緣近

下避火雲臺。而誤。雍本同。改元永和。大赦天下。秋七月。偃師蝗。〔集解〕惠棟曰。續志以去年冬。烏桓寇沙南。用衆征之。冬十月丁亥。承福殿火。帝避御

雲臺。十一月丙子。太尉龐參罷。十二月。象林蠻夷叛。乙巳。呂前。司空王襲為太尉。

二年春正月。武陵蠻叛。圍充縣。又寇夷道。充縣屬武陵郡。故城在澧州崇義縣東北。充音衝。夷道屬南郡也。〔集解〕先謙曰。充。今澧州安福縣。夷道。在今荊州府宜都縣西北。二月。廣

漢屬國都尉擊破白馬羌。〔集解〕惠棟曰。續志。廣漢屬國都尉。故北部都尉屬蜀郡。安帝時。以為屬國都尉。別領三城。武陵太守李進擊叛蠻。破之。三月辛亥。

北海王翼薨乙卯司空王卓薨丁丑光祿勳馮翊郭虔爲司空

虔字君賢池陽人也。〔集解〕惠棟曰袁宏紀作乾。

夏四月丙申京師

地震五月日南叛蠻攻郡府秋七月九真交趾二郡兵反八月庚子熒惑犯南斗

熒惑火星也南斗北方之宿也前書音義曰犯謂七

寸內光芒相及

江夏盜賊殺邾長

邾縣屬江夏郡故城在今復州竟陵縣東邾音朱。〔集解〕先謙曰在今黃州府黃岡縣西北二十里。

冬十月甲申行幸長安所過鰥寡孤

獨貧不能自存者賜粟人五斛庚子幸未央宮會三輔郡守都尉及官屬勞賜作樂十一月丙午祠高

廟丁未遂有事十一陵丁卯京師地震十二月乙亥至自長安

三年春二月乙亥京師及金城隴西地震二郡山岸崩地陷戊子太白犯熒惑

〔集解〕惠棟曰續志二月辛巳太白晝見戊子在熒惑西

南光芒相犯太白者將軍之官又爲西州畫見陰盛與君爭明熒惑與太白相犯爲兵喪

夏四月九江賊蔡伯流寇郡界及廣陵殺江都長戊戌遣光祿大夫

案行金城隴西賜壓死者年七歲以上錢人二千一家皆被害爲收斂之除今年田租尤甚者勿收口

賦閏月蔡伯流等率衆詣徐州刺史應志降

續漢書曰志字仲節汝南南頓人也曾祖父順

己酉京師地震五月吳郡丞羊珍反

〔集解〕惠棟曰續書天文志曰吳郡太守行承事羊珍與越兵弟菜吏民吳銅等二百餘人起兵反殺吏民燒官亭民舍攻太守府太守王衡距守吏民格殺珍等

攻郡府太守王衡破斬之六月辛丑琅

邪王遵薨九真太守祝良交趾刺史張喬慰誘日南叛蠻降之嶺外平

續漢書曰祝良字邵卿長沙臨湘人

秋七月丙戌濟

北王多薨八月己未司徒黃尚免九月己酉光祿勳長沙劉壽爲司徒

壽字伯長臨湘人也〔集解〕惠棟曰長沙書舊傳云壽常夢乘通天轎車飛渡

北門後果至司徒

丙戌令大將軍三公各舉故刺史二千石及見令長郎謁者四府掾屬剛毅武猛有謀謨任將

帥者各二人特進卿校尉各一人冬十月燒當羌寇金城護羌校尉馬賢擊破之羌遂相招而叛十二

月戊戌朔日有食之

〔集解〕惠棟曰續志在須女十一度史官不見會稽以聞

四年春正月庚辰中常侍張達遵政楊定等有罪誅

事見梁商傳也

連及弘農太守張鳳安平相楊皓下獄死

三月乙亥京師地震夏四月癸卯護羌校尉馬賢討燒當羌大破之戊午大赦天下賜民爵及粟布各

有差五月戊辰封故濟北惠王壽子安爲濟北王

〔集解〕惠棟曰傳作安國

秋八月太原郡旱民庶流冗癸丑遣光祿

大夫案行稟貸除更賦冬十月戊午校獵上林苑歷函谷關而還十一月丙寅幸廣成苑

五年春二月戊申京師地震夏四月庚子中山王弘薨南匈奴左部句龍大人吾斯車紐等叛圍美稷

美稷縣屬西河郡也〔集解〕先

謙曰在今汾州府汾陽縣西北

五月度遼將軍馬續討吾斯車紐破之使匈奴中郎將陳龜追殺南單于己

丑晦日有食之

〔集解〕惠棟曰續志在東井三十三度東井三輔宿又近輿鬼輿鬼為宗廟其秋西羌為寇三輔陵園

且凍羌寇三輔殺令長

且音子余反

丁丑令死皇

目下及亡命贖各有差九月令扶風漢陽築隴道塢三百所置屯兵辛未太尉王襲罷且凍羌寇武都

燒隴關

隴山之關也今名大震關在今隴州汧源縣西也〔集解〕先謙曰在今鳳翔府隴州西隴山下

壬午太常桓焉為太尉丁亥徙西河郡居離石

離石縣名在郡南五

百九里西河本都平定縣至此徙於離石〔集解〕先謙曰今汾州府永寧州治

上郡居夏陽朔方居五原句龍吾斯等東引烏桓西收羌胡寇上郡立

車紐為單于冬十一月辛巳遣使匈奴中郎將張耽擊破之車紐降

六年春正月丙子征西將軍馬賢與且凍羌戰於射姑山

〔集解〕惠棟曰續志射姑山在北地

賢軍敗沒安定太守郭璜下

獄死。詔貸王侯國租一歲。閏月。鞏唐羌寇隴西。遂及三輔。二月丁巳。有星孛於營室。

〔集解〕惠棟曰。續志。星見東方。長六七尺。色

青白。西南指營室及墳墓星。營室者。天子常居。墳墓主死。彗星起而在營室。墳不出五年。天下有大喪。後四年帝崩。

三月。武都太守趙沖。

〔集解〕惠棟曰。應奉及西羌傳。皆作武威。胡三省云。傳云。詔沖督河西四部兵。為節度。則

武威太守為是。武都西北接漢陽。東北接扶風。南接漢中。無緣遠督河西四郡兵也。

討鞏唐羌。破之。庚子。司空郭虔免。丁巳。河間王政薨。丙午。太僕趙戒

為司空。

戒字志伯。蜀郡成都人也。

夏五月庚子。齊王無忌薨。使匈奴中郎將張耽。大破烏桓羌胡於天山。

東觀記曰。耽將吏民。繩索相懸。

上通天山。〔集解〕惠棟曰。南匈奴傳亦作通天山。

鞏唐羌寇北地。

〔集解〕惠棟曰。考異云。西羌傳作罕種羌。

秋七月甲午。詔假民有貲者戶錢一千。八月丙

辰。大將軍梁商薨。壬戌。河南尹梁冀為大將軍。九月。諸種羌寇武威。辛亥晦。日有食之。

〔集解〕惠棟曰。續志。在尾十一度。尾

主後宮。繼嗣之宮也。以為繼嗣不興之象。

冬十月癸丑。徙安定居扶風。北地居馮翊。十一月庚子。呂執金吾張喬行車騎將軍

事。將兵屯三輔。

漢安元年春正月癸巳。宗祀明堂。大赦天下。改元漢安。二月丙辰。詔大將軍公卿舉賢良方正。能探賾

索隱者各一人。蹟幽深也。索求也。秋七月，始置承華廐。東觀記曰：時以遠近獻馬衆多，廐充滿，始置承華廐，令秩六百石。八月，南匈奴左部大人句龍

吾斯與莫鞬臺者等反叛。漢音於六反。鞬音居言反。丁卯，遣侍中杜喬、光祿大夫周舉、守光祿大夫郭遵、馮羨、欒巴、

張綱、周栩、劉班等八人，分行州郡，班宣風化，舉實賊否。九月庚寅，〔集解〕官本考證曰：宋本無庚寅二字。廣陵盜賊張嬰等

寇郡縣。冬十月辛未，太尉桓焉、司徒劉壽免。甲戌，行車騎將軍張喬罷。〔集解〕劉放曰：案文少一事字。十一月壬午，司隸

校尉趙峻爲太尉，大司農胡廣爲司徒。峻字伯師，下邳徐人也。癸卯，詔大將軍三公選武猛，試用有效驗，任爲將校

者，各一人。是歲，廣陵賊張嬰等詣太守張綱降。

二年春二月丙辰，鄯善國遣使貢獻。夏四月庚戌，護羌校尉趙沖與漢陽太守張貢擊燒當羌於參繚

破之。參繚縣屬安定郡。繚音力全反。〔集解〕胡三省曰：當當作何。燒當燒何羌兩種也。先謙曰：參繚在今慶陽府安化縣西北。六月乙丑，熒惑犯鎮星。〔集解〕惠棟曰：續志：熒惑犯鎮星爲大人忌。明年帝崩。丙

寅，立南匈奴守義王兜樓儲爲南單于。〔集解〕惠棟曰：袁宏紀：在元年六月。胡三省云：自永和五年，吾斯車紐反，陳龜逼殺單于休利，南庭虛位，至是始立單于。冬十月辛丑，令

郡國中郡官繫囚殊死。呂下出緜贖，各有差，其不能入贖者，遣詣臨羌縣。居作二歲，甲辰，滅百官奉，丙午，禁沽酒。又貸王侯國租一歲，閉月。趙沖擊燒當羌於阿陽，破之。

阿陽縣屬漢陽郡，故城在今秦川隴城縣西北。〔集解〕先謙曰：今平涼府靜寧州治。

十

一月，使匈奴中郎將馬寔遣人刺殺句龍吾斯。十二月，揚徐盜賊攻燒城寺，殺略吏民。是歲，涼州地百八十震。

建康元年春正月辛丑，詔曰：隴西、漢陽、張掖、北地、武威、武都，自去年九月已來，地百八十震，山谷坼裂，壞敗城寺，殺害民庶，夷狄叛逆，賦役重數，內外怨曠，惟咎歎息。其遣光祿大夫案行，宣暢恩澤，惠此下民，勿爲煩擾。三月庚子，沛王廣薨，領護羌校尉衛琚追討叛羌，破之。

琚音居。

南郡江夏盜賊寇掠城邑，州

郡討平之。夏四月，使匈奴中郎將馬寔擊南匈奴左部。

〔集解〕通鑑胡注：左部卽句龍吾斯之黨。

破之。於是胡羌、烏桓悉詣寔

降。辛巳，立皇子炳爲皇太子，改年建康。大赦天下，賜人爵各有差。秋七月丙午，清河王延平薨。八月，揚

徐盜賊范容、周生等寇掠城邑，遣御史中丞馮赦督州郡兵討之。

〔集解〕惠棟曰：滕撫傳：九江范容、周生等相聚反亂，屯據歷陽，為江淮巨患。遣御史中丞馮緄

將兵督揚州刺史耀、九江太守鄧顯討之。案此則馮赦當作馮緄，袁宏紀作馮放，亦誤。

庚午，帝崩于玉堂前殿。時年三十，遺詔無起寢廟，斂呂故服，珠玉玩

好，皆不得下。

論曰：古之人君，離幽放而反國祚者，有矣。莫不矯鑒前違，審識情偽，無忘在外之憂。

離，遭也。矯，正也。左傳曰：晉侯在外十九年矣，險

阻艱難，備嘗之矣。人之情偽，盡知之矣。〔集解〕惠棟曰：僖二十三年左傳：叔詹論晉公子重耳曰：離外之患，而天不靖晉國，殆將啓之乎？無忘在外之憂，如管仲為齊桓公曰：願君無忘在莒是也。

故能中興其業，觀夫順朝

之政，殆不然乎？何其傲僻之多與。

殆，近也。言順帝傲前之僻，不能改正也。〔集解〕惠棟曰：昭六年左傳曰：叔向曰：楚辟我衷，若何效辟？詩曰：爾之教矣，民胥效矣。行我而已，焉用效人之辟？詩曰：民胥效矣，故云

傲僻之多。

孝沖皇帝諱炳。

諡法曰：幼少在位曰沖。司馬彪曰：沖幼早夭，故諡曰沖。伏侯古今注曰：炳之字曰明。

順帝之子也。母曰虞貴人。建康元年，立為皇太子。其

年八月庚午，即皇帝位。年二歲，尊皇后曰皇太后。太后臨朝。丁丑，呂太尉趙峻為太傅，大司農李固為

太尉參錄尙書事。

〔集解〕惠棟曰：應劭漢官儀載：沖帝冊書曰：奮勇氏輔翼股肱。三公國之楨幹，朝廷所取，以成斷金。太尉趙峻，二世掌典樞衡，有匪石不貳之心。大司農李固，公族之苗裔，忠正不回，有史魚之風。今以峻爲太傅，固爲

太尉與大將軍翼。

兼參錄尙書事。

九月丙午，葬孝順皇帝于憲陵。

在洛陽西十五里，陵高八丈四尺，周三百步。

廟曰敬宗。是日，京師及太原、鴈門地

震，三郡水涌土裂。庚戌，詔三公特進侯、卿、校尉、舉賢良方正、幽逸、修道士各一人，百僚皆上封事。己

未，九江太守丘騰有罪，下獄死。

東觀記曰：騰知罪法深大，懷挾姦巧，稽留道路，下獄死也。

揚州刺史尹耀，九江太守鄧顯，討賊范容等於

歷陽，軍敗，耀顯爲賊所殺。冬十月，日南蠻夷攻燒城邑，交趾刺史夏方招誘降之。壬申，常山王儀薨。己

卯，零陵太守劉康坐殺無辜，下獄死。十一月，九江盜賊徐鳳、馬勉等稱無上將軍，攻燒城邑。己酉，令郡

國中都官繫囚，減死一等徒邊，謀反大逆，不用此令。十二月，九江賊黃虎等攻合肥。是歲，羣盜發憲陵，

護羌校尉趙沖追擊叛羌於鷓陰河，戰歿。

涼州姑臧縣東南有鷓陰縣故城，因水以爲名。〔集解〕先謙曰：在今蘭州府靖遠縣西北。

永嘉元年。

〔集解〕錢大昕曰：史繩祖學齋估畢記：淳熙二年，邛州蒲江縣上乘院僧，闢地得古竊封石，有文二十九字，云：永憲元年二月十二日，蜀郡臨邛漢安鄉安定里公乘校官椽王幽字珍儒，繩祖大父勤齋先生子堅，跋之。略云：永憲之號，不

見于史。漢沖帝即位改元。史傳相承。以為永嘉。意嘉文字易亂。一年而改。見於它文者幾希。非此刻出於今日。孰知沖帝永嘉之為永意也。惠棟曰。袁宏紀作元嘉。何焯曰。宋史慶長以邗州蒲江縣發地所得石刻作永意。定為永喜之誤。案左雄傳中有迄於永嘉。察選清平之文。則永嘉者永嘉之誤也。

春正月戊戌。帝崩于玉堂前殿。年三歲。清河王蒜。徵至京師。

孝質皇帝諱續。

諡法。忠正無邪曰質。古。今注曰。續之字曰繼。

肅宗玄孫。曾祖父千乘貞王伉。祖父樂安夷王寵。父勃海孝王鴻。

母陳夫人。沖帝不豫。大將軍梁冀。徵帝到洛陽都亭。及沖帝崩。皇太后與冀定策禁中。丙辰。使冀持節。

召王青蓋車。迎帝入南宮。丁巳。封為建平侯。其日即皇帝位。年八歲。

〔集解〕惠棟曰。東觀記。帝年八歲。貌質純淑。好學尊師。有關於郡國。

己未。

葬孝沖皇帝于懷陵。

在洛陽西北十五里。伏侯古。今注曰。高四丈六尺。周百八十三步。

廣陵賊張嬰等復反攻。殺堂邑江都長。

堂邑縣屬廣陵郡。今揚州六合縣也。

〔集解〕先謙曰。堂邑。今江寧府六合縣。江都。今揚州府江都縣。

九江賊徐鳳等。攻殺曲陽。東城長。

曲陽縣屬九江郡。在淮曲之陽。故城在今濠州定遠縣西北。東城縣故城在定遠縣東南也。〔集解〕先謙曰。曲

陽在今鳳陽府鳳臺縣東北。因東海郡有曲陽。故此加西。東城在今鳳陽府定遠縣東南。

甲申。謁高廟。乙酉。謁光武廟。二月。豫章太守盧續坐贓。下獄死。乙

酉。大赦天下。賜人爵及粟帛各有差。還王侯所削戶邑。彭城王道薨。叛羌詣左馮翊梁竝降。三月。九江

賊馬勉稱皇帝。

〔集解〕惠棟曰：黃一作皇。案滕撫傳：勉稱皇帝在建康元年。又案黃與皇古字通。見帝堯碑及靈臺碑陰。先謙曰：官本作皇。

九江都尉滕撫討馬勉、范容、周生、大

破斬之。

東觀記曰：傳勉頭及所帶玉印、鹿皮冠。黃衣詣洛陽，詔懸夏城門外，章示百姓。

夏四月壬申，雩。庚辰，濟北王安薨。丹陽賊陸宮等圍陳，燒亭寺。

丹陽太守江漢擊破之。

〔集解〕惠棟曰：謝承書曰：江漢字子甫，遷丹陽太守。是時大江劇賊余來等劫擊牛渚，丹陽邊水諸縣居民，略略良善，經歲爲害。漢到郡，會集勁士修整戰具，鉤鑕刀盾，大戟長矛，弓弩勁兵，轉送承接。余來

亟戰失利，遂見梟獲。孝順嘉其功，賜以劍佩。

五月甲午，詔曰：朕眚不德，託母天下。布政不明，每失厥中。自春涉夏，大旱炎赫，憂心

京京。

爾雅曰：京，京憂也。

故得禱祈明祀。

〔集解〕劉攽曰：案文云得無理，當是復字。

冀蒙潤澤，前雖得雨，而宿麥頗傷。比日陰雲，還復開霽。

寤寐永歎，重懷慘結。

寤，覺也。寐，臥也。詩曰：寤寐永歎，唯憂用老。

將二千石令長不崇寬和，暴刻之爲乎？其令中郎官繫囚罪，非

殊死，考未竟者，一切任出。呂須立秋。

任，保也。〔集解〕惠棟曰：任出，謂責保出囚，須秋乃斷也。

郡國有名山大澤，能興雲雨者，二千石長

吏，各絜齋請禱，竭誠盡禮。又兵役連年，死亡流離，或支骸不斂，或停棺莫收。朕甚愍焉。昔文王葬枯骨，

人賴其德。

呂氏春秋曰：周文王使人掘地，得死人骸。文王曰：更葬之。吏曰：此無主。文王曰：有天下者，天下之主。今我非其主，邪？遂令吏以衣棺葬之。天下聞之，曰：文王賢矣，澤及枯骨，又況人乎？

今遣使者案行，若無

家屬及貧無資者，隨宜賜卹。呂慰孤魂，是月下邳人謝安應募擊徐鳳等，斬之。丙辰，詔曰：孝殤皇帝雖不永休祚，而卽位踰年，君臣禮成，孝安皇帝承襲統業，而前世遂令恭陵在康陵之上，先後相踰，失其次序，非所目奉宗廟之重，垂無窮之制。昔定公追正順祀，春秋善之。

魯閔公立二年而薨，次僖公立，僖雖是閔庶兄，然常爲閔臣，位次當在閔下。後文公

卽位，乃進僖公神位，居閔之上。左傳曰：躋僖公，逆祀也。定公八年，經書從祀先公，從順也。順祀，謂退僖神位於閔下。穀梁曰：從祀先公，貴正也。其令恭陵次康陵，憲陵次恭陵。

〔集解〕惠棟曰：案帝紀，延光四年十一月

己卯，葬少帝以諸王禮。侯瑾、皇德傳曰：北鄉侯未卽帝位，不成君，以王禮葬。惠學士曰：順帝之前，唯少帝而云憲陵次恭陵，恭陵豈少帝陵耶？帝無諡，焉得稱陵？棟案蔡邕獨斷曰：少帝未踰年而崩，不入廟，以陵爲廟者三。殤帝、康陵、沖帝、懷陵，實帝、靜陵，獨不及少帝也。蘇輿曰：殤帝、康陵，安帝恭陵，並見本紀。安帝於殤帝爲兄，而嗣位在殤後，與春秋閔僖一例，今正廟序，以繼統爲先後，故詔引順祀之文，少帝不當言陵，惠說大誤。

呂序親秩爲萬世法。六月，鮮卑寇代郡。

秋七月庚寅，阜陵王代薨。廬江盜賊攻尋陽。

〔集解〕先謙曰：在今黃州府黃梅縣北。

又攻盱台。

音吁夷，今楚州縣也。〔集解〕先謙曰：今泗州盱眙縣，時屬下邳國。

滕

撫遣司馬王章擊破之。九月庚戌，太傅趙峻薨。冬十一月己丑，南陽太守韓昭坐贓，下獄死。

東觀記曰：強賦一億五千

萬檻車，微下獄。

丙午，中郎將滕撫擊廣陵賊張嬰，破之。丁未，中郎將趙序坐事棄市。

東觀記曰：取錢縑三百七十五萬。〔集解〕惠棟曰：滕撫傳序坐畏懼

不進詐增首級。徵還棄市與此異。

歷陽賊華孟自稱黑帝。

〔集解〕惠棟曰漢赤行故稱黑帝以厭之。

攻殺九江太守楊岑。滕撫率諸將擊孟等大破

斬之。

本初元年春正月丙申詔曰昔堯命四子。呂欽天道。

四子謂羲仲、羲叔、和仲、和叔也。書曰乃命羲和欽若昊天。

鴻範九疇。休咎有象。

尚書曰天

乃錫禹洪範九疇。孔安國注云。洪大也。範法也。疇類也。言天與禹。洛出書。神龜負文而出。列於背。有數至於九。禹遂因而第之。以成九類。其八曰庶徵。有休徵咎徵之應。休美也。咎惡也。徵驗也。人君行善政則百穀用成。家用平康。是休徵也。政有乖失。則百穀用不成。家用不寧。是咎徵也。休之與咎。皆象人君之政。故言休咎有象也。象或作家。

夫瑞呂和降。異因逆感。禁微應大。前聖所重。

言君政純和。則瑞氣降。若逆時令。則災異感。所禁雖微。其應乃大。前聖所重。

言君政純和。則瑞氣降。若逆時令。則災異感。所禁雖微。其應乃大。前聖所重。

重。即謂唐堯欽若昊天。箕子休咎之應。集解。惠棟曰。此據洪範五行傳也。傳曰。孟春之月。其禁田獵不宿。飲食不享。出入不節。奪民農時。及其奸謀。所謂禁微也。應大者。如木不曲。直火不炎。上是也。

頃者州郡輕慢憲防。競逞

殘暴。造設科條。陷入無罪。或曰喜怒。驅逐長吏。恩阿所私。罰枉仇隙。至令守闕。訴訟前後不絕。送故迎

新人。離其害。怨氣傷和。呂致災。昔書云。明德慎罰。

書過也。明德慎罰。尚書康誥之言。

方春東作。育微敬始。其敕有司。罪非

殊死。且勿案驗。呂崇在寬。

言東作之時。須育養細微。敬事之始。禮記月令孟春之月。無殺蟲胎。天飛鳥無廢無卵。慶賜遂行。無有不當。書曰。敬敷五教。五教在寬。

壬子。廣陵太守王喜。

坐討賊逗留下獄死。二月庚辰，詔曰：九江、廣陵二郡，數離寇害，殘夷最甚。謂比年張嬰寇廣陵，華孟寇九江也。生者失其資

業，死者委尸原野，昔之為政，一物不得其所，若己為之。尚書曰：一夫弗獲，則日時予之辜。況我元元，嬰此困毒，方春戒節，

賑濟乏戾，掩骼埋骸之時。月令孟春之月，行慶施惠，下及兆民。又曰：掩骼埋骸。鄭玄注曰：為死氣逆生氣也。骨枯曰骼，肉腐曰骸。其調比郡見穀，出稟窮弱，收葬枯

骸，務加埋卹。呂稱朕意。夏四月庚辰，令郡國舉明經。年五十以上，七十以下，詣太學，自大將軍至六百

石，皆遣子受業。歲滿課試。呂高弟五人補郎中，次五人，太子舍人，又千石、六百石，四府掾屬，三署郎，四

姓小侯，先能道經者，各令隨家法。四府掾屬，謂大將軍府掾屬二十九人，太尉府掾屬二十四人，司徒府三十一人，司空府二十九人。漢官左右中郎將皆秦官也。比二千石，三署郎皆屬焉。三署，謂五官署、左右署

也。儒生為詩者，謂之詩家，禮者謂之禮家，故言各隨家法也。四姓小侯，解見明紀也。〔集解〕劉攽曰：注漢官左右中郎將，案文少一儀字。胡三省曰：此時蓋以梁氏入四姓陰寶諸后族衰廢者，未必得豫也。惠棟曰：案胡說非也。明帝時止樊、郭、陰、馬，稱四姓小侯，其後繼

為后族者，亦得稱小侯。桓紀建和二年，賜四姓及梁鄧小侯帛，則梁鄧不入四姓明矣。〔集解〕通鑑胡注，名虞延，傳有小侯鄧衍。州輔碑有小侯鄧長，衍在永平初，已不在四姓之列，此其證也。其高第者，上名牒。〔集解〕通鑑胡注，名牒者，書名於牒上之

惠棟曰：案名牒，蓋官簿之屬也。當呂次賞進，五月庚寅，徙樂安王為勃海王，海水溢，戊申，使謁者案行收葬樂安，北海人，

爲水所漂沒死者。又稟給貧羸。庚戌。太白犯熒惑。

〔集解〕惠棟曰。續志。太白犯熒惑。爲逆謀。閏月一日。帝爲梁冀所鳩扇也。

六月丁巳。大赦天下。

賜民爵及粟帛各有差。閏月甲申。大將軍梁冀潛行鳩弑。帝崩于玉堂前殿。

〔集解〕惠棟曰。洛陽故宮。名曰洛陽南宮。有玉堂前殿。

年

九歲。丁亥。太尉李固免。戊子。司徒胡廣爲太尉。司空趙戒爲司徒。與梁冀參錄尙書事。太僕袁湯爲司

空。

贊曰。孝順初立。時髦允集。

爾雅曰。髦。俊也。郭璞注曰。士中之俊。猶毛中之髦。時張皓。王龔。龐參。張衡。李郃。李固。黃瓊之儔也。

匪砥匪革。終淪嬖習。

砥。礪也。革。改也。淪。沒也。言順帝初升

天位。又羣賢總集。不能因茲自礪。改革前非。而終溺於私嬖。近習也。謂封孫程等十九人爲侯。又詔中官養子。聽賜封爵之類。

保阿傅士。后家世及。

保。安也。阿。倚也。言可依倚以取安。傅。姆之類也。傳士。謂阿母山陽君宋娥。更相貨賂。

求增邑土也。后家。謂拜后父梁商爲大將軍。商薨。仍拜子冀爲大將軍。弟不疑爲河南尹。〔集解〕何焯曰。傳士。謂聽中官得以養子世襲。

冲天未識。質弑目聰。陵折在運。天緒三終。

言陵遲天折在

於時運。所以天之胤緒。類致三終也。

後漢書集解卷六按補

順帝紀。即皇帝位。案少帝以辛亥薨。至丁巳。順帝始即位。中虛帝位五日矣。

使虎賁羽林士屯南北宮諸門。注。孝武建元三年。建元。官本。作建武誤。

罷子午道。通褒斜路。注。子午。長安正南山。名秦嶺谷。嶺。官本作嶺。案前書嚴助傳。輿轎而隴。嶺。項昭注。嶺。山嶺也。是嶺即古嶺字。褒斜。漢中谷名。官名。

本譌集解。見楊孟文石門頌。沈銘彝曰。今褒斜縣有二漢碑。一漢中太守鄒君碑。立於永平六年。一司隸校尉楊孟文石門頌。立於建和二年。皆開褒斜道者。

司空劉授免。注。以阿附惡逆。辟召非其人。案指辟中常侍李閔兄及皇后兄執。金吾闔顯所薦親厚事。附見楊震傳。

三老孝悌力田三級。錢大昭曰。闕本。田下有人字。案官本亦作人三級。

長樂少府九江朱偃為司徒。注。朱偃。字孫卿。壽春人也。案壽春屬九江郡。侯康曰。風俗通。司徒九江朱偃。以年老為司隸。虞詡所奏。耳目不聰明。見掾屬大怒曰。顛而不扶。焉用

彼相。君勞臣辱。何用為。于是東閣祭酒周舉曰。昔聖帝明王。莫不厭象日月星辰。以為鏡戒。熒惑比有變異。豈能手書密以上聞。偃曰。可自力也。舉為劄草。手書密上。上覽偃表。嘉其忠謨。偃目數病。手能細書。詡案大臣苟肆私意。坐上謝偃蒙慰勞焉。

二年春正月戊申樂安王鴻來朝官本失未提行

五州雨水洪亮吉日續志不書左雄傳祇言司冀則知災異失傳多矣案續志明載順帝永建四年司隸荊豫兗冀部淫雨傷稼洪言志不書非也至雄傳載四年司冀復有大水注引天鏡經云大水自平地出此自另爲一事非指雨水而續志大

水門失書則志之失

分會稽爲吳郡沈銘彝曰漢時分郡遼闊即如會稽一郡幾及今之江浙二省續真子錄云考漢會稽郡爲縣二十有六吳即蘇州也烏傷即婺州也毘陵即常州也由拳即秀州也太末即衢州也烏程即湖州也餘姚即杭州

也鄞即四明也以此考之則今浙東西並蘇松常乃漢之一郡耳

日南徼外葉調國捍國遣使貢獻注及捍國王雍田錢大昭曰西南夷傳作雍山調

攻會稽東部都尉侯康曰宋書州郡志會稽東部都尉前漢治鄞後漢分會稽爲吳郡疑都尉徙治章安也三國志虞翻傳注引會稽典錄朱育之言曰元鼎五年除東越因其地爲治而立東部都尉後徙章安陽朔元年又徙治鄞

或有寇害復徙句章二書載會稽東部都尉所治不同朱育言陽朔以前徙章安其說未可信陽朔成帝年號章安則光武所置縣何得陽朔時已徙于此且章安即治更名都尉既治治矣奚容更徙當以沈志爲正至朱育謂初治治又徙句章或亦可與沈志參

觀也（隸釋引李宗諤圖經亦謂元鼎中立東部都尉治即本朱育說）東部都尉兩漢志皆不載然據此紀及朱育沈約之言兩漢有此都尉甚明又楊雄傳東南一尉孟康注會稽東部都尉也杜篤論都賦都尉東南劉昭律厯志注引袁山松書劉洪于延

熹中拜會稽東部都尉。三國志張紘傳載紘于建安中爲會稽東部都尉。全琮傳載琮父柔于靈帝時拜會稽東部都尉。衛尉卿衡方碑稱方由膠東令遷會稽東部都尉。金石錄有漢會稽東部都尉路君闕銘論衡遺虎篇有會稽東部都尉禮文伯王子鳳皆可爲此記證者也。案前書武紀遷東越民於江淮遂虛其地事已在元封元年治之立縣當又稍後朱育謂爲元鼎五年誤。至後徒章安徒或改字之譌。育漢末人不應並章安即故治亦不知也。前志會稽郡錢塘西部都尉治回浦南部都尉治均見班注獨不詳東部都尉治蓋此官實中興始置前漢尙無孟注沈志亦未可泥。惟續志會稽郡有東部侯國而紀傳所載無東部侯惠氏棟疑侯國字誤衍（說詳郡國志集解）然有東部之名在亦足證此官後漢宜有矣。

詣嵩高首陽山注首陽山在洛陽東北也。

官本注末無也字。

增甲乙科員各十人注在試者意投射取而荅之。

官本在作任。

文吏能牋奏。

吏官本作史誤。

其有茂才異行若顏淵子奇不拘年齡。

侯康曰武班年二十五舉孝廉見武氏石闕銘武榮年三十六舉孝廉見執金吾丞武榮碑鄭益恩年二十三舉孝廉見御覽三百六十二引鄭玄別傳鄭炎卒年

才二十八而遺令有察孝廉之語皆所謂不拘年齡者也。然左雄傳載廣陵孝廉徐淑年未及舉援詔書顏回子奇自解爲雄窮詰讎卻則固仍以年格爲重。

大鴻臚沛國施延爲太傅。

太傅官本作太尉是。

偃師蝗。

錢大昭曰。偃師屬河南尹。

冬十月丁亥承福殿火。

洪亮吉曰。續志作丁未。以下云十一月丙子推之。志爲是。

武陵蠻叛。圍充縣。又寇夷道。注。夷道屬南郡也。

官本注末無也字。

夏四月丙申京師地震。

錢大昭曰。續志作四月庚申。

八月庚子。熒惑犯南斗。江夏盜賊殺邾長。

侯康曰。是年八月。敦煌太守裴岑將郡兵三千人。誅匈奴呼衍王等。有紀功碑。今在巴爾庫爾。而本紀及南匈奴傳俱不載。

殺江都長。

錢大昭曰。江都屬廣陵郡。

光祿勳長沙劉壽爲司徒。集解。惠棟曰。長沙耆舊傳。

至。後果爲司徒。

侯康曰。御覽三百六十四引長沙耆舊傳云。劉壽少時遇相師曰。君膺有玉枕。必至。

公也。又三百六十六引長沙耆舊傳云。劉壽少遇相師。相師曰。耳爲天柱。今君耳有城郭。必興家邦。

與且凍羌戰於射姑山。集解。惠棟曰。續志。射姑山在北地。

案續天文志。其年征西將軍馬賢擊西羌於北地。射姑山下。此作射姑山。古謝與射音義通。惟續郡國志北地郡不

載此山。

太僕趙戒爲司空注戒字志伯。

錢大昭曰乙瑛碑作意伯避桓帝名案戒袁紀作誠

遣詣臨羌縣居作二歲。

錢大昭曰臨羌屬金城郡

趙冲擊燒當羌於阿陽破之注阿陽縣屬漢陽郡故城在今秦川隴城縣西北。

阿陽官本作河陽注作河陽縣屬天水郡故城在今秦州隴城

縣西北錢大昭曰阿陽監本作河陽誤官本蓋沿監本之失而西羌傳仍作阿陽注亦仍作屬漢陽郡不誤也惟此本西羌傳文注阿又皆作河彼此互岐考明帝永平十七年已改天水爲漢陽不應注仍稱天水此自官本之誤唐隴城縣自隴隴右道秦州而作秦川又此本之誤或刻本字殘缺耳前志天水續志漢陽均止有阿陽則二本作河陽者皆誤觀通鑑亦作阿陽胡注引章懷此注亦作秦州足以訂二本之誤矣

質帝紀攻殺堂邑江都長。

錢大昭曰堂邑當稱令費鳳碑鐘離意傳並云堂邑令

九江賊徐鳳等攻殺曲陽東城長注曲陽縣屬九江郡在淮曲之陽故城在今濠州定遠縣西北東城

縣故城在定遠縣東南也。

錢大昭曰東城前志本屬九江郡建初元年以東城益下邳國今云九江或王以過削仍隸九江也侯康曰十七史商榷曲陽縣前志九江東海二郡皆有之續志東海曲陽故屬下邳九江

曲陽加西字。此處不知是范氏誤脫去西字耶。抑李賢誤以爲九江屬也。案此是范氏誤脫西字。觀李注曲陽東城同在唐之定遠縣。其地畧連。故令長同時爲徐鳳所殺。若下邳之曲陽。則去東城遠矣。又下邳曲陽爲侯國。亦不得稱長也。十七史商榷又云。東城縣前志屬九江。續志無。今據此紀。則似後漢實有此縣矣。竊謂錢氏侯氏均不免過信李注。不思唐人於地理最疏。不能無失也。明八王傳建初四年。錢作元年誤。以九江之鍾離當塗東城歷陽全椒益下邳國前志。下邳本東海縣。故東海之曲陽並入下邳國。今續志明有東城及曲陽國。則錢氏疑東城或王以過削。仍隸九江。非也。曲陽國既與東城同屬下邳。自必接近。且前志於東海曲陽九江曲陽均引應劭說。謂在淮曲之陽。其爲一地。分屬兩郡。如常山鉅鹿之上下曲陽亦可概見。則侯氏必謂下邳之曲陽去東城遠。亦非也。前志九江曲陽本爲國。東海曲陽則爲縣。建武十年。淄川王終薨。封其小子鳳爲曲陽侯。時下邳尙未爲王國。不知此侯國置於何郡。補表謂屬下邳國誤。就令卽爲東海之曲陽。至徐鳳反時。或國廢復爲縣。亦事之常。如新息汝南侯國也。而吳愷爲新息令。見吳祐傳。賈彪爲新息長。高城重合皆勃海侯國也。而陸康爲高城令。周磐爲重合令。此類不勝枚舉。忘東城之仍屬下邳國。而但疑曲陽侯國不得稱長。尤非通論。又建初四年。益下邳之五縣。據續志。乃僅存一東城。餘皆還屬九江。使東城亦如錢說。削歸九江。不應志獨不爲改載。志於九江之當塗。並云有馬丘聚。徐鳳反於此。如以下邳益封諫。則鳳等直爲反於國中。曲陽東城。明當同屬下邳國。非紀文之誤脫。正章懷之誤注矣。

丹陽賊陸宮等圍陳燒亭寺

陳官本作城是

書云明德慎罰

官本作書曰

且勿案驗。目崇在寬。注書曰敬敷五教。五教在寬。

五教二字官本不重出。與唐監本尙書合。案史記殷本紀汝爲司徒。而敬敷五教。五教在寬。又鄧禹傳光武拜禹大司徒策亦云敬敷五

教五教在寬。知漢世經師相承皆如此。此注重五教二字。章懷必有所本。

一物不得其所。若己爲之注。尙書曰。一夫弗獲。官本無曰字。

以高弟五人補郎中。弟官本作第。此本作弟。固卽古第字。但他處又往往作第。殊不一律。四府掾屬。三署郎。注。漢官。左右中郎將。皆秦官也。比二

千石。三署郎皆屬焉。集解。劉攽曰。注。漢官。左右中郎將。案文少一儀字。案隋經籍志。漢官五卷。應劭注。漢官儀十卷。應劭撰。此注自引漢官。非脫

字。續百官志。稱故新汲令王隆作小學漢官篇。隋志另著爲漢官解詁。而劉昭補注。動引漢官。唐六典亦屢引之。則其書固唐世所共見也。孫氏星衍有校輯漢官一卷。失收此條。或亦因劉指爲漢官儀。疑不能定。故置之。然據太平御覽職官部及北堂書鈔設官部。引漢官儀。雖均有此條。而文首尾互異。則此非引漢官儀益明矣。先能通經者。各令隨家法。注。儒生爲詩者。謂之詩家。禮者謂之禮家。故言

各隨家法也。顧炎武曰。家法。謂如詩有齊魯韓毛。通齊詩者。自以爲齊詩教授。通魯詩者。自以爲魯詩教授。韓毛及五經皆然。乃所謂家法耳。魯丕傳言法異者。各令其自說師法。徐防傳言伏見太學試五經博士弟子。皆以意說。不從家法。

也。是

閏月甲申。大將軍梁冀潛行鳩弑。帝崩于玉堂前殿。集解。惠棟曰。洛陽故宮名曰。洛陽南宮有玉堂前

殿。

案惠氏此說應移於順帝紀庚午帝崩于玉堂前殿下。

時髦允集注。郭璞注曰。

官本曰作云。

終淪髮習注。又詔中宮養子聽襲封爵之類。

官本注末有也字。

孝桓帝紀第七

後漢書七

宋宣城太守范曄撰

唐章懷太子賢注

王先謙集解

孝桓皇帝諱志

設法曰克敵服遠曰桓志之字曰意〔集解〕惠棟曰車騎將軍馮緄碑孝桓皇帝以命將軍討彌夷有桓桓烈缺之姿因謚為桓

肅宗曾孫也祖父河間孝王開父

蠡吾侯翼

順帝時開上書願分蠡吾縣以封翼帝許之蠡吾故城在今瀛州博野縣西蠡音禮〔集解〕惠棟曰依東觀記帝為翼長子先謙曰蠡吾今在保定府博野縣西南

母匱氏

諱明本蠡吾侯之媵妾史記曰匱姓管絳之後也匱

音翼卒帝襲爵為侯本初元年梁太后徵帝到夏門亭

洛陽城北面西頭門也門外有萬壽亭

將妻呂女弟

妻音七計反

會質帝崩

太后遂與兄大將軍冀定策禁中閏月庚寅使冀持節召王青蓋車

續漢志曰皇太子皇子皆安車朱班輪青蓋金華蚤故曰王青蓋車也

迎帝

入南宮其日即皇帝位時年十五太后猶臨朝政

東觀記曰太后御卻非殿

秋七月乙卯葬孝質皇帝于靜陵

在洛陽東南三

十里陵高五丈五尺周百三十八步

齊王喜薨辛巳謁高廟光武廟

〔集解〕何焯曰光武廟上疑脫壬午謁三字

丙戌詔曰孝廉廉吏皆當典城牧民

禁姦舉善興化之本恆必由之詔書連下分明懇惻而在所翫習遂至怠慢選舉乖錯害及元元頃雖

頗繩正猶未懲改方今淮夷未殄軍師屢出

本初元年廬江賊攻盱台廣陵賊張嬰等殺江都長盱台江都並近淮故言淮夷時中郎將滕撫屢擊破之其餘衆猶未殄也

百姓疲

悴困於徵發庶望羣吏惠我勞民蠲滌貪穢日祈休祥其令秩滿百石十歲以上有殊才異行迺得參

選臧吏子孫不得察舉

〔集解〕惠棟曰賈禹言孝文帝時貴廉潔賤貪汙賈人贅增及吏坐臧者皆禁錮不得爲吏也

杜絕邪僞請託之原令廉白守道者得

信其操

〔信音申古字通〕

各明守所司將觀厥後九月戊戌追尊皇祖河間孝王曰孝穆皇夫人趙氏曰孝穆皇

后皇考蠡吾侯曰孝崇皇冬十月甲午尊皇母隱氏爲孝崇博園貴人

博本漢蠡吾縣之地也帝既追尊父爲孝崇皇其陵曰博陵置園廟焉故曰博

園在今瀛州博野縣西貴人位次皇后金印紫綬

建和元年春正月辛亥朔日有食之

〔集解〕惠棟曰續志在營室三度史官不見郡國以聞是時梁太后攝政

詔三公九卿校尉各言得失戊午大

赦天下賜吏更勞一歲男子爵人二級爲父後及三老孝悌力田人三級鰥寡孤獨篤癯貧不能自存

者粟人五斛。貞婦帛人三匹。災害所傷什四。勿收田租。其不滿者。已實除之。二月。荆揚二州人多餓死。遣四府掾分行賑給。沛國言黃龍見譙。夏四月庚寅。京師地震。詔大將軍、公、卿、校尉舉賢良方正。能直言極諫者各一人。又命列侯、將、大夫、御史、謁者、千石、六百石。

將、謂五官、左右、虎賁、羽林中郎將也。大夫、謂光祿大夫、太中大夫、中散大夫、諫議大夫。

博士、議郎、郎官各上封事。指陳得失。

博士掌通古今。比六百石。議郎比六百石。郎官謂三中郎將下之屬官也。有中郎、侍郎、郎中。

又詔大將軍、公、卿、郡國舉至

孝篤行之士各一人。

〔集解〕惠棟曰。漢繁陽令碑陰有至孝。涅嬰君威。則漢有至孝科也。

壬辰。詔州郡不得迫脅驅逐長吏。長吏臧滿三十萬

而不糾舉者。刺史二千石。已縱避為罪。若有擅相假印綬者。與殺人同。棄市論。丙午。詔郡國繫囚減死

罪一等。勿笞。唯謀反大逆不用此書。又詔曰。比起陵塋。

作靜陵也。

殄歷時歲。

〔補注〕先謙曰。殄。即彌字。官本作彌。

力役既廣。徒隸

尤勤。頃雨澤不沾。密雲復散。儻或在茲。

易曰。密雲不雨。自我西郊。

其令徒作陵者。減刑各六月。是月。立阜陵王代兄

勃。適亭侯。便為阜陵王。

便。光武玄孫也。阜陵王恢之子。以順帝陽嘉中。封勃為適亭侯。今改封也。適音子。由反。本傳作便。親紀傳不同。蓋有誤。

郡國六地裂。水涌井溢。

續漢志曰。水溢。

壞城寺室屋殺人時梁太后攝政兄冀枉殺李固杜喬

芝草生中黃藏府

漢官儀曰中黃藏府掌中幣帛金銀諸貨物也

六月太尉胡廣罷大司農杜喬為太尉

〔集解〕錢大昭曰本傳喬由大司農遷大鴻臚光祿勳然後為太尉非由大司農為太尉也紀似誤

秋七月勃海王鴻薨

章帝曾孫也樂安夷王寵之子質帝之父也梁太后改封勃海

立帝弟蠡吾侯悝

為勃海王乙未立皇后梁氏

〔集解〕惠棟曰考異云皇后紀袁紀皆云八月而無日以長歷考之七月戊申朔無乙未乙未八月十八日此上脫八月二字棟案續漢志建和元年八月壬寅癸惑犯與鬼質星則七月不應為戊申朔長歷誤也乙未後壬寅七日應在八月又二十九日為九月之丁卯也

九月丁卯京師地震太尉杜喬免冬十月司徒趙戒為太尉

戒字志伯蜀郡人也

司空袁湯為司徒前太尉胡廣為司空十一月濟陰言有五色大鳥見于己氏

續漢志曰時以為鳳凰政既衰缺梁冀專權皆羽孽也已

己氏縣名屬濟陰郡故城在今宋州楚丘縣也古戎州己氏之邑也〔集解〕先謙曰在今曹州府曹縣東南

戊午滅天下死罪一等戍邊清河劉文反殺國相謝嵩

〔集解〕惠棟曰

清河王傳文等劫相謝嵩章懷注曰帝紀謝作射蓋紀傳不同案此則章懷時帝紀謝本作射也三輔決錄云漢末大鴻臚射咸本性謝名服天子以為將軍出征姓謝名服不祥改之為射氏名咸案此謝氏至漢末時始改射故吳時有射慈嵩在桓帝初不應先作射氏當從

傳為正欲立清河王蒜為天子事覺伏誅蒜坐貶為尉氏侯徙桂陽自殺

尉氏縣屬陳留郡今汴州縣也

前太

尉李固杜喬皆下獄死

續漢志曰順帝之末京都童謠曰直如弦死道邊曲如鉤反封侯曲如鉤謂梁冀胡廣等直如弦謂李固等

陳留盜賊李堅自稱皇帝伏誅

東觀記曰

江舍及
李堅等

二年春正月甲子，皇帝加元服。庚午，大赦天下，賜河間、勃海二王黃金各百斤。河間王建，勃海王悝。彭城諸國王

各五十斤。彭城王定。公主、大將軍、三公、特進、侯、中二千石、二千石、將、大夫、郎、吏、從官、四姓及梁、鄧小侯、諸大

夫、呂、下、帛各有差。〔集解〕先謙曰：官本。諸下大夫作夫人。年八十以上，賜米、酒、肉、九十石，加帛二匹，綿三斤。三月戊辰，帝

從皇太后幸大將軍梁冀府，白馬羌寇廣漢屬國，殺長吏，益州刺史率板楯蠻討破之。板楯，西南蠻之號。夏四

月丙子，封帝弟順為平原王。〔集解〕錢大昕曰：河間王開傳更封帝兄都鄉侯碩為平原王，與紀互異。奉孝崇皇祀，尊孝崇皇夫人馬氏為孝崇園

貴人，嘉禾生，大司農帑藏。說文曰：帑者，金布所藏之府也。帑，佗朗反。五月癸丑，北宮掖廷中德陽殿及左掖門火，車駕移幸南

宮。六月，改清河為甘陵，立安平王，得子經，侯理為甘陵王。安平，今定州縣也。經，今貝州經城縣。〔集解〕先謙曰：在今廣平府威縣北。舊志：五十里，經鎮堡。秋七月，

京師大水，河東言木連理。〔集解〕汪文臺曰：御覽九百七十八引袁山松書又云：河東瓜兩體共蒂。冬十月，長平陳景自號黃帝子。〔集解〕先謙曰：官本作皇帝子。王會

份云皇監本作黃今從宋本按黃帝子
義亦可通猶前書言白帝子赤帝子也
署置官屬又南頓管伯亦稱真人並圖舉兵悉伏誅

三年春三月甲申彭城王定薨夏四月丁卯晦日有食之

續漢志曰在東井二十三度東井
主法梁太后枉殺公卿犯天法也

五月乙亥詔曰

蓋聞天生蒸民不能相理爲之立君使司牧之君道得於下則休祥著乎上庶事失其序則咎徵見乎

象已上略成
帝詔詞

問者日食毀缺陽光晦暗朕祇懼潛思匪遑啓處

遑暇也啓跪也詩小雅
曰王事靡盬不遑啓處

傳不云乎日食修德

月食修刑

公羊傳之文也〔集解〕蘇輿
曰公羊傳無此文語見管子

昔孝章帝愍前世禁徙故建初之元並蒙恩澤流徙者使還故郡沒

入者免爲庶民先皇德政可不務乎其自永建元年迄乎今歲凡諸妖惡支親從坐及吏民滅死徙邊

者悉歸本郡唯沒入者不從此令六月庚子詔大將軍三公特進侯其與卿校尉舉賢良方正能直言

極諫之士各一人乙卯震憲陵復屋秋七月庚申廉縣雨肉

續漢志曰肉似羊肺或大如手五行傳云襄法律逐
功臣時則有羊禍時則有赤眚赤祥是時梁太后攝

政兄冀專權枉誅李固杜喬
天下冤之廉縣屬北地郡也

八月乙丑有星孛于天市

前書曰旗星中四星名曰天市〔集解〕惠棟曰續漢志曰
彗星芒長五尺見天市中東南指色黃白九月戊辰不見

京師大

水。九月己卯地震。庚寅地又震。詔死罪以下及亡命者贖各有差。郡國五山崩。冬十月。太尉趙戒免。司

徒袁湯爲太尉。大司農河內張歆爲司徒。

歆字敬讓。〔集解〕惠棟曰。歆修武人。見魏志。

十一月甲申。詔曰。朕攝政失中。災眚連

仍。三光不明。陰陽錯序。監寐寤歎。疾如疾首。

監寐。言雖寢而不寐也。寤。覺也。〔集解〕錢大昕曰。監寐猶假寐也。監。假聲相近。劉陶傳。屏營彷徨。不能監寐。袁紹傳。我州君臣監寐悲歎。

今

京師廡舍死者相枕。

廡舍。賤役人之舍。

郡縣阡陌處處有之。甚違周文掩骼之義。其有家屬而貧無以葬者。給

直人三千。喪主布三匹。若無親屬。可於官墼地葬之。

墼。官之餘地也。前書音義曰。墼。城郭旁地。音奴喚而戀二反。

表識姓名。爲設祠祭。又

徒在作部。疾病致醫藥。死亡厚埋藏。民有不能自振及流移者。稟穀如科。州郡檢察。務崇恩施。以康我民。

和平元年春正月甲子。大赦天下。改元和平。己亥。詔曰。

〔集解〕何焯曰。若以甲子下敕。則己亥歸政當在二月。疑日有誤。

曩者遭家不造。先

帝早世。

謂順帝崩也。詩周頌曰。閔予小子。遭家不造。鄭玄注云。造成也。言成王遭武王崩。家道未成。

永惟大宗之重。深思嗣續之福。詢謀台輔。稽之兆占。既建

明哲克定統業。天人協和。萬國咸寧。元服已加。將即委付。而四方盜竊。頗有未靜。故假延臨政。呂須安

謚。幸賴股肱禦侮之助。殘醜消蕩。謂建和二年。長安陳景反。南頓管伯等謀反。並伏誅。民和年稔。普天率土。遐邇洽同。遠覽復子明辟

之義。尚書曰。周公曰。朕復子明辟。復。還也。子。謂成王也。辟。君也。謂周公攝政已久。故復還明君之政於成王。今太后亦還政於帝也。近慕先姑歸授之法。先姑。謂安帝閭皇后也。爾雅曰。婦人謂夫之父曰舅。夫之母曰姑。其利可以斷之也。易曰。二人同

則曰君舅。君姑。歿則曰先舅。先姑也。及今令辰。皇帝稱制。羣公卿士。虔恭爾位。戮力一意。勉同斷金。金者。剛之物也。言人能同心。則其利可以斷之也。易曰。二人同

心。其利斷金。展也大成。則所望矣。詩小雅曰。允矣君子。展也大成。鄭玄注云。允。信也。展。成也。大成。謂致太平也。言誠能致太平。是所望也。二月。扶風妖賊。裴優。自稱皇帝。

伏誅。裴。姓優名也。風俗通曰。裴。伯益之後。甲寅。皇太后梁氏崩。三月。車駕徙幸北宮。甲午。葬順烈皇后。夏五月庚辰。尊博園

園貴人曰孝崇皇后。秋七月。梓潼山崩。梓潼縣。屬廣漢郡。今始州縣也。有梓潼水。〔集解〕先謙曰。今綿州梓潼縣。冬十一月。滅天下死罪一等。徙邊

戍。

元嘉元年春正月。京師疾疫。使光祿大夫將醫藥案行。癸酉。大赦天下。改元元嘉。二月。九江。廬江。大疫。

甲午河間王建薨夏四月己丑安平王得薨

河間孝王開之子初爲樂成王後改曰安平

京師旱任城梁國飢民相食司徒張歆

罷光祿勳吳雄爲司徒

〔集解〕惠棟曰雄字季高河南原武人見孔廟置守廟百石孔和碑

秋七月武陵蠻叛冬十月司空胡廣罷十一月辛巳

京師地震閏月庚午任城王崇薨太常黃瓊爲司空

二年春正月西域長史王敬爲于真國所殺

敬殺于真王建故國人殺之

丙辰京師地震夏四月甲寅孝崇皇后廢氏

崩庚午常山王豹薨五月辛卯葬孝崇皇后于博陵秋七月庚辰日有食之

〔集解〕惠棟曰續志在翼四度史官不見廣陵以聞翼主倡樂時上

好樂

過八月濟陰言黃龍見句陽

縣名屬濟陰郡左傳曰盟于句瀆之丘是也故城在今曹州乘氏縣北一名穀丘〔集解〕先謙曰在今曹州府荷澤縣北句陽店

金城言黃龍見允

街

允街縣名屬金城郡音緣街〔集解〕先謙曰在今涼州府平番縣

冬十月乙亥京師地震十一月司空黃瓊免十二月特進趙戒爲司空

右北平太守和晏坐賊下獄死

永興元年春二月張掖言白鹿見三月丁亥幸鴻池夏五月丙申大赦天下改元永興丁酉濟南王廣

薨無子國除。秋七月，郡國三十二蝗。〔集解〕惠棟曰：續志是時梁冀秉政，無謀憲，苟貪權作虐。河水溢，百姓飢窮，流冗道路，至有數十萬

戶。冀州尤甚。詔在所賑給乏絕，安慰居業。冬十月，太尉袁湯免，太常胡廣為太尉，司徒吳雄罷，司空趙

戒免，呂太僕黃瓊為司徒，光祿勳房植為司空。〔集解〕惠棟曰：植字伯武，清河人，魏明帝甄表狀曰：植少履清苦，孝友忠正，歷位州郡，政成化行，既登三事，靖恭袞服，雖季文相魯，晏嬰在齊，

清風高節，不是過也。十一月丁丑，詔減天下死罪一等，徙邊戍，是歲，武陵太守應奉招誘叛蠻降之。

二年春正月甲午，大赦天下。三月辛丑，初聽刺史二千石行三年喪服。〔集解〕蘇輿曰：安帝元初三年，曾聽大臣二千石刺史行三年喪，此初當云復。

癸卯，京師地震，詔公卿校尉舉賢良方正，能直言極諫者各一人。詔曰：比者星辰繆越。〔集解〕惠棟曰：續志：閏月丁酉太白

見。畫坤靈震動，災異之降，必不空發。敕已修政，庶望有補。其輿服制度有踰侈長飾者，皆宜損省。長音直亮反。

郡縣務存儉約，申明舊令，如永平故事。〔集解〕惠棟曰：永平十二年五月丙辰詔也。袁宏紀云：永平十二年上以天下無事，俗頗奢靡，乃詔有司申明舊事，整車服。六月，彭城泗

水增長逆流。張衡對策曰：水者五行之首，逆流者人君之恩不能下及而致逆也。詔司隸校尉、部刺史曰：蝗災為害，水變仍至，五穀不登，人無

宿儲其令所傷郡國種蕪菁。呂助人食。京師蝗。東海胸山崩。胸山名也。在今海州胸山縣南。九月丁卯朔。日有食之。〔集解〕惠棟曰。

續志在角五度角。鄭宿也。十一月。泰山盜賊羣起於天文屬鄭也。詔曰。朝政失中。雲漢作旱。雲漢詩大雅篇名也。周宣王時大旱。故作詩曰。倬彼雲漢。昭回于天。鄭玄注云。雲漢。天河也。倬然轉運於天。時旱渴雨。故宣王

夜視天河。川靈涌水。蝗蟲孳蔓。殘我百穀。太陽虧光。飢饉薦臻。其不被害郡縣。當為飢餒者儲。天下一家。望其候焉。

趣不糜爛。則為國寶。其禁郡國不得賣酒。祠祀裁足。太尉胡廣免。司徒黃瓊為太尉。閏月光祿勳尹頌

為司徒。頌字公孫。葦人。減天下死罪一等。徙邊戍。蜀郡李伯詐稱宗室。當立為太初皇帝。伏誅。冬十一月甲辰。

校獵上林苑。遂至函谷關。賜所過道傍年九十以上錢。各有差。太山琅邪賊公孫舉等反叛。殺長吏。

永壽元年春正月戊申。大赦天下。改元永壽。二月。司隸冀州飢。人相食。司隸州即洛陽。敕州郡賑給貧弱。若王

侯吏民有積穀者。一切賞得十分之三。賁音吐。得反。又音徒。得反。呂助稟貸。其百姓吏民者。呂見錢雇直。雇猶酬也。王侯須

新租。迺償。須待也。夏四月。白鳥見齊國。六月。洛水溢。壞鴻德苑。續漢志曰。水溢至津城門。漂流人物。時梁冀專政。疾害忠良。威權震主。後遂誅滅也。南陽大

水司空房植免太常韓續為司空續音翼善反詔太山琅邪遇賊者勿收稅賦復更算三年又詔被水死流

失屍骸者令郡縣鈎求收葬及所唐突壓溺物故七歲以上賜錢人二千壞敗廬舍亡失穀食尤貧者

稟人二斛巴郡益州郡山崩益州郡名也武帝置諸本無郡字者誤也秋七月初置太山琅邪都尉官漢官儀曰秦郡有尉一人典兵禁捕盜賊景帝更名都尉建武

十年省唯邊郡往往置都尉及屬國都尉今二郡寇賊不息故置南匈奴左臺且渠伯德等叛〔集解〕惠棟曰張奐傳南匈奴左臺美稷美稷西河縣也〔集解〕先謙曰

注見順紀安定屬國都尉張奐討除之

二年春正月初聽中官得行三年服中官常侍以下二月甲申東海王臻薨三月蜀郡屬國夷叛秋七月鮮卑

寇雲中太山賊公孫舉等寇青兗徐三州遣中郎將段熲討破斬之冬十一月置太官右監丞官漢官儀曰

太官右監丞秩比六百石也十二月京師地震

三年春正月己未大赦天下夏四月九真蠻夷叛太守兒式討之戰歿遣九真都尉魏朗擊破之復屯

據日南。閏月庚辰晦。日有食之。

〔集解〕惠棟曰。續志在七星二度。史官不見。近國以聞。

六月初。呂小黃門爲守宮令。置冗從右僕射官。

漢官儀曰。守宮令一人。黃門冗從僕射一人。並秩六百石。〔集解〕錢大昕曰。右字衍。

京師蝗。秋七月。河東地裂。冬十一月。司徒尹頌薨。〔集解〕惠棟曰。考長沙異云。袁紀在六月。

蠻叛。寇益陽。

縣名。屬長沙國。在益水之陽。今潭州縣也。故城在縣東。〔集解〕先謙曰。今長沙府縣。

司空韓續爲司徒。太常北海孫朗爲司空。

朗字代平。〔集解〕惠棟曰。趙明誠云。

漢三公名。朗北海高密人。

延熹元年春三月己酉。初置鴻德苑令。

漢官儀曰。苑令一人。秩六百石。

夏五月己酉。大會公卿。呂下賞賜各有差。甲戌晦。

日有食之。

〔集解〕惠棟曰。續志在柳七度。京師宿也。

京師蝗。六月戊寅。大赦天下。改元延熹。丙戌。分中山置博陵郡。呂奉孝崇。

皇園陵。

博陵郡故城。在今瀛州博野縣也。後徙安平。〔集解〕錢大昭曰。按隸釋靈臺碑。有博陵蠡吾管遵。又孔彪碑陰。故吏有博陵安平六人。博陵安國三人。博陵高陽一人。博陵南深澤二人。安國蠡吾。故屬中山。安平。南深澤。高陽。故屬河間。然則博陵一

郡。兼得中山。安平。河間之地。不獨分中山也。〔黨錮傳〕劉祐。中山安國人。安國後別屬博陵。

大雩。秋七月己巳。雲陽地裂。甲子。太尉黃瓊免。太常胡廣爲太

尉。冬十月。校獵廣成。遂幸上林苑。

〔集解〕通鑑胡注。此上林苑在洛陽西。

十二月。鮮卑寇邊。使匈奴中郎將張奐。率南單于

擊破之。

二年春二月，鮮卑寇鴈門。

〔集解〕惠棟曰：鮮卑傳，殺數百人，大抄掠而去。

己亥，阜陵王便薨，蜀郡夷寇蠶陵，殺縣令。三月，復斷刺

史二千石，行三年喪。夏，京師雨水。六月，鮮卑寇遼東。秋七月，初造顯陽苑。

〔集解〕惠棟曰：蔡邕集，起顯陽苑於城西，人徒凍飢，不得其命者甚衆。

置丞。丙午，皇后梁氏崩。乙丑，葬懿獻皇后于懿陵。大將軍梁冀謀為亂。八月丁丑，帝御前殿，詔司隸校

尉張彪將兵圍冀第，收大將軍印綬。冀與妻皆自殺。衛尉梁淑、河南尹梁胤、屯騎校尉梁驥、越騎校尉

梁忠、長水校尉梁戟等及中外宗親數十人皆伏誅。太尉胡廣坐免，司徒韓續、司空孫朗下獄。

東觀記曰：並坐。

不衛宮，止長壽亭，減死一等，以爵贖之。〔集解〕惠棟曰：黃瓊傳曰：廣續朗皆坐阿附梁冀免廢也。

壬午，立皇后鄧氏，追廢懿陵為貴人家，詔曰：梁冀姦暴，濁亂王

室，孝質皇帝聰敏早茂，冀心懷忌畏，私行殺毒，永樂太后親尊莫二。

和平元年，有司奏太后所居皆以永樂為稱，置官屬太僕、少府焉。

冀又

過絕，禁還京師。

謂太后常居博園，不得在洛陽。

使朕離母子之愛，隔顧復之恩，禍害深大，罪釁日滋，賴宗廟之靈，及中常

侍單超、徐璜、具瑗、左愷、說文曰：愷，郡也。音工。奐反。今作心旁。官即愷字也。今相傳音縮。唐衡、尚書令尹勳等，激憤建築，內外協同，漏刻之間。

桀逆梟夷。梟，縣首於木也。斯誠社稷之祐，臣下之力。宜班慶賞，以酬忠勳。其封超等五人為縣侯，勳等七人為

亭侯。五縣侯，謂單超、新豐侯、徐璜、武原侯、具瑗、東武陽侯、左愷、上蔡侯、唐衡、汝陽侯、七亭侯，謂尹勳、宜陽都鄉、霍、鄆、鄆都亭、張敬山、陽西鄉、歐陽、參、修武、仁亭、李璋、宜陽、金門、虞、放、免、句、呂、鄆、亭、周、永、下、邳、高、遷、鄉。於是舊故恩私，多

受封爵。大司農黃瓊為太尉，光祿大夫中山祝恬為司徒。恬字伯休，虛奴人。大鴻臚梁國盛允為司空。允字伯代，〔集解〕惠

棟曰：案司徒盛允碑，允字伯世，梁國虞人也。初置祕書監官。漢官儀：祕書監一人，秩六百石。〔集解〕惠棟曰：東觀記：掌古今文字，考合異同。皇甫規與張奐書曰：從兄祕書，它伺動靜是也。冬十月壬申，行幸

長安。乙酉，幸未央宮。甲午，祠高廟。十一月庚子，遂有事十一陵。壬寅，中常侍單超為車騎將軍。十二月

己巳，至自長安。賜長安民粟人十斛，園陵人五斛。行所過縣三斛。燒當等八種羌叛，寇隴右。護羌校尉

段熲追擊於羅亭，破之。東觀記曰：追到積石山，即與羅亭相近，在今鄯州也。天竺國來獻。

三年春正月丙申，大赦天下。丙午，車騎將軍單超薨。閏月，燒當羌叛，寇張掖。護羌校尉段熲追擊於積

石大破之。

積石山在今鄯州龍支縣南。即禹貢云導河積石是也。〔集解〕先謙曰龍支南之小積石山。在今甘肅河州西北七十里之西北百二十里為積石關。章懷注誤認為禹貢積石。杜佑通典踵之。蔡沈援以釋尚書。後人遂合大小積石為

一班注金城郡河關下云。積石山在西南羌中。即今西甯邊外西南五百三十餘里之。大雪山為青海諸山之冠。唐時名大積石。元史誤為昆侖者也。詳見先謙前書補注。

白馬令李雲坐直諫下獄死。夏四

月上郡言甘露降。五月甲戌。漢中山崩。

〔集解〕惠棟曰。續志是時。上寵恣中常侍單超等。

六月辛丑。司徒祝恬薨。七月。司空盛允為

司徒。太常虞放為司空。

放字子仲。陳留人也。

長沙蠻寇郡界。九月。太山琅邪賊勞丙等復叛。寇掠百姓。遣御史中

丞趙某。

史闕名。

持節督州郡討之。丁亥。詔無事之官。權絕奉。豐年如故。冬十一月。日南蠻賊率眾詣郡降。

勒姐羌圍允街。

勒姐。羌號也。姐音子野反。

段熲擊破之。太山賊叔孫無忌攻殺都尉侯章。十二月。遣中郎將宗資討

破之。

〔集解〕惠棟曰。事具趙彥傳。

武陵蠻寇江陵。車騎將軍馮緄討。皆降散。荊州刺史度尚討長沙蠻。平之。

〔集解〕惠棟曰。考異

云。事在五。年重出。

四年春正月辛酉。南宮嘉德殿火。戊子。丙署火。

丙署。署名也。續漢志曰。丙署長七人。秩百石。黃綬。宦者為之。上中宮別處。

大疫。二月壬辰。武庫火。司

徒盛允免。大司農种勣爲司徒。三月省冗從右僕射官。

永壽三年置。

太尉黃瓊免。夏四月太常劉矩爲太尉。

甲寅封河間王開子博爲任城王。五月辛酉有星孛于心。丁卯原陵長壽門火。己卯京師雨雹。

東觀記曰大如。

雞子續漢志曰誅殺過差寵小人也。

六月京兆扶風及涼州地震。庚子岱山及博尤來山竝頽裂。

博今博城縣也。太山有徂來山一名尤來。

己酉大赦

天下司空虞放免。前太尉黃瓊爲司空。燧爲屬國夷寇鈔百姓。益州刺史山昱擊破之。零吾羌與先零

諸種並叛。寇三輔。秋七月京師雩。滅公卿目下奉。賁王侯半租。占賣關內侯。虎賁羽林緹騎營士五大

夫錢各有差。九月司空黃瓊免。大鴻臚劉寵爲司空。冬十月天竺國來獻。南陽黃武與襄城惠得。昆陽

樂季。詆言相署。皆伏誅。先零沈氏羌與諸種羌寇并涼二州。十一月中郎將皇甫規擊破之。十二月夫

餘王遣使來獻。

五年春正月省大官右監丞。

永壽二年置。

壬午南宮丙署火。三月沈氏羌寇張掖酒泉。壬午濟北王次薨。夏

四月長沙賊起寇桂陽蒼梧

東觀記曰時攻沒蒼梧取銅虎符太守甘定刺史侯輔各奔出城桂陽郡在桂水之陽今連州縣〔集解〕先謙曰唐連州桂陽縣即連州治今廣東連州也故攻沒梧州

驚馬逸

象突入宮殿乙丑恭陵東闕火

安帝陵也〔集解〕錢大昕曰五行志作恭北陵恭北陵者順帝母李氏陵也

戊辰虎賁掖門火己巳太學西門自壞

五月康陵園寢火

殤帝陵也

長沙零陵賊起攻桂陽蒼梧南海交阯遣御史中丞盛修督州郡討之不克乙

亥京師地震詔公卿各上封事甲申中藏府丞祿署火

〔集解〕惠棟曰丞五行志作承

秋七月己未南宮承善闕火

爾雅曰宮

中門謂之闕廣雅曰闕謂之闕

烏吾羌寇漢陽隴西金城諸郡兵討破之八月庚子詔減虎賁羽林住寺不任事者半奉

勿與冬衣

東觀記曰以京師水旱疫癘帑藏空虛虎賁羽林不任事者住寺減半奉據此謂簡選疲弱不勝軍事者留住寺也

其公卿目下給冬衣之半艾縣賊焚燒長沙郡

縣寇益陽殺令

東觀記曰時賊乘刺史車屯據臨湘居太守舍賊萬人以上屯益陽殺長吏艾縣名屬豫章郡故城在今洪州建昌縣

又零陵蠻亦叛寇長沙己卯罷琅邪都

尉官

永壽元年置

冬十月武陵蠻叛寇江陵南郡太守李肅坐奔北棄市

〔集解〕惠棟曰續志肅坐蠻夷賊攻盜郡縣取財物一億已上入府取銅虎符肅肯敵走

不救城郭棄市也

辛丑呂太常馮緄為車騎將軍討之假公卿目下奉又換王侯租目助軍糧出濯龍中藏錢還

之十一月馮緄大破叛蠻於武陵京兆虎牙都尉宗謙坐臧下獄死

京兆虎牙都尉屯長安見西羌傳〔集解〕惠棟曰續志作宋謙

滇那羌

寇武威張掖酒泉太尉劉矩免太常楊秉為太尉

六年春二月戊午司徒种暘薨三月戊戌大赦天下衛尉潁川許栩為司徒

栩字季關鄆人

夏四月辛亥康陵

東署火五月鮮卑寇遼東屬國秋七月甲申平陵園寢火

平陵昭帝陵也

桂陽盜賊李研等寇郡界武陵蠻復

叛太守陳奉與戰大破降之隴西太守孫羌討滇那羌破之八月車騎將軍馮緄免冬十月丙辰校獵

廣成遂幸函谷關上林苑十一月司空劉寵免南海賊寇郡界十二月衛尉周景為司空

七年春正月庚寅沛王榮薨三月癸亥隕石于鄂夏四月丙寅梁王成薨五月己丑京師雨雹

〔集解〕惠棟曰續志

是時鄧后僭修驕恣專幸明年廢以憂死其家皆誅也

秋七月辛卯趙王乾薨野王山上有死龍荆州刺史度尚擊零陵桂陽盜賊及

蠻夷大破平之冬十月壬寅南巡狩庚申幸章陵祠舊宅遂有事於園廟賜守令目下各有差戊辰幸

雲夢臨漢水。還幸新野祠湖陽新野公主魯哀王壽張敬侯廟。

光武姊湖陽長公主新野長公主兄魯哀王舅壽張敬侯樊重並光武時立廟。

護羌校

尉段熲擊當煎羌破之。十二月辛丑車駕還宮。

八年春正月遣中常侍左悺之苦縣祠老子。

史記曰老子者楚苦縣厲鄉曲里人也名耳字聃姓李氏為周守藏史有神廟故就祠之苦縣屬陳國故城在今亳州谷陽縣也苦音戶又如字〔集解〕

先謙曰在今歸德府鹿邑縣東十里。

勃海王惲謀反降為瘠陶王。

瘠陶縣屬鉅鹿郡故城在今趙州瘠陶縣西南〔集解〕先謙曰在趙州寧晉縣西南。

丙申晦日有食之。

〔集解〕惠棟曰續志

在營室十三度營室之中女主象也其二月鄧皇后坐醜上送暴室自殺家屬被誅也。

詔公卿校尉舉賢良方正己酉南宮嘉德署黃龍見千秋萬歲殿火。

〔集解〕錢大昕曰按此上承正月丙申晦日食則己酉上當脫二月兩字五行志亦云二月也依此文似龍見一事火災又一事志於黃龍下無見字萬歲殿下多皆字則黃龍亦是殿名與嘉德署同日火也。

太僕左稱有辜自殺。

癸亥皇后鄧氏廢河南尹鄧萬世。

鄧后之叔父。

虐賁中郎將鄧會下獄死。

鄧后之兄子。

護羌校尉段熲擊罕姐羌。

破之三月辛巳大赦天下夏四月甲寅安陵園復火。

惠帝陵也。

丁巳壞郡國諸房祀。

房謂祠堂也王渙傳曰時唯密縣存故太傅卓茂廟洛陽

留令王

濟陰東郡濟北河水清。

〔集解〕吳仁傑曰襄楷上疏曰案古帝王未有河清者也清者屬陽濁者屬陰當濁而反清者陰欲為陽也豈諸侯有規京都計邪仁傑案楷言良有理蓋臣者君之陰諸侯者天子之陰后

漢祠。

妃爲人主之陰。夷狄爲中國之陰。觀延熹以後。凡有河清之異。非國有大故。下人謀叛。則后妃與政。夷狄亂華也。後漢及隋唐五行志載河清事。指爲災異。漢隋二史。又皆著其事。應其說自楷發之。又京房易傳。河水清。天下平。故鮑照。張暢。皆有河清頌。後齊至以此紀元。而近世中外表賀。蓋以爲不可逢之嘉瑞也。孔毅父論詳瑞不可憑。引代宗河清幸陝事。以證要之河清本非祥瑞事。往時編會要者。分別部居。乃列之休證門中。豈偶未之思歟。獨襄楷推原答證。固善。但恨其猶感易傳之說。以春秋書麟爲比云。又漢以來河清而史不著事。應者皆可推言之也。建寧四年。河水清。鮮卑寇荊州。宋元嘉二十四年。河濟俱清。後三年。魏人至瓜步。唐武德九年。河清。建成兄弟自相魚肉。正觀十四年以後。比三年。河清。劉齊王張亮相繼以畔誅。二十三年。河清。有國郵。永徽。調露間。河清者四。則應在武后。開元中。河清。則應在祿山。乾元二年。河清。不三年。有國郵。寶應元年。河清。明年。代宗幸陝。建中四年。河清。涇原兵變。十四年。河清。李錡以不軌聞。其爲不詳甚矣。

五月壬申。罷太山都尉官。

永壽元年置。〔集解〕顧炎

武曰。秦山都尉。孔宙碑云。宙以延熹四年卒。蓋卒後四年。官遂廢矣。然秦山都尉。實不始於永壽。光武時曾置之。見文苑傳。

丙戌。太尉楊秉薨。

〔集解〕錢大昕曰。風俗通。六月九日未明。太尉楊秉暴薨。應劭與秉同時。其記日月當可

信。丙辰。緱氏地裂。桂陽胡蘭。朱蓋等復反。攻沒郡縣。轉寇零陵。零陵太守陳球拒之。遣中郎將度尙。長

沙太守抗徐等擊蘭。蓋大破斬之。

謝承書曰。抗徐字伯徐。丹陽人。少爲郡佐史。有膽智策略。三府表徐有將率之任。特遷長沙太守。風俗通曰。衛大夫三抗之後。漢有抗喜爲漢中太守。

蒼梧太

守張敫爲賊所執。

〔集解〕惠棟曰。天文志。荊州刺史。芝交趾刺史。葛祗皆爲賊所拘略。

又桂陽太守任胤。

〔集解〕惠棟曰。任字伯嗣。南郡編人也。見成皋令任君碑。

背敵畏懦。皆棄

市。閏月甲午。南宮長秋和歡殿後鉤楯掖庭朔平署火。

長秋宮名。漢官曰。朔平署司馬一人。

六月。段熲擊當煎羌於湟中。大

破之。

澶水名在今鄆州澶水縣。

秋七月太中大夫陳蕃為太尉八月戊辰初令郡國有田者畝斂稅錢。

畝十錢也。〔集解〕通鑑胡注宦者傳。

張讓等說帝斂天下田畝稅十錢非此時事也。蓋漢法田租三十稅一而計畝斂錢則自此始。

九月丁未京師地震冬十月司空周景免太常劉茂為司空。

茂字叔盛。

彭城人也。

辛巳立貴人竇氏為皇后勃海妖賊蓋登等。

蓋音古盍反。

稱太上皇帝有玉印珪璧鐵券相署置皆伏

誅。續漢書曰時登等有玉印五皆如白石文曰皇帝信璽皇帝行璽其三無文字璧二十二珪五鐵券十一開王廟帶玉綬衣絳衣相署置也。

十一月壬子德陽殿西閣黃門北寺火延及

廣義神虎門燒殺人。

廣義神虎洛陽宮西門也在金商門外袁山松書曰是時連月火災諸宮寺或一日三發又夜有訛言擊鼓相驚陳蕃等上疏諫曰唯善政可以已之書奏不省〔集解〕汪文臺曰是年又有劉智茂諫亦見五行

志使中常侍管霸之苦縣祠老子。

〔集解〕惠棟曰孔氏譜曰桓帝位老子廟於苦縣之賴鄉畫孔子像於壁孔疇為陳相立孔子碑於像前今見存老子銘曰建熹八年八月甲子皇上尚德宏道含闔光大存神養

性意在凌雲是以潛心黃軒同符高宗夢見老子尊而祀之於時陳相邊韶典國之禮演而銘之云云洪适曰水經注載蒙城王子喬碑亦云延熹八年八月帝遣使致祠國相王璋乃紀銘遺烈蓋威宗方修神仙之事故一時郡國競作銘表。

九年春正月辛亥朔日有食之。

〔集解〕錢大昕曰五行志作辛卯惠棟曰續漢志曰在營室三度史官不見郡國以聞谷永以為王朝尊者惡之其明年宮車晏駕。

詔公卿校尉郡國

舉至孝沛國戴異得黃金印無文字遂與廣陵人龍尚等共祭井作符書稱太上皇伏誅。

東觀記曰戴異鉏田得金印到

廣陵以己酉詔曰比歲不登人多飢窮又有水旱疾疫之困盜賊徵發南州尤甚謂長沙桂陽零陵等郡也並屬荊州災異日

食謹告累至政亂在子仍獲咎徵其令大司農絕今歲調度徵求及前年所調未畢者勿復收責其災

旱盜賊之郡勿收租餘郡悉半入三月癸巳京師有火光轉行人相驚譟司隸豫州飢死者什四五至

有滅戶者遣三府掾賑粟之陳留太守韋毅坐臧自殺夏四月濟陰東郡濟北平原河水清司徒許栩

免五月太常胡廣為司徒六月南匈奴及烏桓鮮卑寇緣邊九郡秋七月沈氏羌寇武威張掖詔舉武

猛三公各二人卿校尉各一人太尉陳蕃免庚午祠黃老於濯龍宮〔集解〕汪文臺曰御覽七百二引續漢書云祠老子於濯龍宮設華蓋八座七百五

十六引云用瀝金缸器初學記二十四御覽遣使匈奴中郎將張奐擊南匈奴烏桓鮮卑九月光祿勳周景為太

尉南陽太守成瑨〔集解〕惠棟曰瑨車騎將軍馮緄碑作晉太原太守劉質並呂譖棄市時小黃門趙津犯法質考殺之宦官怨恚有司承旨奏質等〔集解〕惠棟曰質馮緄碑及天文志作

瑨錢大昕曰按陳蕃王允劉般龔楷傳俱作劉瑨考說文無瑨字當以質為正也瑨質被譖棄市據陳蕃傳在延熹八年時蕃為太尉上疏極諫明年李膺等以黨事下獄蕃又疏諫帝惡其切直托以辟召非人策免絕書此事於蕃免官之後似失其次矣〔天文志在

九年十一月（一）司空劉茂免。大秦國王遣使奉獻。時國王安敦獻象牙、犀角、玳瑁。先謙曰：此秦西通中國之始。大秦在漢為羅馬，在今為義大利國。冬十二月，洛城榜竹

柏枯傷。〔集解〕惠棟曰：考異云：案續漢志，係延熹七年事。紀誤。光祿勳汝南宣鄭為司空。鄭字伯應，封東陽亭侯。南匈奴烏桓、率眾詣張奐降。司隸

校尉李膺等二百餘人，受誣為黨人，並坐下獄。書名王府。河內牢修告之。事具劉淑傳。

永康元年春正月，先零羌寇三輔。中郎將張奐破平之。當煎羌寇武威，護羌校尉段熲追擊於鸞鳥。大

破之。鸞鳥，縣名，屬武威郡。鸞音蕪。〔集解〕先謙曰：在今涼州府武威縣南。西羌悉平。夫餘王寇玄菟。太守公孫域與戰，破之。夏四月，先零羌寇

三輔。五月丙申。〔集解〕惠棟曰：志作丙午。京師及上黨地裂。〔集解〕惠棟曰：續志：洛陽高平水壽亭上黨法民地。廬江賊起，寇郡界。壬子晦，日有食之。

〔集解〕惠棟曰：續志：在輿鬼一度。儒說：壬子，涸水日。而陽不克，將有水害。其八月六州大水，渤海盜賊。詔公卿校尉舉賢良方正。六月庚申，大赦天下，悉除黨錮。改

元永康。時李膺等頗引宦者子弟，宦官多懼，請帝以天時當赦帝許之，故除黨錮也。丙寅，阜陵王統薨。秋八月，魏郡言嘉禾生，甘露降。巴郡言黃龍

見。續漢志曰：時人欲就沔浴，見沔水濁，因戲相恐，此中有黃龍，語遂行人間。郡欲以為美，故上言之。時史以書帝紀，桓帝政化衰闕，而多言瑞應，皆此類也。先儒言瑞應非時，則為妖孽，而人言生龍，皆龍孽也。〔集解〕惠棟曰：通鑑云：郡吏傅堅諫曰：此走卒戲耳。

太守不聽

六州大水，勃海海溢，詔州郡賜溺死者七歲，日一錢，人二千，一家皆被害者，悉為收斂，其亡失穀

食，粟人三斛。冬十月，先零羌寇三輔，使匈奴中郎將張奐擊破之。十一月，西河言白兔見。

〔集解〕惠棟曰：案符瑞志當作

白雉。十二月壬申，復瘞陶王悝為勃海王。丁丑，帝崩于德陽前殿，年三十六。戊寅，尊皇后曰皇太后，太后

臨朝，是歲復博陵、河間二郡，比豐沛。

論曰：前史稱桓帝好音樂，善琴笙。

前史謂東觀記

飾芳林而考濯龍之宮。

薛綜注：東京賦云：濯龍殿名芳林，謂兩旁樹木闌也。考成也。既成而祭之。左傳曰：考仲子之宮。

也。〔集解〕惠棟曰：東京賦云：濯龍芳林，九谷八溪。注云：洛陽圖經曰：濯龍池名，故歌曰：濯龍望如海，河橋渡如雷。芳林苑名。

設華蓋日祠浮圖老子。

浮圖，今佛也。續漢志曰：祀老子於濯龍宮，文屬為壇，飾瀆金銀器，設華蓋之坐。

用郊天樂

斯將所謂聽於神乎。

左傳曰：史歸曰：國將興，聽於人；將亡，聽於神。

及誅梁冀，奮威怒，天下猶企其休息，而五邪嗣虐，流行四

方。

五邪，謂單超、徐璜、左悺、唐衡、具瑗也。

自非忠賢力爭，屢折姦鋒。

忠賢，謂李膺、陳蕃、竇武、黃瓊、朱穆、劉淑、劉陶等。各上書極諫，以折宦官等姦謀之鋒也。

雖願依樹流屍，亦不

可得已。

帝王紀曰：夏帝相為羿所逐，相乃都商丘，依同姓諸侯，斟灌斟尋氏。史記曰：周厲王好利暴虐，周人相與畔而襲厲王，王出奔于甯，言帝寵幸宦，令執威權，賴忠臣李膺等竭力諫爭，以免篡弒之禍。不然，則雖願如夏相依斟，周人流甯，不可得也。

斟灌斟尋國故城。在今青州。魏晉地也。〔集解〕汪文臺曰。御覽九十二引薛瑩書云。漢德之衰。有自來矣。而桓帝繼之以淫暴。封殖宦豎。羣妖滿側。姦黨彌興。賢良被辜。政荒民散。亡徵漸積。逮至靈帝。遂傾四海。豈不痛哉。左傳曰。國於天地。有與立焉。不數世淫。不能弊也。信夫。

贊曰。桓自宗支。越躋天祿。

越。謂非次也。躋。升也。天祿。天位也。左傳。子家羈曰。天祿不再。

政移五倖。刑淫三獄。

倖。佞也。淫。濫也。五倖。即上五邪也。三獄。謂李固。杜喬。李雲。杜衆。成瑨。劉質也。

傾宮雖積。皇身靡續。

帝王紀曰。紂多發美女。以充傾宮之室。婦人衣綾紈者三百餘人。據桓帝納三皇后。又博採宮女五六千人。並無子也。

後漢書集解卷七 拔補

桓帝紀母匱氏注史記曰匱姓咎繇之後也匱音偃

案注引史記未審所出龍門書無此說也續志河南郡匱師注引皇覽北有咎繇祠疑繇後居此以地為姓又匱本與偃通姓苑咎

繇生曲阜其

後為偃氏

立阜陵王代兄勃遁亭侯便為阜陵王注以順帝陽嘉中封勃為遁亭侯

錢大昭曰注勃為二字當乙閩本亦誤今案官本依監本轉刊二字仍誤

倒知各本

皆未正也

芝草生中黃藏府

錢大昭曰續志少府屬官有中藏府令注云掌中幣帛金銀諸貨物此云中黃疑衍黃字注亦誤案曹植令云今皇帝捐乘車之副竭中黃之府是漢自有中黃藏府也

司徒趙戒為太尉注戒字志伯蜀郡人也

案注已見順紀永和六年誤複

封帝弟顧為平原王集解錢大昕曰與紀互異

侯康曰孝崇匱皇后紀又作帝弟平原王石竊謂作碩者是顧則形近之誤石則聲近之誤也作帝弟者是東觀記稱桓帝為齷吾

侯長子則帝不得有兄也

案石頭古通作並非誤字

其自永建元年迄乎今歲。官本平作于。

廉縣雨肉注。廉縣屬北地郡也。今平涼府固原州東北。

今京師廝舍死者相枕注。廝舍賤役人之舍。官本注末有也字。

可於官墻地葬之注。墻城郭旁地音奴喚而戀二反。官本戀作變。

己亥詔曰集解何焯曰。至疑日有誤。己亥官本同案袁紀作己丑通鑑作乙丑當以通鑑爲正。

詔在所賑給乏絕。錢大昭曰在所閩本作所在。

光祿勳房植爲司空集解惠棟曰。至清風高節不是過也。侯康曰蔡邕司空房植（今本誤植）碑公言非法度不出于口行非至公不萌于心治身則伯夷之潔也儉

嗇則季文之約也。盡忠則史魚之直也。剛平則山甫之勵也。總茲四德式是百辟。夙夜匪懈以事一人。枉絲髮樹私恩不爲也。討無禮當彊禦弗避也是以功隆名顯在世孤特不獲愷悌寬厚之譽享年垂老至于積世門無立車堂無宴客衣不變裁食不兼味雖

易之貞厲詩之羔羊無以加也。案植見李固及黨錮傳而在官無可表見故范書不爲別立傳也。

東海胸山崩注。胸山名也。在今海州胸山縣南。

續志東海郡胸縣注引山海經。都洲在海中。一曰郁洲。郭璞曰。在縣界。世俗傳此山在蒼梧徒來。上皆有南方樹木。案水經淮水注游水歷胸

縣。與沐合。又逕胸山。山西。山側有胸縣故城。是胸山即在胸縣境也。胸縣本秦所置。兩漢因之。北周改置胸山縣。隋唐因之。明始省入海州。故城在今海州南。山在今州南四里許。

初置太山琅邪都尉官注。建武十年省。

十年。官本作七年。據光武紀及續志。皆六年之譌。

置兗從右僕射官注。漢官儀

至

並秩六百石。

官本注末有也字。

集解。錢大昕曰。右字衍。

案後延熹四年三月。省兗從右僕射官。亦有右字。則此非

衍也。詳續志。少府屬有中黃門。兗從僕射一人。大長秋屬。又有中宮黃門。兗從僕射一人。秩皆六百石。此承上守宮令言之。則少府屬也。蓋原止一人。桓帝偶增置一人。遂有左右之名。不及五年。即又併省。故漢官儀不復著錄。厥後獻帝建安四年。以執金吾榮邵為尙書左僕射。衛臻為尙書右僕射。尙書僕射分置左右。當即做此。

屯騎校尉梁驥。

錢大昭曰。驥。闕本作讓。梁冀傳亦作讓。案官本同作讓。此作驥。誤。

光祿大夫中山祝恬為司徒。

侯康曰。據風俗通。恬曾為侍中尙書僕射令。豫章太守。大將軍從事中郎。司隸校尉。又續志司徒注引應劭說。中山祝恬。踐周召之列。當軸處中。忘譽諤之節。憚首尾之讒。又恬詔事梁冀。見

黃瓊傳。

大鴻臚梁國盛允為司空注允字伯代集解惠棟曰司徒盛允碑允字伯世

案水經注引同洪亮吉云賢避太宗諱改

五月甲戌漢中山崩集解惠棟曰續志是時上寵恣中常侍單超等

案本年正月單超已書薨漢中山以五月崩續志猶舉龍單超為驗明誤惠氏據補亦非

太常虞放為司空

錢大昭曰案虞延傳放以尚書為司空今案錢說非也延傳稱放桓帝時為尚書後為司空坐水災免言後則非直自尚書遷矣蓋其間嘗為太常傳略之

遣御史中丞趙某注史闕名

官本注末有也字

武陵蠻寇江陵車騎將軍馮緄討皆降散荊州刺史度尚討長沙蠻平之集解惠棟曰考異云事在五

年重出

案後五年十月緄始由太常為車騎將軍十一月大破叛蠻於武陵與緄傳及緄碑文合此為重出度尚傳度自右校令攝為荊州刺史亦在延熹五年乃朱穆應詔舉尚以代荊州刺史劉度據南蠻傳度與南郡太守李翺同獲罪帝徵肅棄

市度減死一等紀書肅坐奔北棄市亦在五年則可推知尚為刺史討蠻同屬五年事矣今載入三年紀而五年紀無之是為誤出

丙署火注丙署長七人秩百石

百石官本作四百石與續志合此脫四字

益州刺史山昱

錢大昭曰廣韻山姓周有山師之官掌山林後以官為氏或云古烈山氏之後案前書王莽傳封山蓮為褒謀子奉舉陶後是山姓當為皋陶苗裔也

艾縣賊焚燒長沙郡縣。注：艾縣名，屬豫章郡。故城在今洪州建昌縣。

在今南昌府義寧州西。

秋七月辛卯，趙王乾薨，野王山上有死龍。

錢大昭曰：襄楷傳七年六月十三日，河內野王山上有龍死，長可數十丈。續志作六月壬子，此云七月，似誤。案野王今懷慶河內縣治。

勃海王慄謀反，降為癭陶王。

癭，官本文注皆作癭，後同。案通鑑仍作癭，袁紀作定陶，誤。

護羌校尉段熲擊罕姐羌，破之。

錢大昭曰：罕姐，閩本作勒姐。案官本亦作勒姐，與熲傳合。惟通鑑作罕姐，仍與此同。

罷太山都尉官。注：永壽元年置。集解：泰山都尉，實不始於永壽。光武時曾置之。見文苑傳。

侯康曰：見文苑傳，謂見夏恭傳。

也。恭傳云：光武初即位，召拜郎中，再遷太山都尉。考西京舊制，諸郡皆有都尉。光武建武六年始省恭之拜官，在未省以前，與桓紀原不相背。案顧說乃惠氏所引，顧上仍應補惠棟曰三字。侯說永壽元年初置太山琅邪都尉官，章懷注已及之。

丙戌，太尉楊秉薨。集解：錢大昕曰：至應劭與秉同時，其記日月常可信。

侯康曰：蔡中郎集太尉楊公碑云：延熹八年五月丙戌薨。范史蓋本諸此。蔡亦

與秉同時，而勒石之文較之私家著述尤可信，不得以風俗通疑史文也。

丙辰，緱氏地裂。

案續志：乃六月丙辰也。紀文脫六月二字，且五月既書壬申於前，不應有丙辰也。

蒼梧太守張敍為賊所執。集解。惠棟曰。至皆為賊所拘略。

案續志。芝葛祗被賊拘略。列在任胤之前。與胤皆葉市。紀略不書。或因刺史官輕。然志數戮臣。而遺張敍。實志

之疏。

南宮長秋和徽殿後鉤楯掖庭朔平署火。注。漢官曰。朔平署司馬一人。

漢官。官本作漢官儀。通鑑胡注。此朔平司馬署也。百官志。朔平司馬主北宮北

門。案續志此條注。亦引漢官云。員吏五人。衛士百一十七人。則作漢官儀非。

段熲擊常煎光於湟中。大破之。注。湟。水名。在今鄯州湟水縣。

說文。湟水出金城臨羌塞外。東入河。文選注。湟水左。右羌之所居。曰湟中。唐湟水縣。今西寧府碾伯縣治。

畝斂稅錢。集解。通鑑胡注。至而計畝斂錢。則自此始。

沈銛華曰。馬貴與云。章帝時穀貴。乃封錢。以布帛為租。則錢帛蓋嘗迭用矣。此所云畝斂稅錢。乃出於常賦三十取一之外。今

所謂稅

錢始此。

勃海妖賊蓋登等。注。蓋音古盍反。

官本注。無音字。

延及廣義神虎門。燒殺人。注。廣義。神虎。洛陽宮西門也。

官本注。無也字。

巴郡言黃龍見注。因戲相恐。此中有黃龍。

因戲相恐。續志及通鑑引並同。官本注作因相戲恐。蓋據袁紀改。

飾芳林而考濯龍之宮。注考仲子之宮也。

官本注末無也字。

